


आर्य षड्चरक्षा पाठ

(अर्थ सहित)



प्रकाशकः

श्री धर्मराज वज्राचार्य


प्यंगःथां, यल ।

फोन : ५५३४५३५

आर्य पञ्चरक्षा पाठ

(अर्थ सहित)

ॐ नमोदशदिगनन्ता पर्यन्त लोकधातु प्रतिष्ठित
सर्वबुद्धबोधिसत्वोऽतीतानागत प्रत्युत्पन्नेभ्यः ॥



प्रकाशकः

श्री धर्मराज वज्राचार्य

प्यंगःथां, यल ।

फोन : ५५३४५३५

प्रकाशक :

श्री धर्मराज वज्राचार्य

प्यंगःथां, यल ।

फोन : ५५३४५३५

बुद्ध सम्वत् : २५५२

विक्रम सम्वत् : २०६५

इस्वी सम्वत् : २००९

नेपाल सम्वत् : १९२९ पोहेलागाः चौथी (घ्योचाकू सँल्हु)

न्हापांगु संस्करण : १००० प्रति

मूः : रू. ३०।-

पेज सेटिङ्ग : अनिलराज जोशी

मुद्रक : बागमती छापाखाना

गाःबहाल, वनबहाल, ललितपुर

फोन नं. ५५३३८४७

छत्वाःचा खँ

भीगु महायान बौद्ध समाजय् धारणी पाठ यायेगु प्रचलन यक्वहे दु । प्यखेरं वइगु सम्भाव्य थी थी प्रकारयागु भय, विघ्न, रोग, शोक, उपद्रव आदि फुक्क पाखें नं रक्षा याना सकल सत्त्वप्राणीपिं प्रति मैत्री करुणा पिज्वयेका सकलसिगु कल्याणया नितिं विभिन्न प्रकारयागु धारणी ब्वनेगु परम्परा अद्यापि न्ह्यानावयाच्चंगु दनी ।

थुगु पञ्चरक्षा धारणी पाठ यानागुया फल थुकिं जुइगु रक्षा व थी थी प्रकारया आतंक भय उपद्रव रोग शोक आदि पाखें रक्षा जुया वंगुया बौद्ध ग्रन्थे उल्लेख जुयाच्चंगु दु । थुगु धारणी पाठ यायेगु इवल्य् धारणी पाठप्रति श्रद्धा तया ब्वनीम्ह व्यक्तियाके सकल प्राणीप्रति करुणा दृष्टि थें जाःगु गुण धर्म दयेमा ।

वथें तुं मैत्री करुणाया खानी जुया बिज्याम्ह भगवान बुद्धयागु सत्यया आनुभावं फुक्क विघ्न, रोग शोकादि फुना मदया सकलसियां हित सुख जुइगु मंगल कामना याना तःगु सूत्र त पालि बौद्ध साहित्य नं उल्लेख जुयाच्चंगु दु ।

नेपालय् प्राचीनकालनिसें थुजोगु पञ्चरक्षा पाठ धारणी ब्वनेगु प्रचलन न्ह्यानावयाच्चंगु दु । थ्व भीगु नेपालमण्डलय् अप्पोयाना थुगु हे पञ्चरक्षा पाठ धारणी ब्वनेगु यक्वहे चलेजुया च्वंगु दु ।

थुगु थ्व पञ्चरक्षा पाठ धारणीयात श्री भगवानं अडकवती महानगरे अनेक देव, नाग, यक्ष, गन्धर्वादि सकल देव लोक फुक्कं भुवन थुगु आर्य्य पञ्चरक्षा सूत्र पाठ धारणी उल्लेख याना तःगु कथंथ्येनतुं पञ्चरक्षा यागु मण्डल दयेका मन्त्र, जाप, ध्यान, पूजा नापनापं याका थुगु खँया महत्व सम्पूर्ण हे आज्ञा दयेका बिज्यागु खँ नं थुगु हे सफल हे न्ह्यथना तःगु दु ।

हाकनं जित हे जुयावनेधुंकूगु खँ छत्वा थन न्ह्यथनेत्यना । न्हापा जित जूगु खँ – जिगु छें जन्मजूम्ह काय्मचा छम्हेसित मचाबले हे वैत प्वाःयागु रोग छगू जुयावल । व मचायात नयेगु त्वनेगु याकेबले प्वाथे क्वहाँ वनकि बान्ता ज्वीगु । अले वयात वैद्यराज क्यना उपाय याका स्वया लगेहेमजू । लिपा व मचायागु जातः ज्वना दिवंगत वैद्य लोकपति वज्राचार्यजुयात क्यनास्वया ।

उगु जातः स्वया वसपोल व मचायागु पूर्वजन्मयागु समेत धयाबिज्यात । थ्व मचाया न्हापायागु जन्मे यानावगु छुं कर्मयाके व मचायात उगु रोगजुया च्वंगु खः । ग्रहगोचर पाखेनं वैत अथे प्वाथेयागु रोग जुयाच्च्वंगु खः । आः छगू उपाय जिंकने वयागु नामं श्री पञ्चरक्षा मण्डल दयेके बिया न्याम्हहे गुरुजुपिसं पाठ याकाबिये माल, नापं होमक्रिया छगू नं याकेमाल । हाकनं आकाशचरी ज्वः १, जलचरी न्यां छज्वः नं स्थापना याना बिये माल । श्री पञ्चरक्षादेवी यागु रक्षाचक्र दुगु जन्त्र छगू नं क्वखायेकेगु, छगू जन्त्र पाखासी खाया बियेमाल । वैद्यराजया थुगु बचनं जिं उगु ज्या याकेबियागु जुल । उम्ह मचायात न्ह्योने तया पूजाया ज्या शुरू जुल । थुखे गुरुजुपिन्सं चरू शोधन याना वहे पञ्चरक्षा मन्त्रं सवालाख चरू होमय् दुया बिल । मेपिं गुरुजुपिन्सं पञ्चरक्षा सफू न्याधाःक्व पाठ याना बिज्यात । थुखे होमादिकर्म क्वचायेका लिपा आकाशचरी छज्वः मचायात थिइका आकाशय् त्वताछोत, जलचरी न्यां छज्वः जक तूथी लःखे त्वताछोत । उकियागु कारण दिवंगत लोकपति गुरुजु याके जिं न्यनाबले वसपोलं थथे धकाः कनाबिज्यागु जुल । थ्व आकाशचरी स्वर्गभुवने ब्वया वना देवलोकपिन्त मर्त्य मण्डलय् छम्ह बालकया तसकंहे प्वाथेयागु रोगं कया कष्ट जुयाच्च्वनं धका खबर कंवनीगु जुल । हाकनं जलचरी न्यांछज्वःनं पातालय् विष्णुलोके वना अथेहे खबर कंवनीगु जुल । अलय् थुगु खबर न्यना देवलोकपिन्सं थुम्ह मनुष्यया शरीरय् रोग नाश जुया याकनं हे निरोगी जुइमा धका आशिर्वाद बिया हइगु जुल ।

थुलि याना बियागु कारणं न्हिन्हिं उम्ह मचाया रोग नाश जुया निरोगी जुया अद्यापि थौतक नं आनन्द सुखी पूर्वक जीवन हनाच्च्वन ।

अन्तय् थुगु सफू प्रुफ स्वया बिज्याम्ह हिरण्यवर्ण महाविहारया धलायचा त्वाःलय् च्वंम्ह श्री दीपक वज्राचार्यजुयात सहस्रवार धन्यवाद बियाच्च्वनागु दु । नापं तुं थुगु सफू पिथनेत कम्प्यूटर टाइप याना ग्वहाली याःम्ह भिन्चा शान्तबहादुर वज्राचार्यजु यात नं आपालं धन्यवाद बियाच्च्वना ।

च्वमि

धर्मराज वज्राचार्य

ॐ आर्य महाप्रतिसराः

ॐ नमोदशदिगनन्ता पर्यन्त लोकधातु प्रतिष्ठित
सर्वबुद्धबोधिसत्त्वोऽ तीतानागतः प्रत्युत्पन्नेभ्यः ॥

अस्यार्थः

आदौपैले न्हापां दशदिगनन्ता पर्यन्त लोकधातुस बिज्याना
च्वोपिं न्हापा न्हापा जुया बिज्यानाच्वोपिं, लिपा जूबिज्याईपिं,
हाकनं आः थौकने जुया बिज्याकम्ह श्री शाक्यमुनि आदि सम्पूर्ण
दको बुद्धबोधिसत्त्वपिन्त नमस्कार ॥

ॐ नमोः भगवत्यैः । आर्यमहाप्रतिसरादेव्यैः

श्रीमत् अत्यन्त शोभायमानजुया बिज्याकम्ह श्रीआर्य
प्रतिसरादेवीयात बारंबार नमस्कार ॥ थनंलि छगूकाले छगू समये
श्री शाक्यमुनि बुद्ध भगवान तःधंगु वज्रमेरू धयागु पर्वतया च्वकास
च्वंगु विहारे बिज्याना च्वन धका धाःगु थुगु प्रकार जिं न्यनातया ॥
थुगु स्थाने गथीगु धालसा तःधंगु वज्र समाधि भूमि जुयाच्वंगु थासे
पुनर्बार हाकन तःधंगु कल्पबृक्षें संयुक्त जुयाच्वंगु अनेक प्रकारया
जातंजातया कल्पबृक्ष अश्वत्थ बृक्ष, पारिजात बृक्ष, चंपक बृक्ष,
ताल बृक्ष आदि अनेक प्रकारया सिमास्वांमा दया फलफूलनं सहित

जुया अनेक जातया पंक्षिगणपिं जुना मधुर स्वरनं हालाच्चनः ॥
हाकनं थुगु स्थानेस तःधंगु हेराथ्ये बांलागु रत्नथ्ये जागु पलेस्वांया
शोभां शोभायमान जुयाच्चन ॥

पुनर्वार हाकनं थुगु प्रकारं स्थानस्थानान्तरे च्यागू गुणं
संयुक्त जुयाच्चंगु निर्मल जलं परिपूर्ण जुया पलेस्वां, चःस्वां, उफोस्वां
इत्यादि होया शोभायमान जुया च्वंगु तःधंगु अत्यन्त बांलागु
हेराथ्ये च्वंगु थुजोगु पुखु छगूनं दयाच्चन ॥ हाकनं थुगुथासेसं वज्र
समानं क्वातुगु फि लायातःगु भूमिनं दयाच्चन ॥ थुजोगु थासेसं
तःधंगु वज्रासने दथुइलाक तःधंगु वज्रसमानगु मण्डले दथ्वीसं
सकल देवताया राजाजुया च्वंम्ह शक्रनाम धयाम्ह देवराज इन्द्रया
भुवनेथ्ये आपालं कोटानकोटि बोधिसत्त्वपिं बिज्याना थुगुस्थानस
बिराजमान जुयाच्चन ॥ थनंलि थुगुस्थानस धर्म उपदेशबिया अनेकगु
पुरुषार्थ क्यना सकल बुद्धपिनिगु सकल तथागतपिनिगु लक्षणं
परिपूर्ण जुयाच्चंगु थासे सकल तथागत पिनिगु धर्मयाना सकलें
समजुया च्वंगु थायस सर्वज्ञपदलाना बिज्यापिसं बासयानाच्चंगु
भूमिस चेप्यम्ह ८४ बोधिसत्त्वपिसनं बुद्धपद लायधका दानशील
इत्यादिं भिगु पारमिता पुरेयाना बिज्यानाच्चंपिं, हाकनं माहात्मापिसं
कोटानकोटि लखंलख दोलंदोल सकल समान जातयापिं दको छगूमत
जुया मेपिसं सुनानं कनाःकनेमफुगु अनुत्तर सम्यक्सम्बोधि
ज्ञानयामार्गय् बिज्यानाच्चंपिं सकल प्रमुखं सहित जुया महास्थाम
बोधिसत्त्वया पदप्राप्त जूपिंथ्ये हर्षज्वीकाः, हाकनं तःधंगु प्रज्ञाबिमोक्ष

धयागु प्राप्तज्वीगु तःधंगु समाधिज्ञान लातः, अनेनेगु बुद्धक्षेत्रे च्वना ऋद्धिप्रातिहार्य्य धयागु पुरुषार्थ क्यनेफुपिं सहितं च्वनाच्चन ॥

पुनर्बार थुगुथायस छगू क्षण छगू मुहूर्त पलखया भित्रे सत्त्वप्राणिपिनिगु चित्तयागु चरित्र सुखदुःख दक्वों बरोबर विचारयाना थुजोगु जुयाच्चन धका तुरुन्त स्यूपिं थुजो थुजोगु अपुर्वकगु दान चित्तनं पुरेजूगु थुजोगु धर्मदेशना यागुया प्रभावं अनेनेगु पुरुषार्थ दयाच्चंपिं सकले सहित जुयाच्चन ॥ हाकनं थुगु प्रकारं अनेनेगु बुद्ध क्षेत्रे अनेनेगु बुद्ध भूमिस सकभनं सकल तथागतपिनिगु तच्चोतं पुजायाना धूपथना गथ्ये आकाशय् सुपाच दयाच्चन वथ्ये धूपयागु कुं वनाच्चन ॥ उलि हे प्रमाणं पुजा यायेधका मतितया च्वंपि, हाकनं तःधंगु मोक्षपद लायेगु मतितया धारणी ब्वना, समाधी योगयाना, ध्यानयाना, पंचाभिज्ञ पदलाना, भिंच्यागू आवेणिक धयागु ज्ञानं पूर्णयाना, पूर्णज्वीका, हाकनं सप्तबोध्यङ्ग धयागु न्हेगू बोधिज्ञानया अंग पुरेयाना, आर्याअष्टाङ्ग मार्ग धयागु च्यागू कचा दुगु निर्वाणमार्गे च्वना, भिगू तःधंगु पारमिता पुरेयाना, उपाय कौशल धयागु पुजा व उपाय थुजोगु गुणनं संयुक्त जुयेका, हाकनं मैत्री करुणा मुदिता उपेक्षा धयागु तःधंगु पारमितानं पुरेयाना, चतुर्ब्रम्हविहार धयागु भावयाना, मैत्री बलं संयुक्त जुवगु चित्त ज्वीका, केवल थीथी मायातया प्रीतितया करुणातया सकल नापं मित्र भावयाना, अनेनेगु समर्थवान दयेका बिज्याना च्वंपिनं थुगु थाय्स बिज्यानाच्चन ॥ सुसु धालसा ॥

वज्रगर्भेण धयाम्ह बोधिसत्त्व महासत्त्व ॥ वज्रनेत्र धयाम्ह
 बोधिसत्त्व महासत्त्व ॥ वज्रगात्र धयाम्ह बोधिसत्त्व महासत्त्वः ॥
 वज्रमतिः धयाम्ह बोधिसत्त्व महासत्त्व ॥ वज्रहस्त धयाम्ह बोधिसत्त्व
 महासत्त्व ॥ वज्रसंहस्त धयाम्ह बोधिसत्त्व महासत्त्व ॥ वज्रनारायण
 धयाम्ह बोधिसत्त्व महासत्त्व ॥ वज्रविकुर्बण धयाम्ह बोधिसत्त्व
 महासत्त्व ॥ वज्रकुट धयाम्ह बोधिसत्त्व महासत्त्व ॥ वज्रराशि
 धयाम्ह बोधिसत्त्व महासत्त्व ॥ वज्राङ्कुश धयाम्ह बोधिसत्त्व महासत्त्व ॥
 वज्रधर धयाम्ह बोधिसत्त्व महासत्त्व ॥ वज्रसेन धयाम्ह बोधिसत्त्व
 महासत्त्व ॥ वज्रकेतु धयाम्ह बोधिसत्त्व महासत्त्व ॥

प्रमुखं चेप्यंगूकोटि ८४००००००० व भिच्छूगू लाख
 ११००००० बोधिसत्त्वगणपिं सहितजुया बिज्यानाच्चन ॥ हाकनं
 थुगु प्रकारं आपालं ततःधंपिं भिक्षुगण प्रमुखं सकल अर्हतगणपिं
 जम्मा जुया बिज्यानाच्चन ॥ गथीपिं धालसाः माया मोह रस
 इत्यादि मदुपिं, थुगु संसारे दुःखरूपी पाशं छुटे जुपिं, सम्यक् ज्ञान
 धयागु भिंगु ज्ञान संयुक्त जुया च्वंपिं, चित्त शुद्ध जुया च्वंपिं,
 प्रज्ञायागु ज्ञानलाना बिमुक्तसुखः पावेज्वी धुंकूपिनं बिज्यानाच्चन ॥

पुनर्बार हाकनं कल्पनायाना यायेमफुगु समाधि ऋद्धिसिद्धि
 प्रातिहार्य धयागु पुरुषार्थ क्यना, महास्थाम पद पावेजुया बिज्यानाच्चंपिं,
 लोकोत्तरज्ञान विचारयाये फुपिं, राग, द्वेष इत्यादि मलमदुपिं, हाकनं
 व्याक्क क्लेश बासनाया पुसा हे मदेका शान्त मूर्तिजुया च्वनाच्चंपिं
 नं थुगु थासेसं बिज्यानाच्चन ॥ सुसु धालसाः— शारिपुत्र धयाम्ह

भिक्षु ॥ आयुष्मान् पूर्ण मैत्रायणी भिक्षु ॥ काफिल्येन धयाम्ह भिक्षु ॥
 सुभूति धयाम्ह भिक्षु ॥ रेवति धयाम्ह भिक्षु ॥ महामौद्गल्यायन
 धयाम्ह भिक्षु ॥ आनन्द धयाम्ह भिक्षु ॥ सुनन्द धयाम्ह भिक्षु ॥
 काश्यप धयाम्ह भिक्षु ॥ नदिकाश्यप धयाम्ह भिक्षु ॥ उरुबिल्वाकाश्यप
 धयाम्ह भिक्षु ॥ प्रमुखं आपालं ततःधंपिं भिक्षुपिसंनं सहितजुया
 बिज्यानाच्चन ॥

पुनर्बार हाकनं थुगु प्रकारं महेश्वर देवपुत्र प्रमुखं असंख्यं
 आपालं शुद्धाबासकायिका धयागु भुवने बास यानाच्चनाच्चंपिं नं
 बिज्यानाच्चन ॥ हाकनं थुगु प्रकारं सहाभुवनया मालिक जुयाच्चंम्ह
 ब्रम्हा आदि परिवार दकोसहितजुया, हाकनं ब्रम्हकायिका धयागु
 भुवने बिज्यानाच्चंपिं देवपुत्रगणपिं प्रमुख सुसेन देवपुत्र धयाम्ह,
 सुयानाम देवपुत्र आदि अनेक देवपुत्रपिसं सहितजुया वयाच्चन ॥
 थुगु प्रकारं तुषिताभुवने बासयानाच्चंपिं देवपुत्र आदि, निर्माणरति
 धयागु परनिर्मित वशवर्ति धयागु भुवने च्वनाच्चंपिं देवपुत्रगण
 सहित जुयेका, देवपुत्रया मालिक जुयाच्चंम्ह देवराज इन्द्रनं थःगु
 परिवार दकोमुंका देवलोक प्रमुखं बिज्यात ॥

हाकनं थुगु प्रकारं दैत्यया मालिक जुयाच्चंपिं बेमचित्र
 धयाम्ह, बलिनाच धयाम्ह, प्रल्हाद धयाम्ह, राहुल धयाम्ह, सुवाहु
 धयाम्ह, वैरोचन धयाम्ह थुपिं सकले प्रमुखं दैत्यया मालिक जुयाच्चंपिं
 सहित याना असंख्य आपालं वयाच्चन ॥ थनंलि हाकनं नागगणया
 राजा जुयाच्चंपिं नवनागराजा धयापिं सुसु धाःसा – सागर नागराजा

धयाम्ह, तक्षक नागराजा धयाम्ह, बासुकि नागराजा धयाम्ह, शंखपाल नागराजा धयाम्ह, कर्कोटक नागराजा धयाम्ह, पद्म नागराजा धयाम्ह, महापद्म नागराजा धयाम्ह, अनन्त नागराजा धयाम्ह, कुलिक नागराजा धयाम्ह थुलि नागराजा प्रमुखं असंख्य आपालं नागगणसहित याना वयाच्चन ॥

हाकनं थुगु प्रकारं किन्नरगणया मालिक जुयाच्चंम्ह द्रुमराज धयाम्ह अनेक किन्नरराजगणपिं दक्व मुंका वयाच्चन ॥ हाकनं थुगु प्रकारं गन्धर्वराजाया मालिक जुयाच्चंम्ह पंचशिर्ष धयाम्ह प्रमुखं अनेक गन्धर्वराजाया परिवार दक्व सहितयाना वयाच्चन ॥ थुगु प्रकारं बिद्याधर राजाया मालिक जुयाच्चंम्ह सर्वाथसिद्ध धयाम्ह प्रमुखं अनेक बिद्याधर राजाया परिवार दक्व सहितयाना वयाच्चन । हाकनं गरूडया मालिक जुयाच्चंम्ह सुवर्णाक्ष धयाम्ह गरूडराजानं सलंस दोलंदों अनेक गरूडराजाजुया परिवारनं संयुक्त जुयेका वयाच्चन । थुगु प्रकारं वैश्रवर्ण धयाम्ह, मणिभद्र धयाम्ह, पूर्णभद्र धयाम्ह, पांचिकेन धयाम्ह, महायक्षसेनापति धयाम्ह प्रमुखं असंख्य आपालं सलंस दोलंदों यक्षराजाया परिवार दक्वमुंका वयाच्चन ।

पुनर्बार हाकनं हारिती धयाम्ह देवीया न्यासल ५००म्ह पुत्र गणपिनिगु परिवार संयुक्त जुयेका, तःधंपि न्हसम्ह लोक्या माता सहितं न्हसम्ह सप्तमहर्षि धयापिं प्रमुखं सहित याना बिज्यानाच्चन ॥ थ्वथेतुं हाकनं आकाशे च्वनाच्चंपिं सकल नक्षत्रगणया मालिक जुयाच्चंपिं चन्द्र सूर्य ग्रह मङ्गल ग्रह बुद्ध ग्रह

बृहस्पति ग्रह शुक्र ग्रह शनिश्चर ग्रह राहु ग्रह केतु ग्रह धयापिं
नवग्रह प्रमुखं दशदिशास च्वनाच्चं पिं वयाच्चन ॥ थुगु प्रकारं
पृथ्वीदेवता सहितं सरश्वतीदेवी प्रमुखं वयाच्चन ॥ हाकनं
विघ्नयायेगुलि नायक जुयाच्चं पिं भूतगण प्रेतगण धयापिं महर्द्धिक
धयापिं प्रमुखं दक्व पर्वतराज सहितनं बरूण लोकपाल इत्यादि
वयाच्चन ॥

हाकनं थुगु प्रकारं दक्व समुद्रदेवताया परिवार दक्व
सहितयाना, हाकनं धृतराष्ट्र धयाम्ह, बिरुढक धयाम्ह, बिरुपाक्ष
धयाम्ह, वैश्रवर्ण धयाम्ह, दंडपाणि धयाम्ह, नैऋत्य धयाम्ह,
अग्निदेवता धयाम्ह थुपिं न्हय्म्ह वायुदेवता धयापिं प्रमुखं आपालं
सलंस दोलंदोल परिवारगणपिं सहितं जुयेका वयाच्चन ॥ हाकनं
नारायण धयाम्ह, दत्तकेनच धयाम्ह, दासक धयाम्ह, मोहक धयाम्ह,
गणपति धयाम्ह, मेघोल्लक धयाम्ह, महागणपति धयाम्ह, प्रमुखं
सहितं जुयेका अनेक विघ्न विनायक धयापिं खुइप्यम्ह ६४ सपरिवारं
सहित याना चतुर्भगिनी धयापिं आदि वज्रांकुश, वज्रशंकर धयाम्ह
प्रमुखं वयाच्चन ॥ थ्वथें हाकनं खुइप्यम्ह ६४ बज्रदूती धयापिं
वज्रसेन धयाम्ह, सुवाहु धयाम्ह, मूर्धक धयाम्ह प्रमुखं अनेक बज्रकुल
धयापिनि परिवारदक्वं सहितयाना वयाच्चन । थनंलि हाकनं मेमेपि
बुद्ध धर्म संघ खना अति प्रसन्न जुयाच्चं पिं असंख्य आपालं देवगण,
नागगण, यक्षगण, गन्धर्वगण, दैत्यगण, गरूडगण, किन्नरगण,
महोरगण, भूत प्रेत पिशाच, उन्माद, अपस्मार, साध्य, ओस्तारक

इत्यादि ॥ हाकनं सूर्यनचदेवपुत्रेण, चन्द्रेनचदेवपुत्रेण धयापिं सन्ध्याया
देवता उषाया देवता धयापिं प्रमुखं षट् ऋतु आदि रोदसिःनि प्रजापति
धयाम्ह प्रमुखं सहित जुया असंख्य आपालं वयाच्चन ॥

थनंलि श्रीशाक्यमुनि बुद्ध भगवान वाराणसी धयागु काशी
देशे ऋषिपत्तन धयागु मृगदावने बिज्याना वसपोल श्रीबुद्ध भगवानं
धर्मकथा बांलाक व्याख्यानयाना कना बिज्यानाच्चन । हाकनं वसपोलं
बुद्धयागु कार्य्यस बांलाकक तत्पर जुया बिज्यानाच्चंम्ह हानं दक्को
धर्मयागु ज्ञानया भारं परिपूर्ण जुया बिज्यानाच्चन ॥ पुनर्बार हाकनं
सर्वज्ञ ज्ञान धयागु तःधंगु बोधिज्ञानलाना दशपारमिता आदि दक्को
पारमिता पुरे ज्वीकाच्चन ॥ वसपोल गथिंम्ह धालसा द्वात्रिंशत्लक्षण
धयागु स्वीनिता ३२ लक्षणयुक्त जुयेका थःगु शरीरं जाज्वल्यमानं
तेज प्रकाशयाना बिज्याना च्वंम्ह, हानं वसपोलया म्हय् चेष्यता
८४ अनुब्यञ्जन धयागु चीधंगु थःगु म्हछ्म्हं लक्षणं संयुक्तजुयेका
बिज्यानाच्चन ॥ हाकनं सकलसत्त्व प्राणिपिन्त करुणादृष्टि स्वया
सकलमारं याइगु ज्यायात त्याकेगुलि पारंगत जुया बिज्यानाच्चंम्ह ॥
वसपोल बुद्ध भगवानं पारकायमफुगु तत्त्वज्ञानयात न्यागू दिव्यचक्षु
स्वया सिइकाः बिज्यानाच्चन ॥ हाकनं व्याक्व लक्षणं पुरेजुगु बलं
परिपूर्णजुया बिज्यानाच्चन ॥ सम्पूर्ण ज्ञानं पारंगतजुया बिज्यानाच्चंम्ह ॥
हाकनं सकल तथागत पिनिगु अनुत्तर धर्म संयुक्तजुया बिज्यानाच्चंम्ह ॥
सकल मारयागु करपिन्त निन्दा याइपिं गणयात हटेयाना त्याका
बिज्यानाच्चंम्हः ॥ हाकनं खं श्लोकं वसपोलयात बयानयाना याय्हे

મફુમ્હ મેગુ મતયા ઋષિમુનિપિસ અર્થ યાગુયાત થઃગુ ધર્મયા બલ
 ગથ્યે બને સિંહ હાલાઃ મેગુબ્યાકકો શબ્દયાત ક્વત્યોથેં નતું
 ખણ્ડનમણ્ડન યાના સુનાનં અથ્યેથથ્યે ધાય્મફેક મારયાત ત્યાકા
 બિજ્યાનાચ્વંમ્હ ॥ અજ્ઞાન ધયાગુ સમ્પૂર્ણ ધ્વંશયાના બિજ્યાકમ્હ ॥
 હાકનં દાનશીલ ઇત્યાદિ વીર્ય, ધ્યાન, પ્રજ્ઞા, ઉપાય દશબલ
 પ્રણિધાનજ્ઞાન તઃધંગુ પારમિતા દુષ્કરચર્યા ઇત્યાદિ છગૂં કોટિ
 ભિંછગૂં લાખ ૧૧૧૦૦૦૦૦ કલ્પતક અસંખ્ય પ્રમાણં પુરેયાના
 બિજ્યાકમ્હ ॥ હાકનં સ્વીનિતા ૩૨ તઃધંગુ લક્ષણં ધરેયાના ચેપ્યતા
 ૮૪ તા અનુબ્યઞ્જનં થવગુ મ્હં શોભાયમાન જુયા બિજ્યાકમ્હ ॥ શ્રી
 બુદ્ધ ભગવાનં તઃધંગુ વજ્રસમાનગુ રત્ન પલેસ્વાં કિયાતઃગુ ચિન્હ દુગુ
 સિંહાસને બિજ્યાનાચ્વન ॥ હાકનં થુગુ સિંહાસને અનેક પ્રકારયાગુ
 રત્ન મોતી યાગુ કિંકિનિજાલ શોભાયમાન જુયાચ્વન ॥ શ્વથેંતું
 હાકનં અનેનેગુ હેરારત્ન ઇત્યાદિ થુગુ આસને પાદુકાપિંથે નવરત્ન
 સંયુક્તજુયા અત્યન્ત બાંલાનાચ્વન હાનં અનેનેગુ હેરારત્ન યાગુ
 હિતિમંગયા મ્હતુ મોતિયામાલા પ્યાહાં વયા શોભાયમાન જુયાચ્વન ॥
 થથેહે હાકનં અનેનેગુ હેરારત્ન, કર્કેટન નીલઃ, ઇન્દ્રનીલઃ, પુષ્પરાગ
 ઇત્યાદિ તેજયાગુ જ્વાલાં ઉગુ થાસય્ સકભન જાજ્વલ્યમાન જુયાચ્વન ॥
 હાકનં અનેનેગુ હેરારત્નયાગુ સલાંથ્યેં જાગુલી સંયુક્ત જુયાચ્વંગુ
 સિમાહઃયા દૈનં છગૂં કોટિ ભિંછગૂંલખ પ્રમાણં સિમાયા કિપાલુ
 જુનાચ્વન ॥ હાકનં આપાલં કલ્પબૃક્ષ નં સુમેરૂ પર્વતથ્યેં રત્નહેરા
 યાગુ પદ્માસન યાના બિજ્યાનાચ્વન ॥

पुनर्बार हाकनं गुगु प्रकार बिज्यानाच्चन धालसाः सुवर्णगिरी
 पर्वतथ्ये दोलछिम्ह सूर्ययागु प्रभामण्डल धयागु तेजया मण्डल
 शोभायमान जुयाच्चंगु स्थान जुयाच्चन ॥ हाकनं पूर्णचन्द्रयागु
 मण्डल थ्ये सकल लोकयात यइपुस्ये च्वनाच्चन ॥ हानं तःधंगु
 कल्पबृक्षः थ्ये बांलानाच्चन थुजोगु थासय् तथागतयागु स्वरूपी
 धर्मनं परिपूर्ण जुयाच्चंगु धर्मदेशना यानाबिज्यात ॥ थुगु बेलास
 धर्मकथा न्येनेधकाः वयाच्चपिं सकल देवलोक प्रमुखं सभालोकगणपिं
 सकसिनं श्रीभगवानयात पुजायाना मानेयाना स्तोत्रयात तारिफ
 यात ॥ धन्यधन्य बुद्ध भगवान सम्यक्सम्बुद्ध धायेका सकल लोकयात
 स्यनेकनेयाना गुरुजुया बिज्याकम्ह श्रीशाक्यमुनि बुद्धभगवान धका
 नाना प्रकारं स्तुतियात ॥ थुगु कीर्ती क्षण मात्रनं स्वर्ग, मर्त्य, पाताले
 प्रख्याति जुल ॥ थनंलि श्रीभगवानं ध्यानयाना ध्यानं विचार याना
 बियाबिज्यात । थथे स्वःगु बखते न्हापा इहलोक, परलोक, देवलोक,
 ब्रम्हलोक, मारलोक आदि भुवने बासयाना च्वपिं देव, मनुष्य,
 पशु, पक्षि, कीटपतंग आदि दक्को प्राणिपिनिगु चित्तयागु चरित्र
 सुखदुःख दक्को विचारयाना स्वय्धुंस्येलि लोकयात आदि मध्यान्त
 कल्याण ज्वीगु आज्ञादयेका बिज्यात ॥ थ्व गुजोगु धर्म धालसा
 न्हापानिस्ये हे सकसित नं मंगल कल्याणज्वीगु, दध्वीनं सकसितनं
 मंगल ज्वीगु, लिपानं मंगल हे ज्वीगु, प्यंगू अर्थ दुगु, हाकनं प्यंगू
 लक्षणं परिपूर्ण जुया च्वंगु, शुद्धगु अनुत्तरगु ब्रम्हचर्य्य धर्म वसपोल
 श्रीभगवानं कनाबिज्यात ॥

हे सभालोकपिं । छिमिसं प्राणिहिंसा यायमते, मद्यपान
यायमते, मिथ्या खँल्हाय्मते, कतपिनिगु धने लोभ तय्मते, परस्त्रीगमन
यायमते थ्व न्यागू छिमिसं तोतेफुसा ब्रम्हज्ञान लाना मोक्ष पदलाइ
धका श्री भगवानं कना बिज्यागु न्यना सभालोकपिं सकलें खुसिजुया
च्वन ॥ थनंलि श्री शाक्यमुनि भगवानं थःगु छूयोंने च्वंगु चसुप्वालं
सकल तथागतपिनिगु भूमिदर्शन लाइगु सर्वबुद्धसंदर्शन धैगु तःधंगु
रश्मि यागु ज्वाला पिकया सकभनं खय्का बिज्यानाच्वन ॥ हाकनं
थ्वहे रश्मि ज्वालां त्रिसाहश्र महासाहश्र धयागु लोक धातुस सकभनं
खय्का बिज्यानाच्वन ॥ गुथाय्तक गंगा धयागु खुसिया फिगो
दयाच्वन उलिहे प्रमाणं तथागतभूमिनं बिज्यानाच्वंगु दु ॥ थुजोगु
ब्याक्को भुवनेसं थुगु रश्मि जालयागु तेजं खयाः जाज्वल्यमान
जुयाच्वन ॥ उजोगु बुद्धक्षेत्रे बुद्ध भगवानपिसं अनेनेगु सिंहासन
छगू कोटि व भिंछगू लाख १११००००० पूर्ण जुया च्वंगु कूटागार
ब्यूह धयागु बिमाने च्वना धर्मकथा कनाबिज्यात, कनाबिज्याना
च्वन ॥ थ्व बिमाने सुसु धालसा ततःधंपिं भिक्षु, भिक्षुणी, उपासक,
उपासिका धयापिं, हाकनं देव, नाग, यक्ष, गन्धर्व, दैत्य, गरुड,
किन्नर, महोरग, मनुष्य धयापिं नं दयाच्वन ॥ थनंलि भगवानं थुगु
सभासच्चंपिं आपालं सभालोकयात सलताव आज्ञा दयेका बिज्यात ॥

ॐ नमः सर्वतथागत सम्यक्संबुद्धेभ्यः ।

न्हापां जुया बिज्यापिं सकल सम्यक्सम्बुद्ध तथागतयात
नमस्कार ॥ थनंलि जि सकल सत्त्व प्राणिपिन्त करुणातया
महाप्रतिसरा महाबिद्या धालसां तःधंगु थ्व महाप्रतिसरा धयागु
ज्ञान जिं कनेत्यना ॥ थुगु महाप्रतिसराया धारणी गथिंगु धालसा
गनं हे काय मदुगु, दुर्लभ जुयाच्चंगु, सकल दुर्जनतेत कोत्यलेफैगु,
सकल मभिंपिन्त हटेयाना छोय्फैगु थुगु धारणी गुम्हेस्यां पाठयाइगु
न्यनी न्यनामात्र नं पापदक्व क्षयजुया फुनावनी ॥ थुकिं याना
सकल प्राणिपिन्त सुख आनन्द जुया रोगब्याधि दकों नासजुया
फुनावनी ॥ थुलिया निमिती लोकनाथ जुया बिज्याकम्ह भगवानं
सकल सत्त्व प्राणिपिन्त करुणातया कना बिज्यात ॥ थुगु धारणी
छुया निती कना बिज्यागु धाःसा पापकर्मयाना जुयेमापिन्त सकल
प्राणिपिन्त तरेयायेमाःयालागि कनाबिज्यागु खः ॥ थ्व रक्षा यागु
प्रभावंयाना देवभुवनेनं वनेफै ॥ अडकवति धयागु यक्षभुवनेनं
वनेफै ॥ थुगु भावंयाना भूत, नाग, पिशाचगणपिं बासयाना च्वंगु
थायस, महासंग्रामयुद्धजुया तःच्वतं भयंकरं ग्यानपुस्ये च्वनाच्चंगु
थासेनं वनेफै ॥ हाकनं दक्व भूतगण आदि वसानं थ्व रक्षाया
प्रभावं हटेजुयावनी सकल शत्रुपिसनं थिइ फैमखु ॥ थ्व रक्षायागु
नां कया एकचित्तयाना स्तोत्रयाना मंत्रनं दक्व दुष्टग्रहपिनं नाशजुया
फुनावनी ॥ हाकनं स्कन्ध, उन्माद, अपस्मार, पिशाच, डांकिनिग्रहगण

पिसनं थिइफैमखु ॥ हाकनं ओजनइपिं आपालं तेज दुपिस मनुष्य
तयेत प्रजापिन्त स्याना नयाच्चन धालसां इपिसकलें थ्व प्रतिसरायागु
प्रभावं निश्चयनं स्तंभित धालसां छुंहे याये मफुपिं जुयावनी ॥
हाकनं मेमेपिं परचक्रगणपिं समेत मेपि ग्यानापुस्ये भयंकरं मूर्तिजुया
च्चपिं काखोर्ड धैपिनं नाशजुया मदयावनी, मेमेपिस मंत्र कर्म
याना हलसानं थ्व प्रतिसरा धारणी मंत्र यागु प्रभावं तरेज्वी ॥

हाकनं न बिषं थियफै, बिष नं लगे ज्वीमखु, कर्पिसं
मभिंगु मंत्र कर्मयाना स्येंकातःसां नकातःसां उज्वगु बिष छुंहे
लगेज्वीमखु ॥ थ्वहे महाप्रतिसरा यागु धारणी मंत्रयागु प्रभावं हानं
मी नं थीःफैमखु कर्पिसं शस्त्रप्रहारयाना बाण तोताहल धाःसानं
थःतः लाइमखु, हाकनं लंखयागु भयनं दैमखु, मलखं कइगु भयनं
दैमखु, कालवायु धयागु सीःथ्येंच्चंक मभिंगु फय्वैगु थ्व फंसनं
थियफैमखु ॥ थुगु महाबिद्याराज्ञी धालसां महाप्रतिसरा यागु मंत्रयागु
प्रभावं याना आपालं शत्रुदया च्वंसानं मदयावनी ॥ हाकनं उपसर्ग
धालसां मभिंमभिंगु जुक्व नाशजुया वनी रोग नं दइमखु ॥

थ्व महाप्रतिसरा धरेयाना च्वंम्हेसिया सदानं थःम्हंयानागु
ज्या सिद्धजुया न्हिथंन्हिथं जयजुया च्वनी । गुम्ह मनुष्यनं थ्व
बिद्यायागु जंत्रदयेका पूजायाना गलपते जुसां अथवा ब्वहलेजुसां
न्हिथंन्हिथं एकचित्तयाना धारणायायी थुम्ह मनुष्यया सम्पूर्ण
कार्य दक्व सिद्धजुयावनी, प्रतिसराया प्रभावं मज्वीधका शंकाकायेम्वा
अर्थात् मज्वीधका शंका कायेमते ॥

थुगु धारणी न्हिथंन्हिथं पुजायाना कोखायाजूम्हयात देवराज
 इन्द्रपिसं नागराजपिसं सकसिनं रक्षायायी ॥ बोधिसत्त्व महासत्त्व
 तथागत प्रत्येकबुद्ध भिक्षुपिं थ्वते सकल तथागतपिसं मानेयाना
 तयातःम्ह तःधंगु पुरुषार्थ दुम्ह बिद्याराज्ञी प्रतिसरादेवीयागु मंत्र
 सुनां गुम्हस्येनं धारणायायी उम्हयात सदाकालं विघ्न उपद्रव धयागु
 छुंहे मज्जीक रक्षा यायी ॥ हाकनं यक्षगणया मालिकजुया च्वंम्ह
 वज्रपाणि हानं सःस्युपिं चतुर जुया च्वंपिं राजापिसं नं थ्व
 प्रतिसरा कवच धयागु बल्लागु धरेयाम्हयात निश्चयनं चानन्हिनं
 रक्षायायी ॥

हाकनं शक्र नाम ईन्द्र, ब्रम्हा, बिष्णु, महेश्वर आदि
 थःथःगु भुवने बास याना च्वंपिं देवलोकपिसं नं थ्वैत रक्षायायी ॥
 नन्दिकेश्वर, महाकाल, कुमार दक्खगणया ईश्वरजुया च्वंपिं सकल
 मातृकागण ब्रम्हायणी, वैष्णवी ईत्यादि च्याम्ह अष्टमातृका, हाकनं
 मेमेगु मारकायिक भुवनया देवदेवीपिं, हानं आपालं पुरुषार्थदुपिं
 ऋषिमुनिपिं, आपालं समर्थवान दुपिं देवतापिसं नं थ्व प्रतिसरा
 महामंत्र धरेयाम्हेसित न्हिथंन्हिथं रक्षायायी ॥ हाकनं बुद्ध भगवानपिं
 मेमेपिं आपालं पुरुषार्थदुपिं आपालं तेजदया बलपराक्रमी दुपिं विद्यादेवी
 पिसं नं रक्षायायी ॥ थुगु प्रकारं मामकीदेवी, भृकुटीदेवी, तारादेवी,
 अंकुशि, वज्रशंकरया, श्वेता, महाकाली, दूती, बज्रदूती, अपरा,
 सुपाशी, वज्रपाशी, महाबला, वज्रपाणि, हानं तःच्चतं बल दुम्ह
 बज्रमाला महादेवी ॥

हाकनं अमृतकुण्डली, अपराजिता, कालकर्णि प्रमुखं थुगु प्रकार धन्यादेवी, महाभागा, पद्मकुण्डली, पुष्पदन्ति, मणीचूड, स्वर्णकेशी, पिंगला प्रमुखं थुगु कथंहे सत्त्व प्राणिपिन्त करुणातया च्वंपिं आपालं विद्यादेवीपिं, हाकनं महातेजा धयाम्ह देवी ॥ धन्वाएक जयटाक्षसी, बुद्धक्षितिकनायका, कापालिनी, महाभागा, लंकेश्वरी हाकनं आपालं सत्त्वप्राणिपिन्त करुणा तया च्वनाच्च्वंपिं आपालं विद्यादेवीपिसं नं थ्वहे महाप्रतिसरादेवीयागु धारणी ल्हाःति दु वयात थुपिं सकसिनं रक्षायायी ॥

पुनर्बार हाकनं हारिती धयाम्ह राक्षसी, पांचिक धयाम्ह राक्षसी, शंखिनी धयाम्ह राक्षसी, कूटदन्तिनी धयाम्ह राक्षसी, अत्यन्त क्रोधमूर्तियाना वाकूछिनाच्च्वंपिं थुमिसनं रक्षायायी ॥ हाकनं लक्ष्मीदेवी सरश्वतीदेवी धयाम्ह प्रमुखं थुपिं सकसिनं थ्व प्रतिसरा धारणी धरेयाना च्वंम्हेसित ल्यूल्यू वया सदाकालं रक्षायायी ।

पुनर्बार हाकनं थुगु प्रकारं गुम्ह स्त्री जाति धयाम्ह मिसां सदासर्वकालं थुगु तःधंगु तःधंम्ह महाप्रतिसरादेवीयागु मंत्र धारणी धरेयानातयी ॥ थुगु धारणी मंत्रया प्रभावं उम्ह स्त्री जाति मिसायात दक्को कार्य्य सम्पूर्ण सिद्धज्वी ॥ थ्व प्रतिसराया प्रभावं हाकन थ्व प्रतिसरादेवीयागु मंत्र धरेयाना च्वनाच्च्वंबले थ्व स्त्रीया गर्भेदया वसानं व गर्भे च्वंम्ह बालक पुत्र काय्मचा हे ज्वी ॥ थ्व बिद्यायाराजाजुया च्वंथु प्रतिसरायागु प्रभावं थुम्ह मिसाया गर्भे दस्येनिस्ये आनन्दपूर्वक गर्भ बढे जुयावयी ॥ थ्वथेंतुं हाकनं बालक

जन्म ज्वीबले नं कष्ट धयागु छुं हे मदेक आनन्दपूर्वक बालक
जन्मज्वी ॥ छुं गुलि न्हापां यागु पाषं रोगब्यथा दयाच्चन धालसांनं
उगु रोग दक्वं शान्त जुया फुनावनी ॥ निश्चयनं थःम्हं यानातःगु
पापदक्वं फुनावनी ॥

थुगु प्रतिसरा महाविद्या धरेयाना च्वंम्हसिया न्हिथंन्हिथं हे
पुण्य बढेजुया बल पराक्रमं संयुक्तजुया च्वंगु समर्थवानदया वा
जाकि, चतुषष्टि, बृहिधनसंपत्ति ईत्यादि बढेजुयावयी ॥ प्रतिसरादेवीयागु
मंत्र धारणी धरेयाना च्वंम्हयागु खँ सकल लोकपिंस न्यनी व खँ
न्यना सकल लोकपिंसं नं मानेयानाहयी ॥ हाकनं पुरुषं जुलसां
अथवा स्त्रीजातिपिं जुलसां थुगु महाविद्याया राजाजुया च्वंगु
प्रतिसरादेवीयागु धारणी मंत्र शुद्ध नियमयाना धारणायायी उम्ह
मनुष्यनं सकलसत्त्वयात प्राणिपिन्तनं निर्वाणपद लाय्मा धकाः
तत्परयाये फुम्हज्वी ॥ थवगु शरीरे रोगब्याधि उत्पतिजुया च्वंगु
दतसां नं तत्कारणं उगु रोगं मुक्तजुया सदाकालं आनन्दपूर्वकं
भाग्यमानीजुया सुखभोगयाना च्वनेदै ॥

थ्व खँ न्यना (न्हापां आदिनस्ये दुगु थ्व पंचरक्षा पुस्तक)
सारेयाना काम्हेसित चित्ते मिले जूगुलिं चित्तरूपी स्वां होगु प्रमाण
गथ्ये धालसा सूर्यभक्ति स्वां धयागु गुलितक्क चकना होइगु खः
उलिहे चकना थ्व १०७१ साल फाल्गुण शुक्लया परेवा बृहस्पतिबार
दिने लेखोतयाः म्हया चित्ते मिलेजुल ॥ धन्य गौतमबुद्ध धयाम्ह
परमेश्वर यागु ज्ञान ॥ हाकनं महाविद्या प्रतिसरादेवीयागु पुण्यया

प्रशंसाया प्रभावं जुजुपिनं वया बशे वनी, शहरया ततःधंपिं
मनूतेस्येनं वयागु खँन्यना शान्त स्वभाव जुयावनी ॥ साधु सज्जन
जुया च्वंपिं सकलें मिलेजुया न्हिथंन्हिथं हे वयागु खँन्यना मानेयाना
च्वनेदयी ॥

हाकनं थुगु पुण्यया प्रभावं सदां थवगु गृहेलक्ष्मीनं बढे
जुयावोनीः, पुण्यकर्मया खानीनं बढे जुयावयी, सकल मण्डलेनं
प्रवेश ज्वीफेकानं सकल मनकामना पुरेज्वी, तथागतयागु बचन
गथे खः अथेहे सकभनं बेलाबखते स्यूम्हज्वी ॥ हाकनं थ्व प्रतिसरायागु
प्रभावं व मनुष्ययात मभिंगु स्वप्न गुबलेसनं क्यनिमखु ॥ भिंगु हे
स्वप्नास खनी मेमेगु पाप दक्वहे नापं फुनावनी ॥ हाकनं शत्रुजुया
च्वंपिनं ग्याना नाशजुया मदयावनी ॥ दक्व मभिंगु ग्रहयागु दोषयाना
उपद्रवजुया च्वंगु नाशयायेतनं तथागतपिसं हे कनाबिज्यागु खः ॥
गुम्हेसिनं थुगु प्रतिसराविद्यायात न्हिथं न्हिथं पूजायाना पाठयाना
भावयायी व मनुष्यया थवगु गृहे बिघ्न उपद्रव जुया च्वंसां नं
क्षणमात्रनं नाशजुया फुना कलिःकलह धयागु छुं हे मदया थःगु
गृहे शान्ति स्वस्ति महामंगल जुया ब्याक्को मनोकामना पुरेज्वी
धकाः श्री भगवान तथागतं कनाबिज्यात ॥

पुनर्बार हाकनं सकल संघपिन्तनं भगवानं आज्ञा दयेका
बिज्यात गथ्य धालसा – हे सकल संघगणपिं छिमिसं एकचित्तयाना
न्यो ॥ थ्व तःधंगु दुर्लभजुया च्वंगु महाप्रतिसरादेवीयागु धारणीमंत्र
समन्तज्वालामाला धयागु मंत्र जिनं कनेत्यना –

ॐ नमो बुद्धायः नमो धर्मायः नमो संघायः ।

ॐ नमो सर्वतथागतानां नमो नमः ।

ॐ नमो सर्वबुद्ध बोधिसत्त्वेभ्यः । बुद्धधर्म संघेभ्यः ।

आदौ पैले न्हापां बुद्धयात नमस्कार धर्मयात नमस्कार
संघयात नमस्कार ॥ हाकनं सकल बुद्ध बोधिसत्त्व सकल
तथागतपिन्तनं नमस्कार ॥ बुद्ध धर्म संघ त्रिरत्नयातनं नमस्कार ॥
तद्यथा ॥ थनंलि थुगु मंत्र गथ्ये धालसा -

ॐ विपुलगर्भेः विपुले विमले विमलगर्भेः विशुद्धे जयगर्भेः
वज्रज्वालागर्भेः गति ग्रहणे गगण विशोधने सर्वपाप
विशोधनेः । ॐ गुणवति गगण विचारिणी गगरिणी२ गिरि२
गिरिणी२ गंभरि२ गमनि२ गहरिगह२ गर्गारि२ गगरि२
गंभरि२ गभि२ गहि२ गमरि२ गरे२ गुह२ गुरू२ गुरूनि
चले मूचले समूचले गुहनि२ गुरूणि२ चुरू२ चर२ मुचिरे२
जयविजय जयवति अपराजिते सर्वभयविगते सर्वभयाबहे
गर्भसंरक्षणिः ॥

हे देवी छलपोल गथिंम्ह धालसा दक्क भयहरणयाना गर्भदया
चवंम्हयात गभरक्षायाना विज्याकम्हः छलपोल ॥ श्लोक -

शिरिशिरि भिरि२ मिरि२ गिरि२ धिरि२ समन्ताकर्षणिं
सर्वशत्रुप्रमर्थनि
रक्ष२ मां सर्वसत्त्वानांच सर्वदा सर्वभयेभ्यः सर्वोपद्रवेभ्यः
सर्वव्याधिभ्यः ॥

सकभनं आकर्षणयाना दुष्टगणपिन्त मर्थनयाना जितनं
सकलसत्त्व प्राणिपिन्तनं सकल भयउपद्रव ज्वीबले रोगजुया वैगु
बखते रक्षायाना बिज्याहुँ । श्लोक :-

चिरि२ बिरि२ धिरि२ बिगतावरणे बिशोधने बिबिधावरण
बिनाशानि मुचि२ मुरि२ चिरि२ बिरि२ किरि२ मिरि२ कमले
बिमले जयबिजय जयाबहे जयबति विशेषबति भगवति
रत्नमकुटमालाधरि बहु बिबिध बिचित्रभेषधारणि भगवति
महाविद्यादेवी रक्षरक्ष मां सर्वसत्त्वानांच समंतान् सर्वत्र सर्वपाप
बिशोधनि ॥

हे भगवती विशेषनं छलपोल गथिंम्ह धालसा रत्नयागु
मकुटपुया रत्नयागु माला कोखाया तिलहिल नं तियाः अनेक
प्रकारयागु रूप धरेयाना बहुरूपजुया बिज्याकम्ह हे भगवती हे
महाविद्यादेवी जितनं सकल सत्त्वप्राणिपिन्तनं दक्व पापशोधनयाना
फुका कल्याणयाना बिइम्ह छलपोल । श्लोक :-

हुरू२ मुरू२ रक्ष२ मांः सर्वसत्त्वानांच नाथानां अत्राणानां
अपरायणां परिमोचयं सर्वदुःखेभ्यः चण्डि२ चण्डिनी बेगबति
सर्वदुष्ट निवारिणि बिजयबाहिणिः ।

हे देवी जितनं सकल सत्त्वप्राणिपिन्तनं हाकनं नाथमदया
शत्रुयागु भयनं त्राहिजुया दुःखं आतुर परेज्वीबले सकलयात
रक्षायाधका छलपोल बेगनं बिज्याना सकल दुष्टगणपिन्त
निवारणयाना कल्याणयाना बिज्याम्ह छलपोल । श्लोक :-

हरु हरु मरु चरु तरु आयुपालिनि सुर बल प्रमथनि
 सर्वदेवगण पूजिते चिरि२ बिरि२ समन्ताबलोकित प्रभे२
 सुप्रभे सुप्रभ विशुद्धे सर्वपाप विशुद्धे सर्वपाप विशोधनि
 धरु२ धरणिधरे धर२ सुमु सुमु सुमु सुमु सुमु सुमु सुमु
 सुमु सुमु सुमु सुमु सुमु सुमु सुमु सुमु सुमु सुमु सुमु
 सुमु सुमु सुमु सुमु सुमु सुमु सुमु सुमु सुमु सुमु सुमु
 सुमु सुमु सुमु सुमु सुमु सुमु सुमु सुमु सुमु सुमु सुमु
 चलेचालय सर्व दुष्टान् पूरय आशांमन्त ममसपरिवारस्यः
 सर्वसत्त्वानांचकुरु गिरिगिरि श्रीवपुधरे श्रीजयकमलेक्षिणि२
 बरदाकूशेः । ॐपद्म विशुद्धे शोधय२ शुद्धे२ भर२ भिरि२
 भुरु२ मंगल विशुद्धे पवित्रमुखि खड्गिनि खर२ ज्वलित
 शिखरे समन्ताबलोकित प्रभे सुप्रभे सर्वत्र समन्ताबलोकित
 प्रभे सुप्रभ विशुद्धे समन्तप्रशारिताः वभाषित विशुद्धे ज्वल२
 सर्वदेवगणः समाकर्षणी सत्यव्रते ॐहज्रीः त्रुत२ तारयमां
 भगवति सर्वसत्त्वानांच नागबिलोकिते लघु२ हलु२ दुरु२
 हुतु२ तरु२ किनि२ क्षिनि२ हुनि२ सर्वग्रह भक्षणि पिंगलि२
 मुच मुच मुच मुच सुमु२ सुविचले तर२ नागबिलोकिनि
 तारयमां सर्वसत्त्वानांच संसारानंभवात् भगवति
 अष्टमहाभयेभ्यः सर्वत्र समन्तेन दिशाबन्धेन वज्रपाश बन्धेन
 वज्रज्वाला विशुद्धे भूरि२ भर२ भिरि२ भगवति गर्भवति
 गर्भ विशोधनि कुक्षिसंपूरणि रक्ष२ ज्वल२ चर२ ॐ
 ज्वालिनि२ वर्षतुदेव समन्तेन दिव्योदकेन अमृतवर्षनि

अभिषिंचतुमां सुगतवर वचनामृतव पुर्ण रक्षरक्षःमांः
सर्वसत्त्वानांच सर्वत्र सर्वदा सर्वभयेभ्यः सर्वोपसर्गेभ्यः
सर्वव्याधिभ्यः सर्वदुष्टभयभितेभ्यः सर्वकलि कलह विग्रह
बिबादा सर्वभय विशोधनिः दुस्वप्न दुर्निमित्त मांगल्य पाप
विशोधनिः कुक्षिसंपूरणि सर्वयक्ष राक्षस नागविदारनिः ।

अर्थः—

हे भगवती सकल देवतागणपिसं पुजायाका बिज्यानाच्चंम्ह
छलपोलं जि प्रमुखं सकल सत्त्वप्राणि पिन्तनं तरेयाना बिज्याहूँ ॥ हे
भगवती जितनं सकल प्राणिपिन्तनं सकभनं सदाकालं रक्षायाना
बिज्याहूँ ॥ ध्व संसारे सदाकालं सकल भयमध्ये अष्टमहाभय
धयागु मभिंगु च्याता प्रकारया उत्पातजुया वडबले, अनिकाल
दुर्भिक्ष, महामारी धयागु रोग इत्यादि सकल विघ्न उपद्रव ज्वीबले,
हाकनं बातरोग, पित्तरोग, आकाशरोग, महारोग थुजो थुजोगु
सक्तां हानं अनेक प्रकारयागु अकस्मातनं विघ्न उपद्रव ज्वीबले,
हाकनं शत्रुया थासे वंसां संग्रामे वंसां दुर्जनतेगु भययाक्यें आपत्
ज्वीबले हे भगवती जितनं सकल प्राणिपिन्तनं रक्षायाना बिज्याहूँ ॥
हानं कलिकाले परचक्रयापाख्यें परस्पर जुयावैगु नानाप्रकारया
कलह भगडा तगडा इत्यादि दक्व भय मदेका बिम्ह छलपोल ॥
हाकनं मभिंगु अनेनेगु स्वप्ने खनिगु मभिंगु कारण ज्वीगु अमंगल
ज्वीगु थुजोगु मभिंगु पाप धाक्व मदेका बिज्याइम्हनं छलपोल ॥

हाकनं सकल यक्षगण राक्षसगण नागगणपिसं विघ्न उपद्रव याइबले
विघ्न छेदन याना बिज्याइम्ह छलपोल ॥ श्लोक :-

बल२ बलबति जय२ बिजय२ जयतु सर्वत्रसर्वकालं
सिध्यन्तुमे इयंमहाविद्याःशाधय मण्डलंघातय सर्वविघ्नान्
जय२ सिध्य२ बुध्य२ पूरय२ पूरणि२ पूरयमे आशां विद्योगदत
मूर्ति जयोत्तरि जयकरि जयबति तिष्ठ२ भगवति समय
मनुपालय सर्वतथागतहृदय विशुद्धे ब्यबलोकयमां
सर्वसत्त्वानांचः सर्वासापरिपूरय सर्वसत्त्वानाञ्चः त्रायस्वमां
अष्टमहादारुण भयेभ्यः ।

अर्थः :-

थ्व प्रतिसरायागुज्या सकभनं सदानं सिद्ध ज्वीमाः ॥ थुगु
मण्डल साधना यानागुनं पूरेयाना बिज्याहूँ ॥ ब्याक्व विघ्न दक्व
नाशायाना बिज्याहूँ २ जिगु मनोकामना पूर्णयाना बिज्याहूँ ॥ हे
सम्पूर्ण विद्यां थाहाँ बिज्याना प्रतिमा स्वरूप जुया बिज्यानाच्वंम्ह
छलपोलं तःधंगु जययाना मंगलयाना कल्याणयाना बिज्यानाच्वंम्ह
छलपोल ॥ हाकन गथिंम्ह छलपोल धालसा जय यायेगुलि सम्पूर्ण
लक्षण पूरेजुया बिज्याकम्ह हे भगवती च्वना बिज्याहूँ च्वना बिज्याहूँ ॥
थुगु बखते तथागतया पर्याययात प्रतिपालयाना रक्षायाना बिज्याहूँ ॥
हे सकल तथागतपिनिगु निर्मल चित्त स्वरूपजुया बिज्यानाच्वंम्ह
छलपोल जितनं सकल प्राणिपिन्तनं करुणा तया जिगु प्रतिज्ञायातनं
सकल प्राणिपिनिगु प्रतिज्ञायातनं मनकामना पती स्वया बिज्याहूँ ।

हाकनं जितः च्यागू तःधंगू महाभय जुयावइबलेनं छलपोलं तरेयाना
बिज्याहूँ ॥ मंत्र :-

सर२ प्रसर२ सर्वावरण विशोधनि समन्ताकार मण्डल
विशुद्धे विगते२ विगतविमले सर्वमल विशोधनि क्षिणि२
सर्वपाप विशुद्धे मलविगते जयवति तेजोवति वज्रवति
वज्रेस्वाहाः ॥

हे सकल पापरूपी मलयात शोधन याना मदेका बिज्याइम्ह
छलपोल हे सकलया शुद्धरूप जुया बिज्यानाच्वंम्ह हे अमंगल
धयागु मभिंगु दक्क मदेका फुका बिज्याइम्ह छलपोल जि प्रमुखं
दक्क प्राणियागु दक्क पाप नाशयाना शुद्धयाना बिज्याहूँ ॥ हे
पापरूपी मल धयागु शून्यजुया बिज्याकम्ह, हे जयस्वरूपजुया
बिज्याकम्ह, हे तेजस्वरूपजुया बिज्याकम्ह, हे वज्रधालसां प्रज्ञास्वरूप
जुया, प्रज्ञारूपी वज्रसमानजुया बिज्याकम्ह छलपोल ॥ हे भगवती
छलपोल यागु मंत्र धारणी पाठयाना धरेयानागु पुण्यया प्रभावं
करुणा भावतया जितनं भूत प्रेतपिशाचगण हानं देवगण आदि सकल
प्राणिपिन्तनं शान्ति स्वस्ति जुइमा ॥ ॐ त्रैलोक्याः धिष्ठितेस्वाहाः ॥
हे स्वर्गमर्त्यपाताल धालसां त्रिभुवनया नायकजुया बिज्याकम्ह ॥
ॐ धालसां आःधर्म स्वरूपः धयागु आय्याविलोकितेश्वर प्रमुखं
सकल बोधिसत्त्व अर्हत भिक्षुसंघ स्वरूप थ्व स्वंगू यानं छगू
एकरूप जुया नुगलया पुसा ॐ स्वरूप जुया छलपोलयातनं

शान्तिस्वस्ति जुयेमा ॥ हे सकल तथागतयागु मकुट अभिषेक जुया
बिज्याकम्ह छलपोल शान्ति स्वस्तियाना बिज्याहूँ । मंत्र :-

ॐ सर्वतथागतमुद्धाःभिषिक्तेस्वाहाः ॥

हे सकल बुद्ध बोधिसत्त्वपिन्त अभिषेक बियाबिज्याकम्ह
छलपोलं शान्तिस्वस्ति याना बिज्यायेमाल ॥ मंत्र :-

ॐ सर्वबुद्धबोधिसत्त्वाभिषिक्तेस्वाहाः ॥

सर्वतथागतहृदयबिशुद्धे स्वाहाः । सर्वतथागतसमयसिद्धे
स्वाहेतिः ।

हे सकल देवतापिंस अभिषेक बियाबिज्याकम्ह छलपोलं
शान्ति स्वस्तियाना बिज्याहूँ ॥ हे सकल तथागतपिनिगु हृदय
च्वनाबिज्याकम्ह हृदयस्वरूप छलपोलं जिमित शान्ति स्वस्तियाना
बिज्याहूँ ॥ हे सकल बुद्ध भगवानपिनिगु पर्यायस सिद्ध जुयाबिज्याम्ह
छलपोलं जिमित शान्ति स्वस्तियाना बिज्याहूँ । हे इन्द्रवति इन्द्रसंज्ञादुपिं
सकसिनं दर्शन याना बिज्याकम्हः छलपोलं हे ब्रम्हा ब्रम्हासंज्ञादुपिं
जुयाच्चपिंसं मानेयानातःम्ह छलपोलं शान्ति स्वस्तियाना बिज्याहूँ
॥ हे विष्णुं नमस्कार याका बिज्याकम्ह विष्णुयातनं शान्ति स्वस्तियाना
बिज्याहूँ ॥ हे महेश्वरं वन्दना याका बिज्यानाच्चम्ह छलपोलं
थुमितनं शान्ति स्वस्तियाना बिज्याहूँ ॥ हे वज्रधर वज्रपाणिपिनिगु
वीर्य पराक्रमक्यना नायकजुया बिज्याकम्ह छलपोलं थुमितनं शान्ति
स्वस्तियाना बिज्याहूँ ॥ धृतराष्ट्रयातनं शान्ति स्वस्तिजुइमा ॥ थ्वथेनं
बिरूढक, बिरूपाक्ष यातनं शान्ति स्वस्तिजुइमा ॥ चतुर्महाराजापिंसं

नमस्कार याका बिज्याकम्ह छलपोलयातनं शान्ति स्वस्तिजुइमा ॥
 यमराजयातनं शान्तिस्वस्तिजुइमा ॥ हे देवी यमराजं पुजायाका
 नमस्कारयाका बिज्यानाच्चंम्ह छलपोलयातनं नमस्कार ॥ हाकनं
 बरूण देवतायातनं शान्ति स्वस्ति जुइमा ॥ वायु देवतायातनं
 शान्ति स्वस्तिजुइमा ॥ अग्नि देवतायातनं शान्ति स्वस्ति जुइमा ॥
 ध्वथेंतुं नागगणयातनं, देवगणयातनं, नागलोकयातनं, यक्षगण
 सकसितनं, राक्षसगणयातनं शान्ति स्वस्तिजुइमा ॥ हाकनं गन्धर्वगण
 दक्वयातनं, अपस्मारगणयातनं, दैत्यगणयातनं शान्ति स्वस्ति जुइमा ॥
 गरुडगणयातनं स्वस्ति हे जुइमा ॥ किन्नरगण सकलयातनं,
 महोरगगणधयापिं सकसितनं शान्ति स्वस्तिजुइमा । हाकनं मनुष्यगण
 सकसितं, अमनुष्य धयापिं सलख्वाः, किसिख्वाःजुया च्वंपिन्तनं
 शान्ति स्वस्तियाना बिज्याहूँ ॥ नवग्रहयातनं, हानं सप्तविशंति
 नक्षत्र तारागणयातनं शान्ति स्वस्तियाना बिज्याहूँ ॥ ध्वथेंतुं हाकनं
 दक्व भूतगणयातनं, प्रेतगणपिन्तनं शान्ति स्वस्तिजुइमा ॥ सकल
 पिशाचगणयातनं शान्ति स्वस्तिजुइमा ॥ सकल अपस्मार गणपिन्तनं,
 सकल कुम्भांड गणपिन्तन, पूतन धयापिं सिमाया गमुयागु
 कचांकिका च्वनाच्चंनिपिं थुमितनं शान्ति स्वस्तिजुइमा ॥

मंत्र :-

ॐ धूरुस्वाहाः ॥ ॐ कूरुस्वाहाः ॥ ॐ चूरुस्वाहाः ॥
 ॐ मूरुस्वाहाः ॥ ॐ दहस्वदुष्टानस्वाहाः ॥ ॐ
 पचस्वप्रत्यमित्रान् स्वाहाः ॥

अर्थ :-

सकभनं तेजयागु ज्वालां खय्का सकभनं कल्याणयाना
चवनाच्चंपितनं शान्ति स्वस्तिजुइमा ॥ लोकमातागणयात
यक्षणिगणयातनं शान्ति स्वस्तिजुइमा ॥ हाकनं सुथे, न्हिने, सन्ध्याकाले
हितु हिलाजुया चवनाच्चंपितनं शान्ति स्वस्तिजुइमा ॥ भूतप्रेतपिशाच,
डाकिनिगणपितनं शान्ति स्वस्तिजुइमा ॥ आकाश योगिनिपिन्तनं
शान्ति स्वस्तिजुइमा ॥ समुद्रे पारयाना वंपिन्तनं, समुद्रेवासयाना
च्वंपिन्तनं शान्ति स्वस्तिजुइमा ॥ बहनि आकाशे चलेज्वीपिन्तनं
शान्ति स्वस्तिजुइमा ॥ न्हिने चलेज्वीपिन्तनं शान्ति स्वस्तिजुइमा ॥
स्वंगू प्रहरे चलेज्वीपिन्तनं शान्ति स्वस्तिजुइमा ॥ भिंगु बेलास
बखतबखते चलेज्वीपिन्तनं शान्ति स्वस्तिजुइमा ॥ मभिंगु कुबेलास
चलेजुया च्वंपिन्तनं थुमितनं शान्ति स्वस्तिजुइमा ॥ गर्भे मदया
च्वंपिन्तनं शान्ति स्वस्तिजुइमा ॥ गर्भाधानजुया च्वंपिन्तनं शान्ति
स्वस्तिजुइमा ॥

मंत्र :-

ॐरुरुस्वाहाः ॥ ॐस्वाहाः ॥ ह्रँस्वाहाः ॥ स्वःस्वाहाः ॥

भूस्वाहाः ॥ भूभुर्बस्वाहाः ॥ चिरिरस्वाहाः ॥ बिटिरस्वाहाः ॥

थुलि धरेयाना च्वंम्हसितनं शान्ति स्वस्तिजुइमा ॥ अग्नि
तेज वायुदेवतायातनं शान्ति स्वस्तिजुइमा ॥ मंत्र :-

चिरिरस्वाहाः ॥ सिरिरस्वाहाः ॥ मिरिरस्वाहाः ॥

बुद्धोरस्वाहाः ॥ मंडलबन्धेःस्वाहाः ॥ सिमाबन्धेस्वाहाः ॥

सर्वशत्रुजंभय२ स्तंभय२स्वाहाः ॥ छिन्दय२ भिन्दय२स्वाहाः ॥

भंज२ बंध२स्वाहाः ॥ मोहय२स्वाहाः ॥

थुलि शुद्धयाना ब्वनाच्चंपिन्तनं शान्ति स्वस्तिजुइमा ॥
हानं पूर्णचन्द्रयातनं, ग्रहगणयातनं, पिशाचगणयातनं शान्ति
स्वस्तिजुइमा ॥ शान्ति स्वस्तियाना हृष्ट पुष्टयानाच्चंपिं थुमितनं
शान्ति स्वस्तिजुइमा ॥ लक्ष्मी बासयाना लक्ष्मी बढेजुया लक्ष्मीयागु
तेजरूपी धनसंपत्ति इत्यादिं पूरेजुया च्वंम्हसितनं शान्ति स्वस्तिजुइमा ॥
भिंपिं मभिंपिं नमुचि मारगणपिं, बेगनं ब्वाँब्वाँ वया च्वंम्हपिंतनं
शान्ति स्वस्तिजुइमा ॥ ॐस्वाहाः ॥ सकल तथागतपिनिगु मूर्ति
प्रतिमास्वरूपजुया बिज्याकम्ह छलपोलं मभिंगु भय उपद्रव उत्पतिजुया
वइबले भय दक्व नाशयाना फुका जितनं सकलसत्त्व प्राणिपिन्तनं
पापदक्वं फुका शान्ति स्वस्ति याना कल्याणयाना बिज्याहूँ ॥

मंत्रः :-

ॐमुनि२ विमुनि२ धर२ चर२ भगवति समयबिगते भयहरणि
बोधि२ बोधय२ बुद्धिनि२ बिरि२ स्वाहाः ॥ सर्वतथागत
हृदयाजुष्टे स्वाहाः ॥

हे भगवती हे देवी बखतबखते मभिंगु भययात हरणयाना
फुका बिज्याहूँ ॥ मंत्र :-

ॐमुनिश्वरेः अभिणिंचतुमां सपरिवारं सर्वसत्त्वाश्व
सर्वविद्याभिषेक महावज्रकवचामुद्रिते सर्वतथागत हृदयाधिष्ठित
शुद्धे मुद्रे वज्रेस्वाहाः ॥

हे भगवती जित सकल जहान परिवारपिन्त जुल हाकनं
सकलसत्त्व प्राणिपिन्तनं सकल तथागतपिनिगु सम्पूर्ण विद्यायागु
अभिषेकं तःधंगु वज्रसमान जुयाच्चंगु कवच धालसां जंत्रजुया च्वंगु,
हाकनं मुद्राभाव यानातःगु, सकल बुद्ध भगवानपिनिगु नुगले
च्वनाबिज्याम्ह निर्मलगु भावं संयुक्तजुया च्वंगु वज्र धालसां
प्रज्ञास्वरूपजुया बिज्याना च्वंम्ह ॥ हे प्रतिसरा महादेवी सकलसत्त्व
प्राणिपिन्त शान्ति स्वस्तियाना रक्षायाना बिज्यानाच्च्वंम्ह हे देवी
छलपोलयात नमस्कार ॥ सकभनं तेजयागु ज्वालां खयाच्चंगु
चिन्तामणि स्वरूप जुयाच्चंगु, तःधंगु भावं परिपूर्णगु, अपराजिता
हृदय धालसां मेपिं सुनानं त्याके फैमखुगु, थवगु शरीरयातनं
कल्याण जुइगु, अपराजिताया मूलमंत्र धैगु सकल लोकपिंस
प्रशंसायाना, पुजायाना, पाठयाना, नमस्कारयाना तयातःगु थ्व
तःधंगु धारणी धालसां न्हिथंन्हिथं धारणायाना तय्माःगु मूलमंत्र
समाप्तजुल ॥

थनंलि पुनर्बार हाकनं छगू समये थुगु सभामण्डले तःधंम्ह
महाब्राम्हण छम्ह थ्येंक वया श्री शाक्यमुनि भगवानयात
नमस्कारयाना थ्वहे सभामण्डले धर्मकथा न्यनेधका च्वनाच्च्वन ॥
उगु बखते श्री शाक्यमुनि भगवानं बेदशास्त्रं पुरेजुया च्वंम्ह तःधंम्ह
महाब्राम्हणयात निमन्त्रणायाना सःता आज्ञादेका बिज्यात हे
महाब्राम्हण थ्व संसारे तःधंगु विद्याया राजाजुया बिज्यानाच्च्वंम्ह
श्रीमहाप्रतिसरादेवीयागु नामकया सुनां गुम्हस्यें न्यनी व न्योम्ह

कुलपुत्रयात जूसां अथवा कुलपुत्रीयात जूसां सकल पापं मुक्तजुया
 फुनावनी ॥ हे महाब्राम्हण गुम्ह मनुष्यनं थ्व महाप्रतिसरादेवीयागु
 तःधंगु मंत्र नुगले धयागु चित्तेवय्का एक चित्तयाना लुमंका
 ज्वी उम्ह मनुष्यया वज्रथ्ये क्वातुगु शरीर ज्वी धकाः सीकि ॥
 छायाःसा सुनां गुम्हेस्यां थ्व मंत्र धरेयाना च्वनी थुम्ह मनुष्यया
 शरीरे थ्व मंत्रया प्रभावं अग्निनं थिइ फैमखु ॥ थुकेया प्रमाण
 स्वरूप छु धालसा न्हापान्हापा थथ्ये जुयावंगु दु ॥ थुगु खं
 गथ्ये धाःसा ॥

हे महाब्राम्हण गुगु बखते तःधंगु कपिलवस्तु धयागु महानगरे
 जि सर्वार्थसिद्ध राजकुमारजुया च्वनागु बखते छन्हुया दिने राज्यभोग
 दक्वं तोलता प्याहाँवने धकाः मतीतया अन्तपुरे द्वाहाँवना स्वयागु
 बखते राहुलभद्रया मां यशोधरादेवी द्यनाच्चंगु खना ॥ जिं मती
 ल्वीका जि धालसा प्याहाँ वनेत्यल ॥ जि प्याहांवन धायवं शुद्धोधन
 महाराजायागु कुले वंशथिर मजुल धकाः मतीतया ॥ मांम्ह
 यशोधराया गर्भे राहुल भद्रकुमार च्वनेत हाकनं खुदँ तक गर्भेच्वने
 मालिगु जुयानिम्ति उगुबेला जि सर्वार्थसिद्ध राजकुमारजुया च्वनाबले,
 द्यनाच्चंम्ह यशोधराया नाभिमण्डले जवगु तुतिया म्हालापचिनं
 अधिष्ठानयाना आज्ञादेका ॥

हे यशोधरा । छिपिं निम्हंस्यनं पूर्व जन्मेयानावःगु पापं
 खुदँतक गर्भधारणयाना च्वनेमाली, छुयानिम्तिं खुदँतक गर्भे
 धारणयाना च्वनेमालीगु धालसा परापूर्वकाले न्हापायागु जन्मे

ब्राम्हण्यागु कुले ब्राम्हणीजुया जन्म काःवगु बखते बुरिम्हमाता
 मामयात झ्यातुक दुरू घट्टज्वंका थःम्हं धालसा याउँस्ये च्वंगु
 घट्टज्वना स्वइच्छादि जुया हाकनं बुरिम्ह थःमामयातनतुं अनेक
 प्रकारं मिंइ क्वफाना छूवेमाम्ह, लखे क्वफाना छूवेमाम्ह, भीरहे
 क्वफाना छूवेमाम्ह धकाः थुगु प्रकारं म्हतुल्हानां ब्वबिया
 दुःखबिया वःगु दुगुलिं थुगु हे पापं हे यशोधरा थुगु जन्मे छं
 खुदँतक गर्भ धारण्याना दुःखसिइमाली ॥ छं माँयात गथ्ये
 झ्यातुक दुरू घट्ट ज्वंका वया वथेंतुं छंनं झ्यातुक गर्भधारण
 याना च्वनेमाली ॥ हाकनं छं माँयात अनेक प्रकारं म्हतुल्हाना
 वगुलिं थुगु जन्मे देवदत्तं छन्त अनेक प्रकारं म्हतुल्हाना दुःख
 बिइतिनी ॥ हे यशोधरा । थ्वफुकं छंगु कर्मभोग धकासीकि ॥
 हाकनं खुदँतक छंगु गर्भे बालक च्वनेमाःगु छुयानिमित्त धालसा
 पूर्व जन्मे बालकया दाजुयात बन्धनागारे तया लंख इत्यादि
 नयगु, त्वनेगु बस्तुक छुहें मनकुस्ये, चांलाका सास्तियाना वगु
 पापं थुगुजन्मे थ्व बालकयातनं खुदँतक छंगु गर्भे च्वना
 सास्तिनया च्वनेमाली ॥ हे यशोधरा । हाकनं छन्त पुखुलि
 कुतके छोइ, अग्निइ कुतके छोइ, भीरं कुतके छोइ, अथेसां न
 छं छुहे धन्दा कायेमते ॥ त्रिरत्नयागु नां कया प्रतिसरादेवी
 यागु नां कया च्वं भय दक्वं तरेजुया वनी धका आज्ञादयेका
 श्री प्रतिसरादेवीयागु जन्त्र कोखाय्का दृष्टिभोगयाना अन्तपुरं
 प्याहां वया जि तपोवन वना ॥

हे महाब्राम्हण मेगु छुं मखु उगु बखते छन्हुया दिने पापीष्ट देवदत्तं यशोधरायात सलता प्रितीभाव याना च्वने धका धागु बखते यशोधरादेवीनं पापीष्ट देवदत्तयात उगु बचन न्यनां छिछिरी बचं याना हक्का बिज्यात ॥ थुगु बखते देवदत्तं तम्बोय्का (क्रोधपिकया) यशोधरायात महासास्तियाना दुःख मब्युसें तोतेमखु धका मतीतया पापीष्ट देवदत्तं शुद्धोधन महाराजायाके बिन्तीयात ॥ गुगु प्रकारं बिन्तीयात धालसा हे राजन । शुद्धोधन महाराज जिगु बचन न्यनां बिज्याहुँ तर छु धाःसा हे महाराज छलपोलया पुत्र राजकुमार वनापं संयोग ज्वी धयागु जूसा अथवा मतीदुसा जित छलपोलं छलपोलयागु राज्य २१ नीछन्हु तक बियाबिज्याहुँ ॥ जिं छलपोलयागु राज्य चलेयानां छलपोलया पुत्र जिं नापलाका बिइ धका अनेक प्रकार बिन्तीयाना खुसियाना देवदत्तं राज्य फवनाकाल ॥ थनंली शुद्धोधन महाराजं थःगु राज्य तोता देवदत्तयात आज्ञा दयेकल ॥ हे देवदत्त जिगु राज्य छन्त बिइधुन छंगु अधिकार जुल तर छु धाःसा पाप चित्तयाना अन्याय यायेमते धका शुद्धोधन आज्ञा दयेका बिज्यात ॥

थथे आज्ञा दयेका बिज्यागु न्यनां अन्याय यायेमखु जिं धका चरण कमले भोपुया थःगु राजसभास वया मन्त्रीनं सहित याना राजकाजयागु बन्दोबस्तयाय् धुस्येंलि द्वाच्यायात सलता आज्ञादेका धाल ॥ हे द्वाच्या छुं यशोधरायात याकन ब्वनाहति धका आज्ञा देका बिज्यात ॥ थुगु बचन न्यना द्वाच्यां यशोधरायागु

अन्तपुरे वना बिन्तीयात ॥ हे यशोधरा देवदत्तं छलपोलयात
सरोबरनाम पुखुलि कुतके छ्वेत व्वनाहकि धका पापीष्ट देवदत्तं
आज्ञा जुल ॥ हे यशोधरादेवी छुयाय् पार्पीष्ट देवदत्तायागु बचं न्यना
छलपोल याकनं बिज्याहूँ धका थथ्ये बिन्तीयागु न्यना ॥ यशोधरादेवीनं
थवगु कर्मया भोग यायेमाल धकासिका शुद्धोधन महाराज
गौतमीरानीयाके बिन्तीयाना बिदाकट ॥ सखिजनपिं नापं सहितयाना
द्वान्यानाप यशोधरादेवी देवदत्तयाथासे थ्यंकवन ॥ थुगु बखते यशोधरा
वगु खना पापीष्ट देवदत्तं क्रोधपिकया थौं तिनिंका थ्व डांकिनि
यात सास्ती याय्गु धका मतीतया मन्त्रीगणपिसं सहितयाना उगु
सरोबर धयागु पुखुया समिपे वना यशोधरायात सलता आज्ञा
देकल ॥

हे यशोधरादेवी छुयाय् शुद्धोधन महाराजां जित राज्ययागु
अधिकार बिया अहेयाना हल अथे जुया निती याकनं सरोबर धैगु
पुखुलि क्वबाहुं धका थथे आज्ञादेका बिज्यात ॥ उगु बखते देवदत्तयागु
बचन न्यना यशोधरादेवी श्री त्रिरत्न लुमंका श्री प्रतिसरादेवी यागु
मन्त्र धरेयाना उगु निर्मलजुया च्वंगु सरोबर नाम पुखुली तिन्हुया
क्वब्बावन ॥ थुगु बखते श्री प्रतिसरादेवीयागु प्रभावं धर्मस्वामी
धयाम्ह नागराजां यशोधरायात नाग भुवने यंका रक्षायाना तल ॥
उजोगु बखते पुखुली क्वब्बावंम्ह यशोधरादेवी मृत्यु जुल धका
मतीतया हर्षमान याना देवदत्त ल्याहां वन ॥ थनंलि श्री
प्रतिसरादेवीयागु प्रभावं धर्मस्वामी नागराजां यशोधरायात उगु

पुखुली थतहया रक्षायाना बिल ॥ थन लि यशोधरादेवी ल्याहां वया
 शुद्धोधन महाराज गौतमीरानी बिज्या ना च्वंगु अंतपुरे द्वाहांवना
 चरणकमले भोपुया थःगु खँ बृत्तान्त द. स्वंकना थःगु अंतपुरे वना
 हाकनं पापात्मा देवदत्तं छुछुजवः याइरि नेनि धका मतीतया थव
 स्वामि लुमंका च्वनाच्वन ॥ थुगु बखते : यशोधरादेवी थःगु प्राण
 बचे याना ल्याहां वयेधुंकल धका धाःगु ख बर न्यना दुष्ट देवदत्तं
 कोप पिकया शुद्धोधन महाराजयाके बिन्ती यात ॥ हे महाराज
 यशोधरायात भिगु राजकूले तयेगु योग्य मजू ॥ जल स्तम्भन याय
 फुम्ह हे राजन स्वया बिज्याहूँ मखुसा पुखुली क. वब्बांवम्ह (अर्थात्)
 वने धुंक्नुम्ह गथ्ये थाहांवइ ईन्द्रजालयाय् सयाच्च ाम्ह डाकिनी थ्व
 दतले छलपोलया पुत्रनं ल्याहां बिज्याई मखु ॥ छल पोलया पुत्रनापं
 संगम ज्वीगु मतीदःसा थुम्ह यशोधरायात थनत या बिज्यामते
 धका आज्ञादयेका, हर्षमान याना, अनेक प्रक. रं खँल्हाना
 चित्तबोधयाना, अंतपुरं प्याहांवया द्वाच्यायात सलता ३ आज्ञादेकल ॥
 हे द्वाच्या हाकनं यशोधरायात सता हया लुम्बिनी बने ब्वनाहकि
 धका थथ्ये आज्ञा दयेका हर्षमान याना सकले मुंका देवदत्त लुम्बिनी
 बने वन ॥ थनलि द्वाच्यां यशोधराया थाय् वना सलता ४ यशोधरा
 ब्वना नापं देवदत्तयाथाय् लुम्बिनी बने वन ॥ उगु बखते य. शोधरा
 वगु खना वाकु छिनां देवदत्तं आज्ञा देकल ॥ हे लोकजनपिं । का
 छिमिसं श्रीखण्ड आदि सिं हया सिंपै तना व सिंपैया चोक गस
 डाकिनिया मन्त्र सया च्वंम्ह यशोधरायात ध्यना मिं च्याकाळ यू

धकाः थथे आज्ञा जूगु न्यना सकल लोकजनपिंस्थें छ देवदत्तयात हे
 सिंपँ तना सिंपँया चोकास तया मिंच्याका बिइमाल धकाः मतीतया
 च्वन ॥ छम्ह निम्हसेनं देवदत्त राजा खुसि ज्वीका खुसियाना प्रसाद
 काय् धका मतीतया सिंपँ तनाबिल ॥ मिंनं छ्वेका बिल ॥ थनंलि
 अथ्ये मिं छ्वेयेकूगु खनाः यशोधरादेवी निर्भययाना मग्यासे देवदत्तया
 न्ह्योने वना आज्ञा देकल ॥ हे देवदत्त छंगु बचन न्यना जि वे धुन
 न्हापानं मृत्यु ज्वी धका पुखुली क्वब्बा वना छंगु भाग्यं ल्याहां
 वया आहाकनं गनं क्वब्बांवने आज्ञादेका बिज्याहूँ ॥ हे देवदत्त छंगु
 मनोरथ पुरे याना जिं थ्व प्राण त्यागयायेगु जुल धका आज्ञा दयेका
 बिज्यात ॥ थनंलि यशोधरायागु थुलि बचन न्यना मिखा गुलि गुलि
 चिंका देवदत्तं थथ्ये आज्ञा देकल ॥ हे यशोधरादेवी छलपोल
 पतिव्रता धर्मय् च्वनाच्चंम्ह जूसा अग्नि देवतां रक्षायाइ आम
 कोखायातयागु जंत्र तोता व छोयाच्चंगु अग्निस क्वब्बां बिज्याहूँ
 धका देवदत्तं धागु बचन न्यना यशोधरादेवी थम्ह कोखायातैगु
 थःत रक्षाज्वीगु श्रीप्रतिसरादेवीयागु जंत्र तोया सकलयात रक्षायाना
 बिज्याकम्ह धर्म रक्षायाइ धकाः आज्ञा दयेका उगु छोया च्वंगु
 मिंयागु न्ह्योने वना लहाहाजोपा श्रीत्रिरत्नयागु नां कया
 श्रीप्रतिसरादेवी लुमंका तच्चतं छ्वोया च्वंगु अग्निस तिन्हुया
 क्वब्बांवने मात्रनं गर्भें च्वनाच्चंम्ह बालक ग्याना श्रीप्रतिसरादेवीयात
 लुमंका धारणी ब्वना जप याना लहाहातहाजोलपा बिन्ती याना
 च्वन ॥

हे जगतमाता छलपोलयात सहश्रकोटि बारंबार नमस्कार ॥
 हे जगतमाता छलपोल गथिंम्ह धालसा शरणवने थास मदयाच्वंपिं
 लोकपिं शरणवय् योग्यजुया बिज्याकम्ह छलपोल याक्ये जि शरणवया
 जित रक्षायाना बिज्याहूँ ॥ जि गथिंम्ह धालसा अनाथजुया गर्भरूपी
 बन्धनागारे च्वनाच्वनाम्ह जि अनाथ व जि माता यशोधरायात नं
 छलपोलं रक्षायाना बिज्याहूँ ॥ हे माता न्हापांनस्यें शत्रुजुया च्वंम्ह
 देवदत्तं कपत्याना जि पितानं बियातःगु थुगु छलपोल यागु हृदयमन्त्र
 दुगु रक्षा जन्त्रयात तोता बिज्यागुली जि ग्यात जित रक्षा याना
 बिज्याहूँ । हे जगतजननी सकलप्राणीपिन्त जन्मयाना गतिबिया
 प्रतिपालयाना बिज्याना च्वंम्ह छलपोल ॥ छलपोलं रक्षा यातसा जक
 जि अनाथ बालकयात थुगुथासं गर्भरूपी नरकं छुतेजुइ ॥ मखुधयागु
 जूसा थ्व गर्भनरकं त्वता यमलोकेवना नरकभोग यायेमालिम्ह जुल ॥
 कर्मयागु दोषरूपी याना ताकालं नरकबासयाना दुःखसिया च्वनेमाल ॥
 हे ईश्वर संसारयागु दुःखखना जाः जन्म जुइगु न ईच्छा मदु छुयाये
 अथ्ये जूसा नं गर्भबासयाना च्वनागु ताकालं दत, पृथ्वी छक दर्शनयाये
 धका ईच्छा यानाच्वना ॥ हे ईश्वर जि माता मृत्यु वस्येंलि जिजक
 म्वाना च्वनिला जि नं मृत्यु जुयावनी ॥ अथ्येया कारण याकन
 रक्षायाना बिज्याहूँ ॥ छोयाच्वंगु अग्निस क्वब्बांवसेंलि मृत्युजुया
 भष्मजुया मवनिला ॥ भष्मजुयावनि धका स्तोत्रयात ॥ थथे स्तोत्र
 यायेमात्रनं श्री प्रतिसरादेवीयागु प्रभावं पूर्व जन्मे यानावयागु पूर्वानुस्मृति
 दक्कं लुमंना पुनर्बार हाकनं स्तोत्रयाना बिन्तियात ।

॥ ॐ नमो प्रतिसराय ॥

हे महाप्रतिसरादेवी छलपोलयात जि नमस्कार याना ॥
छलपोल गथीम्ह धालसा देवलोक आदि सकल लोकपिसं पुजा
याकाः भक्तजनयात सदाकालं रक्षा याना बिज्याकम्ह ॥ हाकनं
भीरं कुतूं वना मिं पूना समुद्रे कुतूं वना दुःख सियाच्वंपिं लोकपिन्त
रक्षायाना बिज्याकम्ह छलपोल ॥ हाकनं सदाकालं थवगु परिवार
पिसं चाहुयेका भक्तजनयात मोक्षफलबिया पापवर्गयात नाशयाना
मोक्षफल लायेगुलि छपुलं जुया बिज्याकम्ह ॥ हाकनं देवगणपिन्त,
मनुष्यगणपिन्त अंगभंग याना गर्गमुनि आदि मुनिश्वरपिसं स्तोत्रयाका
सकलयात रक्षा यायेगुलि छम्ह सारथी जुया बिज्याकम्ह ॥ हाकनं
विघ्न दक्क नाश यानाच्वंम्ह छलपोल ॥ छलपोल छम्ह जक धका
सकल लोकजनपिसं मानेयानातल ॥ भक्तजनयात दशबल धयागु
भिताप्रकारया बल बरदान बिया बिज्याकम्ह धन्य धन्य छलपोल
पंचदेवी धकानं लोकपिसं वर्णन यानातल ॥ हाकनं बिषम पदजुया
अनवने थनवने मसियाच्वंपिं लोकपिन्त शरणकया रक्षायाना
बिज्याकम्ह छलपोलयात सदाकालं नमस्कार ॥ जिं गथिंम्ह धालसा
मिं छोयाच्वंगु सुन्दरगु बने च्वना बिस्यूवने मफया च्वंम्ह मूर्खथ्यें
अनवने थनवने मसियाच्वनाम्ह जि अनाथयात याकनं रक्षायाना
बिज्याहूँ ॥ हाकनं सकल लोकपिनिगु मनोकांक्षा पूर्णयायेगुलि कामधेनु
समान ॥ हाकनं ईच्छाफल बिइगुली कल्पबृक्ष सिमायागु मूलगु
कचाथ्यें जुया भक्तजनयात ईच्छापूर्णयाना बिज्याकम्ह ॥ हाकनं

देवगणपिं, दैत्यगणपिं, मनुष्णगणपिं सकस्येनं छलपोलयागु पादुकास
 नमस्कार यानाच्चन ॥ छलपोलया हृदये नाना प्रकारया रत्नमाला
 कोखाया शोभायमानजुया बिज्याकम्ह ॥ हाकनं नारायणया
 अधिपतिजुया चन्द्रमा यासिनं सछि दोबर तेज प्रकाशयाना शंखथ्यें,
 द्वाफोस्वांथ्यें, तुयूवर्णजुया ग्रहगणयागु भययात रक्षायाना श्री
 वज्रसत्त्वयागु आत्माथ्यें वज्रसमानजुया च्वंगु आत्माजुया बिज्याकम्ह ॥
 हाकनं अत्यन्त बांलाना च्वंगु न्हेपने फिरि फिरि संक कुण्डल
 सुया मकुटस च्वंगु मणियागु तेजं जाज्वल्यमान बिज्याकम्ह
 छलपोलयात नमस्कार ॥

हे माता छलपोल गथिंम्ह धालसा संकलयागु दुःखतरेयाना
 बिज्याकम्ह ॥ छलपोल जि अनाथ बालकखना प्रसन्नजुया सुना नं
 रक्षायामदुम्ह जि मातायात याकनं रक्षायाना बिज्याहँ ॥ हे माता
 करूणाचायापुक खोया च्वनाम्ह अनाथयात छलपोलं कृपातया
 बिलधाःसा जक जि रक्षा जुइ ॥ न्हापांनं पुखुलि क्वब्बाँवंबले नं
 छलपोलयागु कृपां प्रभावं रक्षा जुयावया ॥ थौं नं जिमित गति
 बिइम्ह छलपोल छलपोलं याकुथ्यें जिमिगु गतिजुइ ॥ सुनां थुगु
 प्रतिसरादेवी यागु स्तोत्र ब्वना सदानं पाठयाइ थ्वयात लंखयागु,
 मियागु, बिषयागु, खुंयागु, शार्दुल धैपी दुष्ट मभिंपिं थयो थयोगु
 भयवैगु दक्वहे नाशजुया मदयावनी ॥ हाकनं रोग जुयाच्चंपिनि
 रोगं नाश जुइ ॥ बुद्धि मदुम्हेसित बुद्धिदया मनकामनां पुरेजुया
 तःधंगु लाभजुइ ॥

हे माता छलपोल हाकनं गथिंम्ह धालसा सदाकालं थव परिवारं सहितयाना धर्म, काम अर्थ, बढेयाना शत्रुगणयात मोचनयाना सदाकाल सुखभोगयाका बिज्याकम्ह ॥ हे माता छलपोलं लोकपिन्त इच्छामाफिक फलबिया, सुखभोग याका, पाप दक्क नाशयाना, अन्तकालस मोक्षछोया बिज्याकम्ह त्रिभुवनया मां छलपोल याके लहाहातजोलपाव खोया थुगु स्तुति ब्वना स्तोत्र याना ॥ थुगु पुण्यया प्रभावं अग्निस प्रवेशजुया बिज्याकम्ह जि माता यागु शरीर कुशल जुया रक्षा ज्वीमा धका मतीतया बिन्तियात ॥ हे माता संसारे जिथ्यें मांयात द्रोहयाना च्वंपिं दाजुकिजायात द्रोहयाना च्वंपिं देवतापिं मनुष्यपिं सकसिनं कर्मभोगयाइ थुगु पापदक्कं जितलायेमा ॥ हे लोकपिं धर्मया धर्मयातसा मोक्षफललाइ ॥ पापयातसा गर्भबासं गबलें छुटेज्वीमखु ॥ हे माता जिं पापयाना मवगु जूसा थुगु भोग यायेमालिमखु पापयाना वगुली थुलि दुःख जुल ॥ थ्वहे पापंयाना विष्णुं दश अवतार कया गर्भनरक बासयाना च्वन ॥

हे माता । जिं थनिनिसें चित्त शुद्ध याना बोधिज्ञान साधना यायेगु जुल ॥ थुगु पुण्यया प्रभावं जगत उद्धार याना मोक्षफल लाना वनेफय्मा ॥ हे माता । कर्मयागु फलं दग्ध चित्त जुया च्वंम्ह जि अनाथं थथे धका मतीतया ॥ हे ईश्वर । जि अनाथ यात व जि मांयात नं याकनं रक्षा याना बिज्याहुं, विलम्ब याना बिज्यायेमते धका बारम्बार बिन्ती याना थुगु कर्मयात थःम्ह नं निन्दा याना उगु मिं यागु भयनं ग्याका श्री प्रतिसरा देवी लुमंका सुम्क च्वनाच्चन ॥

थुगु बखते श्री प्रतिसरा देवी यागु आनुभावं, यशोधरा देवी यागु
 सत्यया प्रभावं अग्नि यागु ज्वाला बढेजुया यशोधरा देवी यागु म्ह
 छम्हं पवित्र याना अग्नि साम्य जुया अग्नि कुण्डलं लंख उत्पत्ति
 जुल, लंखनं पलेस्वां उत्पत्ति जुया पलेस्वां ह्वोया उगु पलेस्वांया
 दधुइस च्वना पद्मिनी जुया थासं बिज्यात ॥ थुगु प्रतिसराया प्रभावं
 उगु अग्नि उग्रिमये च्वापुथें जुया ख्वाउँया वन ॥ थनंलि यशोधरा
 देवी उगु पुखुली पलेस्वांया दध्वीस् विज्याना थवगु सत्य धर्म
 क्यनाविज्यात ॥ हे महाब्राम्हण उगुबखते दुर्मति जुया च्वंम्ह देवदत्तं
 यशोधरादेवी रक्षाजुगु खना थःगु कार्य विघ्नजूवगु स्वया मिखा
 ह्याउँककना क्रोधयाना धाल ॥ अहो आश्चर्य थ्व छु हेतु जुल
 गथीम्ह अग्निदेवता प्रत्यक्ष होम यानानं भस्मयाय् मफुम्ह अपराधी
 अग्निदेवता धका अग्निदेवतायात निन्दायाना यशोधरायात स्वया
 म्हुतुसि फिरिफिरि खाका स्वयेनापं ग्यानपुस्ये च्वंक ख्वाःयाना
 वाकूछिना मंत्रीगणयात आज्ञादयेकल ॥ हे मंत्री ! जिं छन्त छगू
 खँकने गथ्येधाःसा शुद्धोदन महाराजां आज्ञादेकुसां नं जि पत्यारमजुया
 थौतिनि पत्यारजुल ॥ यशोधरादेवी अघोर मंत्रयाय्गुलि पारंगत
 जुयाच्वंम्हखनि ॥ अवश्यनं थ्वया शरीरे रक्षामंत्र दइ थ्वहे यन्त्र
 यागु प्रभावं दृष्टिबंधनयाना अग्नियात स्तम्भनयात ॥ न्हापा पुखुलि
 क्वब्बांवंलेनं लोकपिं सकसिननं स्वयाच्वन पुखुलि क्वब्बां वंम्हथ्यें
 वना छुख्ये च्वनाच्वन ॥ पुखुलि क्वब्बां वंम्हजूसा प्यन्हुमछिलिपा
 गथेथाहांवइ हे मंत्री छं छक बिचारयाना स्व जिं स्वयाजा यशोधरां

जा इन्द्रजालयाना चक्षुवन्धनयाना जलस्तंभन यातधका थहरेयाना ॥
हे मंत्री यशोधरा सत्यवादी पतिव्रता धर्मे च्वनाच्वंम्ह मखु छुयायेगु ॥
थथ्यें ल्याहां वनेलाधाःसा माहाराजा तंम्बयकीगुजुल अथ्येया कारणे
न्ह्यामस्यें न्ह्यागु हे धालसां महाराजयागु बचन लंघना यायेमज्यू
धकाः लोकाचारयाना मिखास खोवितया द्वाच्यायात सलता आज्ञा
देकल ॥

हे द्वाच्या माहाराजां हुकूम जूगु छंके लोमनला राजायागु
कार्य विघ्न यायेमते याकनं यशोधरा डांकिनियात ब्वनाहया पर्वते
थतयंका पिलाछगले स्वःथनाः बन्दयाना उच्चाजुयाच्वंगु पर्वतयागु
भीरं समुद्रे कुतके छोया याकनं ल्याहांवा धका पापीष्ट देवदत्तं
चोयकुस्येंलि थ्व पापीष्ट देवदत्त खनाग्याना द्वाच्या पुखुलिं क्वहांवना
पुखुयागु लखकया मिखापिया पलेस्वां दथुस बिज्यानाच्वंम्ह
यशोधरादेवीया न्ह्योनेवना ल्हाहातहाजोलपा बिन्तियात ॥ हे देवी
देवदत्तं छलपोलयात सःतकेहल याकन बिज्याहुं धका बिन्तियाना
मिखास ख्वबिहुंयाच्वन ॥ थनंली यशोधरादेवी द्वाच्यागु वचं न्यना
थवगु सत्यधर्मयागु प्रभावं क्यना मुसुमुसु न्हिला आश्रमं दना वया
देवदत्तया न्ह्योने बिज्याना आज्ञा दयेका बिज्यात ॥ हे देवदत्त छंगु
वचं न्यनां जि पापी वयेधुन छंगु भाग्यें जिगु कर्मयागु भोगे अग्निस
क्वब्बा वनानं मसीनी छुयाये कर्मभोग यायेमानि छंगुमतीजा जिगु
प्राणकया राजाजुया राज्यभोग चलेयायेधका इच्छायात बिना पूर्वजन्मे
यानावयागु पुण्ययागु फल मदेकं भोगयाये दैमखु ॥ हे देवदत्त जिं

सुयातनं दोष मतया याकनं जित कर्मभोगयाका थुगु पाप फुकाब्यू धका
यशोधरादेवीनं आज्ञादयेका बिज्यात । थुगु प्रकारं यशोधरा आज्ञादेकूगु
न्यना देवदत्तं क्रोधपिकया यशोधरायात धालः ॥

हे यशोधरा । छलपोल पतिव्रता धयागु जूसा पर्वतयागु
भीरं क्वब्बाना घाः छकुहे नापं छुं मदेक रक्षाजुयाविज्याहुं धर्म
अधर्म दक्कं छलपोलं हे स्यू जि जाछुंहे मस्यू जितजा विनाशकाले
अपजस जकंजुल महाराजाया थम्हंयाये मछाला जित छोयाहल हे
यशोधरा । जिमिगु भाग्यदुसा थननं रक्षाज्वीतिनि अथेया कारणे
थवगु धर्म प्रकाशयाना भीरं क्वाहां बिज्याहुं धकाः थुलि धया
पापीष्ट देवदत्तं अहंकारयाना मन्त्रीपिं सकलें मुंका पर्वतगया थाहांवना
आज्ञा दयेकल ॥ हे लोकपिं ! काका याकनं पिलाछगःहया लोहतं
पुरेयाना क्वातुकाति यशोधरा वइन ॥ थनं कुतके छोयानं ल्याहाँवल
धालसा महाराजां स्यावास धका मानेयाइ ॥ मखुला धयागु जूसा
थ्वयागु कर्मभूमि थनहे जुल धका पापीष्ट देवदत्तं मन्त्रीगणपिन्त
धयाच्चन ॥ थनंली यशोधरादेवीनं सखीजनपिंसं सहितयाना उगु
पर्वते वनेधका बिज्याना पर्वत गया थाहाँ बिज्याना लिफःस्वगु
बखते सखीजनपिं थाहाँवे मफया दिनाच्चंगु खना यशोधरादेवीनं
धयाबिज्यात हे सखीजनपिं ! छिपिंधालसा छूयैय्जक च्वनाच्चंपिं
तुतिस्याइ बुलुंनंवाः पर्वत गये थाकू बुलुंवाः धका बोधयाना देवदत्तया
न्ह्योने थ्यंकवना आज्ञादयेका बिज्यात हे लोकजनपिं काका याकनं
जित पिलास स्वथना बन्द यानाब्यू धका आज्ञाजुसां सुनानं याये

मछाला स्वजक स्वयाच्चन ॥ थुगु बखतेस यशोधरादेवी थुमिसं
सुनानं याई मखुत धका मतीतया थःथम्हं उगु पिलास द्वाहां
बिज्याना पुसातिना प्रतिज्ञा याये धका तयार जुयाबिज्यागु बखते
सत्य धर्मयागु प्रभावं उगु पिला तःज्याना चूर्णजुयावन ॥ अथ्ये
पिला तःज्याना वंगुखना यशोधरादेवी थवथ्ये थम्हं हे कोब्बा
वनेधका पूर्व दिशास स्वया प्रतिज्ञायाना थव स्वामियागु मूर्तियात
ध्यानयाना त्रिरत्नयागु स्तोत्रयाना प्रतिसरादेवीयात स्मरणयाना
उच्चाजुया च्वंगु ल्वंहतस बिज्याना छुं हे भय मकास्ये निर्भययाना
यशोधरादेवी तिन्हुया पर्वतयागु भीरं कोब्बांबिज्यात ॥

गुगुप्रकारं बिज्यात धालसा गथे गरूडं नागयात त्रासबिया
आकाशे चाहुला मिहता पृथिवी मण्डले क्वाहांवइ वथ्येतुं थवगु
सत्यशील स्वभावयात पपूयाना ल्हाःतुति निपां तःप्यंका बुलुहंर
क्वाहां बिज्याना अगाढ यागुसमिपे थ्यसेंलि समुद्रखना ग्याना
म्हसिंकाप यागु भीरे कोथाथ्ये च्वनाच्च्वंगु ल्वहंयागु पाकुस भीरे
बुयाच्च्वंगु थसिमास जुना घय्पुनाच्चन ॥ थुगु बखते पापात्मा दुष्ट
देवदत्तं यशोधरादेवी भीरं कुतुंवंगु खनेदत्तले स्वया खने मदुस्येंलि
समुद्रे कुतुंवन धका मतिता मन हर्षयाना लोकपिनिगु ख्वाःस्वया
आज्ञा दयेकल ॥ हे लोकजनपिं । मानु श्मशानथ्यें अन्धकारं
खिउस्यें च्वना भयंकरं ग्यानपुस्ये च्वंगु त्रिशुलया आकार जुयाच्च्वंगु
पर्वत धयागु भीरं कुतुंवना यशोधराजा समुद्रया तरंगयागु बेगंकया
छूयों तज्याना सित ॥ थ्व सत्ययागु धर्म थ्वयात रक्षा यातला

जारयागु वीजं गर्भ धरेयाना च्वंम्ह यशोधरायागु अघोर मंत्रयागु
प्रभाव दक्व निःसफलजुयावन ॥ शुद्धोधत महाराजायागु कार्यनं
सिद्धजुलधका मन्त्रीगणादी लोकजनपिं सकलेमुना पर्वतं क्वहांवल ॥

उगु बखते प्रतिसरायागु प्रभावं थवगु सत्य धर्मयागु प्रभावं
म्हसिकापस च्वनाच्वंम्ह धर्म सुवल्लभा धयाम्ह माकलं
यशोधरादेवीयात पर्वतयागु भीरं कुतुंवया थसिमा घेपुना च्वंगु
खना थ्वस्वया करुणातया न्ह्योने थ्येंकवना नमस्कार याना
धर्मसुवल्लभा धयाम्ह कपिराजा माकलं यशोधरादेवीयात मान
सत्कारयाना लुकूछिना बेगनं समुद्रपारयाना उगु सिमां उगु सिमाय्सं
तिन्हुया सःतिगु लँ थतहया लोकजनपिं वयाच्वंगु मार्ग लँय्सं
तयाबिया कपिराजा माकः थःगु थासय्तुं ल्याहांवन ॥ थुगुबखते
यशोधरादेवीयात अथे माकलं थतहया न्ह्योने तय्हःगु खना पापीष्ट
देवदत्तं तंम्बय्का थ्व चण्डाल माकलं याना जित द्रोहयात ॥ जिं
ज्वनेफुगु जुसा थ्व समुद्रे कुतके छोय् छुयाय् बिस्युंवनधका तम्बःय्का
हतपतं वया यशोधरायात धाल ॥ हे यशोधरा ! छलपोलयात व
माकलं थन महःगु जुसा छलपोल अनहे समुद्रे कुतुंवना शरीर
चूर्णजुया मृत्युजुलज्वी माकलं सिमाकचाज्वना आरोहणयाना थतहल
याकनं राजकूले बिज्याहुं ॥ महाराजां छलपोलयात माकलं आरोहण
यानाहःम्ह धका प्रशादबिइ धका देवदत्तं थथे उल्टा खँल्हागु न्यना
यशोधरादेवी हाकनं ल्याहाँ वनेधका मतितया बिज्यात लिपाहानं
कर्मभोग याये माक्व यायेधुन धका मन सन्तोषयाना सखीजनपिनिगु

उपरे करुणातया सकल लोकजनपिं मुंका हर्षमानयाना थवगु
कपिलवस्तु शहरे तुं ल्याहांवन ॥ अहंकारयाना च्वंम्ह देवदत्त
छम्हजक थवगु कार्य विघ्नजूगु स्वया लोकपिं खना लैज्याचाया
अनवने थनवने मदया वेंथ्ये ज्वीका शुद्धि मदेका ल्याहांवन ॥
थनया खं थुलिहे जुल ॥

हे महाब्राम्हण अग्निस क्वफाना छोबले मिं सिनावन विष
नकुबले विष मदयावन ॥ पुखुली क्वफाबले लखं थीमफयावन ॥
छाय् धालसा यशोधरादेवी थ्वहे प्रतिसरादेवीयागु मंत्र लुमंका मतितया
तःगु जुल ॥ थ्वहे प्रतिसराया प्रभावं गोपादेवी शाक्य कन्याया
शरीरे मीं थियमफु । थ्व छुया कारणें धालसा थ्वहे प्रतिसरा तःधंगु
महाविद्या सकल तथागतपिंसं प्रशंसायाना जुगु अधिष्ठान
यानातयातःगु ॥ हे महाब्राम्हण थुलिया कारणे थ्व तःधंगु मंगल
लुमंका एक चित्तयाना जुम्हेसित अग्नितनं दाहयाये फैमखु ॥ हाकनं
छंगु गुलिंमभिंगु विषतया स्येंक्ये धका सनाजूसानं थुगु प्रतिसरायागु
मंत्र धरेयाना च्वंम्हसित जीव हरणयाना फुक्ये फैमखु ॥ थ्व
छुयानिती धालसा जिनं कने एक चित्तयाना न्यं थुगु खँ गये धालसा ॥

हे महाब्राम्हण ! सूर्पारिक धयागु महानगरे उत्तमगु तःधंगु
शहरे कोशवणिक धयाम्ह महाजनया पुत्र छम्ह दयाच्चन ॥ गथिंम्ह
महाजनपुत्र धालसा विद्या सया न्यायशास्त्र कोशादी ब्याकरण
तन्त्रमन्त्रयागु आदि षट्कर्मयाना अनेनेगु मंत्र साधना यायेगुली
तत्पर जुयाच्चंम्ह थथीम्ह महाजनपुत्र थवगु देशेच्चपिं लोकजनपिं

नाप अनेक प्रकारं विद्यावादि धयागु सलशास्त्र विद्या सवाद्ययाना
जुलः अर्थात् थवगु पुरुषार्थ क्यनाजुल ॥ उगुबखते छन्हुयागु दिने
महाजनपुत्रं थःगु मंत्रनं साधनयाना थःगु विद्याया बलं तक्षक धैम्ह
नागराजायात आकर्षणयाना सालाकया थवगु प्रमाद वशेतया तक्षक
नागराजायात चित ॥ थुगुबखते थ्व तक्षक नागराजायात कोत्यल्ये
मफया व नागं तचोतं तंम्बःया महाजन पुत्रयात बेगंह धसेयाना
न्यानाबिल ॥ थनंलि व नागं न्यागुली आपालं बिषलगे जुया थुम्ह
विद्यावादि जुयाच्चंम्ह महाजन पुत्रयात विषं दाहजुया मरणान्तकष्टगु
दुःख जुल ॥ थुगुबखते थुम्ह महाजन पुत्रं सीका मती तलकि छु
धाःसा जिं यानागु मंत्र यागु बलं थ्व नागयात लगे मजुल थ्व
नागयात कोत्यले मफुत कोत्यल्ये फुगु जुसा व नागं जित न्याय्हे
फैमखु ॥ आः थ्व नागयागु विषंयाना सहयाना सहयाय् मफुगु
तच्चवगु दुःख पीडा ज्वीका विनास कारणे जिगु प्राण फुइगुजुल
धका मतितया उगु बखते आपालं विषयागु विद्या सःपिं बिषवैद्यत
सःतःकेछोत ॥ थनंलि विषयागु रोग परीक्षायाना लाय्का बीधका
विष वैद्यत वया व महाजन पुत्रयात अनेक प्रकारं वासः यात थथे
वासः यात न वासः लगेमजू ॥ हाकनं थुगु प्रकारं आपालं विष
वैद्यत वया विषं दाहजुया च्वंम्ह महाजनपुत्रयात स्वया नाना प्रकारं
यन्त्र मन्त्रयाना वासः यात नं सुनानं हे उगु विषयागु चिकित्सायाना
विषंदाह जुयाच्चंगु रोग लाय्केमफु ॥ थनंलि वहे सूर्पारक धयागु
तःधंगु शहरे च्वनाच्चंम्ह विमलविशुद्धि नामजुया च्वंम्ह उपासिका

धयाम्ह कुलपुत्री छम्ह दयाच्चन ॥ छन्हया दिने विमलविशुद्धि
 धयाम्ह उपासिका कुलपुत्री छम्हेसिनं व महाजनपुत्रयात नागयागु
 विषयांना सीथ्येच्चंक महाकष्ट जुयाच्चंगु सीःकाः वयागु उपरे
 तःधंगु करुणातया महाजन पुत्रया थासे थ्यंकवल ॥ थुम्ह उपासिका
 कुलपुत्रीयावये थ्वहे तःधंगु महाप्रतिसरा विद्याराज्ञी मंत्र धारणी
 नुगलेवया च्वंगुजुयाच्चन ॥ थनंली थुम्ह कुलपुत्री महाजनपुत्रया
 न्ह्योनेवना विषं दाहजुया कष्टजुया च्वंगु खना उगु विष मोचनयाना
 रक्षायाना बिइ धका मतीतया श्री प्रतिसरादेवीयात स्मरणयाना
 एकचित्त याना थ्वहे समन्तज्वालामाला धयागु मंत्र धारणी
 व्वनाविल ॥ थुगुबखते थ्व महाविद्या धारणी व्वंगु न्यना लुमंका
 मात्रनं थ्व तःधंगु प्रतिसराया प्रभावं नाग विष नाशजुया न्हापाथेंतुं
 व्याक्व खं लुमंक्ये फुम्हजुया अर्थात् स्मरणशक्तिदया उगु तःधंगु
 विषदाह जुयाच्चंगु महाभयनं तरेजुयावन ॥ थुगु प्रकार थःगु शरीरे
 सुनानं लाय्क्य मफुगु विष मोचन जुयावंगु स्वया थ्वहे महाविद्या
 तःधंगु खःधका प्रशंसायाना महाजनपुत्रं थःगु नुगले वेका
 निश्चययाना विधिपूर्वकनं भावयानाजुल ॥

हे महाब्राम्हण ! थथ्ये धकासीका गुम्ह मनुष्यपिसं एकचित्त
 याना थुगु महाविद्या धरेयाना च्वनी उम्ह मनुष्ययात विषनं
 लगेज्वीमखु धका श्रीशाक्यमुनि भगवान बुद्धं महाब्राम्हणयात
 कनाबिज्यात ॥ हाकनं हे महाब्राम्हण ! थुलिजक मखु छं सीकि
 न्हापाजुया वंगु मेगुनं दनी धका श्री भगवानं हाकनं आज्ञादयेका

बिज्यात ॥ हे महाब्राम्हण ! गुगुबखते वाराणसी धयागु महानगरे
 कासीदेशे न्हापाजुया वंथ्ये चाचाहिला हितुहिला ववंर छगूसमये
 ब्रम्हदत्त धका नामं प्रख्यात जुयाच्चंम्ह राजं थःगु वाराणसी धयागु
 कासी शहरे बासयाना च्वंपिं लोकजनपिन्त पुत्र भालपा प्रतिपालयाना
 दानधर्मयाना न्यायनीति विवेक विचारयाना राज्य चलेयानाच्चन ॥
 थुगुबखते थ्व वाराणसी धयागु कासीशहरे देशया सिमाना नापं
 च्वंगु देशया जुजु बलचक्रवर्ति धयाम्ह छम्ह दयाच्चन ॥ गथीम्ह
 धासा आपालं सैन्यगणया फौजदया प्रजागणपिसं सहितयाना थःगुदेशे
 बासयानाच्चन ॥ थलंलि छन्हुया दिने थ्व बलचक्रवर्ति राजां ब्रम्हदत्त
 राजा नापं संग्रामयाना कासीदेश त्याकाकया थम्हंराज्य चलेयाये
 धकाः मतितया उगुधरिसं प्रजागणपिं बीरपराक्रमजुया च्वंपि चतुरंग
 सैन्य सिपाही सकलें मुंका आज्ञाजुल ॥ हे लोकजनपिं ! ब्रम्हदत्तराजा
 नापं संग्रामयायेत याकनं सल, किसि, रथ, शस्त्र, अस्त्र तयार याना
 संग्राम यायेमाल धकाः धाःगु वचं न्यना सकल सैन्यगणपिसं
 माःक्व सामाग्री तयारयाना सकल फौजमुना संग्राम न्ह्याहांवनेत
 तयार जुयाच्चन ॥ थुगुबखते बलचक्रवर्ति राजानं भिंगु दिन बेला
 सोया आपालं सैन्यगणया फौज मुंका रथचले याका संग्राम न्ह्याहांवन ॥
 गुगुप्रकारं संग्राम न्ह्यानावन धालसा गुम्हेसिनं अत्यन्त ज्वयाच्चंगु
 खड्ग पाछाया, गुम्हेसिनं धनुकज्वना, परशुज्वना शक्ति इत्यादि
 नानाप्रकार यागु शस्त्र अस्त्र ज्वना, नानाप्रकारं बाजाथाना,
 अहंकारपिकया कल्लोल शब्दयाना, हाला हाहाकारं लाय्बुया, ब्रम्हदत्त

राजा नापं संग्राम यायेधकाः कासीदेश संमुखयाना संग्राम न्ह्याना
वनाच्वन ॥ थनंली तत्कालनं वाराणशी शहरे थ्यंका आपालं सैन्य
सिपाहीया फौजगणपिसं नं हाहाकारं कल्लोल शब्दयाना त्राशबिया
ब्रम्हदत्तराजाया शहरे घेरेयाना नाशयायेत्यन ॥

थुलिजुस्येंलि थुगुबखते कासीदेशे च्वनाच्वंपिं मन्त्री आदि
लोकजनपिं सकलें ग्याना ब्रम्हदत्त महाराजायाके बिन्तियात ॥ हे
देव ! हे महाराज । थौया दिने परचक्रगणपिं वया संग्रामयाये धका
भीगु देशे घिरेयाना च्वनाच्वने धुंकल ॥ हे महाराज । गुकथंयाना
व शत्रुयात नाशजुइ उगुप्रकारं भीसं थथ्यें उपाय यायेमाल ॥ हे
ब्रम्हदत्त महाराज विलम्बयाना बिज्यायेमत्ये याकनं सैन्ययागु
फौजमुंका परचक्रनाप संग्रामयाना वया सैन्यगणयात फुकेमाल ॥
हेराजन ! याकनं छलपोलं आज्ञादयेका बिज्याहुं धकाः मन्त्रीगणपिसं
बिन्तियाना धाःगु खँन्यना ब्रम्हदत्त राजां आज्ञा दयेकाबिज्यात ॥ हे
मन्त्रीगणपिं ! मतिजक उत्सुक जुयांमज्यू आपालंहे सुरा जुइमा
छिपिं ग्यायेमते परचक्रं सैन्ययागु फौज मुंकाहयां भीगु देशे घिरेयाना
संग्रामया धका वया च्वंपिं शत्रुखना छिपिं ग्यायेमत्ये धकाः हाकनं
आज्ञादयेकल ॥ हे मन्त्रीगणपिं जिके महाप्रतिसरा धयागु तःधंगु
महाविद्या दु ॥ थ्व गथीजागु महाविद्या धालसा अतिहे महा तःधंगु
थुगु विद्या हानं थुगुहे विद्यांयाना चतुरंगवल धयागु सैन्य सिपाही
फौजयात थथ्येंहे नाशयाना भष्म यानाबिइ धकाः ब्रम्हदत्तराजां
आज्ञादयेका बिज्यात ॥

थुगुप्रकारं आज्ञादयेका बिज्याःगु न्यना मन्त्रीगणपिंस्ये
 शिरंनस्ये नमस्कार याना बिन्तियात ॥ हेमहाराज ! ध्वछु धयागु
 विद्याले जिमिसंजा स्वयातयागु नं मदु न्यनातयागुनं मदु धकाः
 थथ्ये बिन्ति यास्येलि थ्वखँ न्यना पुनर्वार हाकनं ब्रम्हदत्त राजां
 आज्ञादयेका बिज्यात ॥ हे मन्त्रीगणपिं जिं धयागु खँ न्यना छिपिं
 पत्यारमजु थौयागु दिने छिमित प्रत्यक्ष मिखां खंक जिं दर्शनयाना
 क्यने उगुबखते तिनि छिमिसं थुगु तःधंगु महाविद्यायात प्रशंसायाइ
 धका ब्रम्हदत्तराजां थुलि आज्ञादयेका बिज्यात ॥ थनंलि ब्रम्हदत्तराजां
 कर्पूर, कस्तुर, श्रीखण्ड, कुम्कुम संयुक्तजुया च्वंगु सुगन्धजलं थः
 शिरे स्नानयाना यचुस्येच्वंगु शुद्धगु वस्त्रं पुना सुचिनिचियाना थ्वहे
 महाप्रतिसरा महाविद्याराज्ञीयात विधि विधानयाना च्वया जन्त्रदयेकागु
 शिरेतया हाकनं बाहालेनं धरेयाना थ्व महाविद्याराज्ञीयात कवच
 थ्येयाना ब्रम्हदत्तराजा छम्हजक रथसचलेयाना उगु संग्रामया दथुसं
 वना रथं क्वहांवया निर्भययाना श्रीप्रतिसरादेवीयात लुमंका थवगु
 बल पराक्रम क्यना बलचक्रवर्तिराजा प्रमुखं चतुरंग सैन्य सिपाहीयागु
 फौजे द्वाहांवना ब्रम्हदत्तराजा क्यनाबिज्यात ॥

उगुबखते थ्वहे तःधंगु महाप्रतिसरा महाविद्याया प्रभावं
 थुम्ह ब्रम्हदत्त राजाखना ग्याना संग्राम यायेधका वयाच्वंपिं चतुरंग
 सैन्यसिपाहीत सकले हे थवथ्ये थम्हनं त्रासचाया चिच्चा दनाः
 गुली बिस्पूवन गुली गनवन गुली ब्रम्हदत्त महाराजायाके शरणवन ॥
 वहेबखते बलचक्रवर्ति राजा आदि सकल सैन्य गणपिं सकलें

ग्याना संग्रामयायेगु समर्थ मदया ब्रम्हदत्त राजायाके शरणवया
 बिन्तियानाच्चन थनंली शत्रुगणपिनिगु उपरे करुणातया थुपिं सकलें
 थःगु शरणे वगुयाना संग्राम हे यायेम्वाक थःहे जितेजुया चक्रवर्तिराजा
 जुया बलचक्रवर्तिराजायात थःगु बशोकया तोताछोत ॥ थुगुप्रकारं
 परचक्रयात नाशयाना बुका चक्रवर्तिराजाजुया बिज्यागु खना
 मन्त्रीगणआदि सकल प्रजालोक सकसिनं धन्य महाविद्याराज्ञी धयागु
 तःधंगु हे खः धका विस्मयचाया ब्रम्हदत्त महाराजायात प्रशंसायाना
 च्वन ॥ हे महाब्राम्हण थ्वहे महाविद्यायागु प्रभावं संग्रामे वंसान
 संग्रामजिते यायेमफैमखुधका श्री भगवानं आज्ञादयेका बिज्यात ॥

हे महाब्राम्हण । प्रतिसरा महाविद्याया प्रत्यक्ष प्रभाव छगू
 थ्वहे नं जुल ॥ अथेजुया निम्ति थुगु महाविद्याराज्ञी सकल
 तथागतपिनिगु हृदयमुद्रा अधिष्ठान यानातःगु प्रत्यक्ष दुगु धका
 सीका धारणा यायेमाल ॥ थ्व सकल तथागतपिनि बरोबर धका
 सम खनेमाः ॥ हाकनं कालान्तरे लिपार अल्प आयु जुया आयुर्दा
 आपा मदुपिं धर्मयागु तृष्णा मदया पुण्य कमजुया च्वंपिं ॥ कर्म
 मदुपिं भाग्य मदयाच्च्वंपिं भाग्यहे मदुपिं सत्त्वप्राणि पिनिगु उपरे
 उपकारयायेत भिंकेगु मतितया अर्थात् आनन्दज्वीकेगु मतितया
 दयेकातःगु ॥ हाकनं हे महाब्राम्हण सुनां गुम्हसेनं थुगु महाप्रतिसरायागु
 मंत्र धारणी विधिपूर्वकं सुचि नियमयाना च्वया ब्वहले जूसां गलपते
 जूसां एकचित्तयाना धारणायाई ॥ थुम्हस्येनं थुगु महाविद्याधरे
 यानाच्चनी उम्हयात सकल तथागतपिंथ्यें धकासीकी ॥ वयागु म्ह

वज्रथ्ये ववातुगु शरीर धकासीकि ॥ हाकनं वयात सकल
तथागतपिसं पापदक्व भष्मयाना छोय्का छोथ्ये भष्म याइम्ह
धकासीकी ॥ वयात सकल तथागतपिनिगु धातु गर्भे तयातःगु
गर्भथे जाःगु गर्भधका सीकी ॥ वयात सकल तथागतपिनिगु
मिखा धकासीकी ॥ वइत सकल तथागतपिनिगुथ्ये जाज्वल्यमान
जुयाच्चंगु देह धकासिकी ॥ वयात स्येका स्येक्येमफुगु कवच
दुम्ह धकासीकि ॥ वयात सकल तथागतपिसें दक्व नरकयागु
दुर्गति शोधन याथ्ये शुद्धयाना बिइम्ह धकासीकी ॥ वयात सकल
तथागतपिनिगु शरीरथ्ये शुद्ध शरीर धकासीकी थथेधका श्री
भगवान महाब्राम्हणयात कनाबिज्यात ॥

हे महाब्राम्हण ! न्हापाजुया वंगुखं थुली हाकनं छु धालसा
मेगु छगू देशे भिक्षु छम्ह दयाच्चन व गथीम्ह भिक्षु धालसा धर्म
धाम्हजूसां श्रद्धाभाव धयागु पदार्थ छुहे मदुम्ह तथागतयागु बुद्ध
पर्यायस बुद्ध धर्मे मच्चंस्ये बुद्धयागु धर्मयात निन्दायाना तःधंगु फल
प्राप्तज्वीगु विनय शिक्षा नियमय्मच्चंम्ह ॥ अदत्तादान धालसां
सुनानं मबीकं सुनानं मखंक कया परयागु धनखना लोभतया कया
थःयथ्ये सना नया सुखभोग याना च्वंम्ह ॥ हाकनं योयोथ्येसना
थःछम्ह जक जिक्ये भिक्व्येगु मतितया त्योमत्यो मधास्ये चलेयाना
च्चंम्ह ॥ हाकनं प्यंगूदिशाया संघगणपिनिगु वस्तु सकले भिक्षुपिं
मुना दानकयातःगु वस्तु अथवा म्हतीर यागुवस्तु थ्वफुक्कं थःगुहे
याना नयाच्चन ॥ थुम्ह भिक्षुं थुगु प्रकारं नया जुजुं कथंथ्ये

लिपागुलिछिंकाल बिते जुयावस्येलि छन्हुया दिने थुम्ह भिक्षुयागु
 शरीरे तःधंगु महारोगं थिया तच्चःगु दुःखरूपी अग्निदाहजुया
 च्वंगु सहयाना सहयाये मफुगु कष्टनया च्वनाच्वने माल ॥ हाकनं
 वनतपस्वीजूसानं सुनानं तरे मयाम्ह सुं मदुम्ह लक्षणया स्वभाव नं
 छुं मदुम्ह जुइका तच्चतं भयानकगु शब्दयाना देशेथ्वयूक ग्यानपुस्येहे
 च्वंक हालाजुल ॥ थनंलि उगुबखते वहे देशे उपासक ब्राम्हण
 छम्हदया च्वन ॥ छन्हुया दिने थ्व उपासक ब्राम्हणं व रोगंदग्धजुया
 च्वंम्ह भिक्षु ग्यानपुस्ये च्वंक हालाजूगु शब्दन्यना व भिक्षुया उपरे
 मैत्रीभावतया व उपासक ब्राम्हण वहे भिक्षुयाथा थ्यंकवन ॥ उगुबखते
 व भिक्षुयाथासे थ्येस्येलिं भिक्षुया शरीरे रोगं दाहज्वीका तच्चकं
 कष्टनया सास्तिजुया च्वंगुखना थुम्ह भिक्षुयात रोगशान्तयाना
 लायेकाबिइ धकामतितया निश्चययाना श्रीप्रतिसरादेवी लुमंका थ्वहे
 महाप्रतिसरा विद्याराज्ञी धयागु मन्त्र च्वया विधि विधानयाना यन्त्र
 दयेका व रोगजुया च्वंम्ह भिक्षुया गलपते कोखायूका छचाख्यलं
 थ्व हे महाप्रतिसरायागु तःधंगु मन्त्र चिनाबिल ॥ थुगुप्रकारं
 महाविद्यायागु मंत्र चिनाबिइवं थुगु महाविद्याया प्रभावं व भिक्षुया
 शरीरे नानाप्रकारयागु रोग उत्पत्ति जुयाच्वंगु ब्यथा दक्व हे बेदना
 स्याःसीगु दक्वं रोग क्वलाना लायावन, हाकनं थुम्ह भिक्षुया मेमेगु
 ब्याक्व रोगनं शान्तजुया छुंछूगू हे रोग मदया निरोगी जुया थ्वहे
 तःधंगु महाविद्या लुमंका एकचित्तयाना धरेयाना सुखपूर्वक आनन्द
 नं च्वनाच्वन ॥

हे महाब्राम्हण ! थुगुप्रकारं विद्यायाराजा जुयाच्चंगु थुगु
 प्रतिसरा महाविद्याराज्ञी धरेयाना जुजुं छन्हया दिने रात्रिबितय्
 जुस्येंलि तःधंगु थ्वहे ज्ञान लुमंका थवगु काल नं मृत्यु जुयावन ॥
 अथ्ये गुम्हभिक्षु देहत्यागयाना मृत्युजुया शरीरं थाहां वस्येंलि पापयागु
 फले अविचि धयागु महानरके लाःवन ॥ उगुबखते वयागु मृतक
 शरीर म्येपिं भिक्षुगणपिसं खना तःधंगु यन्त्र चिना तवगु दुगु
 जुयानिती उम्हेसीगुम्ह उच्चाजुयाच्चंगु छगूथासे अलग गुफा (कुरि)सं
 तयातल थ्वयागु शरीरे सुनानं छुंहे यागुमखु ॥ वयागु गलपते
 प्रतिसरा महाविद्याराज्ञी लिमकास्ये अथ्येहेन तुं चिनातल ॥ थ्वहे
 प्रतिसरा महाविद्या मृतक शरीरे धरेयाना तःगु पुण्यया प्रभावं उम्ह
 भिक्षु अविचि धयागु महानरके थ्येस्येंलि थुम्ह भिक्षुं तःधंगु प्रतिसरा
 देवीयागु धारणी पूर्वजन्मे धरेयाना वगुजुया निती थ्व प्रतिसरायागु
 पुण्यया प्रभावं थ्व महापुरुष नरकस वयमात्र नं न्हापायागु ज्ञान
 लुमंका प्रतिसरा मन्त्र ब्वनाबिल ॥ उगुबखते नरकबासीपिसं व
 ब्वंगु ताया अमिसंनं धारणायात ॥ थ्व धरेयागुया पुण्यया प्रभावं
 उग्रिमे तच्चवगु कर्मभोग थम्हं याना दयेकावगु अविचिवयागु नरके
 बासयाना दुःख धयागु छुंहे मदया तत्कारणे सुखजुल ॥ थ्वहे
 अविचि नरकेबासयाका अग्निदाहयाना तयातःगु तःधंगु अग्नि सकभनं
 ब्याक्व शान्तजुया वन धका श्री भगवानं महाब्राम्हणयात
 कनाबिज्यात ॥ थनंली हे महाब्राम्हण ! थुगु अविचि महानरके
 सत्त्वप्राणीपिनि कर्मभोगयाना च्वंगु दुःखकष्ट छुं मदया सुखजुगु

खना अन नरके दूतजुया च्वंपिं यमदूतपिं फुक अद्भूत आश्चर्यचाया
यमलोकया मालिकजुया च्वंम्ह धर्मराजया थासे वना थुगुप्रकारं
कौतुक जुगु खँ निश्चयनं न्यंक्येमाल धका धर्मराजायात विस्तारपूर्वक
थथ्यें२ जुलधका यमदूतपिसं यमराजायाक्ये बिन्तियात ॥

हे महाराज ! जिमिगु बचन न्यना बिज्याहुं ॥ छु धालसा
हे महाराज छगू अद्भूत आश्चर्य जूवगुखनेदु ॥ गथें धालसा
थुकियाना भीगु अविचि नरक हे महासंकष्टे लाई ॥ छुया निमिती
धालसा हे महाराज गुम्ह गुम्हेसिनं थःथगु कर्मभोगयाना तच्चवगु
दुःख सीमापिं सुसु प्राणीपिं दु उलि प्राणीपिन्त थ्वहे नरकेतया
कर्मभोगयाका तयापिं थौंया दिने अमिगु दुःख दक्वं फुनावन ॥
हाकनं गुम्ह प्राणीपिनिगु देह जःसी क्वफाना दयेकातयागु मिं दूगु
ह्यंग्वानापं सिनावन हाकनं कःती फाया कःतिनं फाय्मफुयावन ॥
खड्गयागु तरवारयागु धारनं मज्वयावन, हाकनं नयागु त्याःतया
दयेका तयागु थाय्नापं स्यनावन ॥ हाकनं नयागु घःमिंछुया तयागुनं
ख्वाउँस्ये च्वनावन ॥ हाकनं नयागु मुसलधार जुल बनयागु कटारयागु
धारथ्यें च्वंगु खड्गयागु थयोगु थयोगु धारदुगु शस्त्रं कर्मभोगयाका
च्वनागु थयो२गु शस्त्रनं मनया मजोया कर्मभोग याक्यमापिन्त
कर्मभोग याक्यमफु ॥ हे महाराज ! छलपोल धर्मयाराजा जुया
धर्मनं प्रजापिन्त पालनयाना बिज्याना च्वंम्ह ॥ थ्वहे कारणे
छलपोलयात बिन्ती यानागु, मेगु बिन्ती यायेमाःगु छुंमदु, उकिं छु
यायेगु ॥ हे महाराज छलपोलं जिमित थ्वहेतू जुगुखँ कना बिज्याययोग्य

कना बिज्याहूं धकाः यमदूततयूसं (यमदूतपिसं) तनमन चित्तयाना
 बिन्तियाना च्वन ॥ थनंलि थुगुप्रकारं यमदूतपिसं बिन्तियाना धागु
 खँ न्यना धर्मात्मा धर्म निश्चयजुया च्वंम्ह धर्मराजां यमदूतपिन्त
 गथ्ये गथ्ये जूगु छुछु जुल याकन जित धाः धका थथ्ये आज्ञादयेका
 बिज्यात ॥ थनंलि यमराजायागु वचं न्यना दुष्टप्राणीपिं यमदूतया
 चाकरजुया च्वंपिं भयंकरं ग्यानपुस्ये च्वंपिंवया धर्मराजायाक्ये
 बिन्तियात ॥

गुगुप्रकारं बिन्तियात धाःसा हे धर्मराजाजुया बिज्याना
 च्वंम्ह हे महाराजा थुगु नरके थ्व तःधंम्ह प्राणी धालसा महासत्त्व
 उत्पन्न जूगुली थ्व नरक संकटे लातज्वी ॥ हे धर्मराजा थुगु
 नरकया नां अविंचि नरक हे खः ॥ हाकनं थुगु नरक यात हे
 सत्यधका नं धाइ ॥ गुगु विचित्रगु कर्मयाना धाथ्ये हे सुख न सिया ॥
 हाकनं सुखभोगनयाना सकभनं सुखभोगयाना नं थवगु कर्मभोगयाना
 देवलोकस जन्मकावनी ॥ थथ्ये धका यमदूतया चाकरपिं अद्भूत
 बिन्तियाना धाःगु खँन्यना धर्मराजानं अद्भूत आश्चर्यचाया वं
 धाल हे यमदूतपिं ! थ्व तःधंम्ह सत्त्वप्राणी न्हापायागु जन्मे तःधंगु
 पुरुषार्थयानावगु जूयानिम्ति थ्वयागु शरीरनं तःधंगुहे खः ॥ गथे
 तथागतयागु अस्थिधातु तया तःगु स्तुप शोभायमानजुया च्वनी
 वथेंनतुं हे थ्वयागु काय धालसां थ्वैगु शरीरे गलपते प्रतिसरायागु
 तःधंगु जन्त्र चिनातःगुली अत्यन्त शोभायमान जुयाच्चंगु दु ॥
 थनंलि यमदूत धयापिं यक्ष नरकपालपिसं यम धर्मराजायागु वचनं

न्यना हाकनं यमदूतपिसं बिन्तीयात ॥ हे धर्मराजा ! ध्व प्रतिसरा
महाविद्या धयागु छु गथ्ये खः छुयात धाइगु गथ्ये जिमिसं मस्यू ॥
हे धर्मराज ! छलपोलं कनाबिज्याहुं धका यमदूतपिसं थथ्ये
बिन्तियास्येंलि धर्मराजं कना बिज्यात ॥ हाकनं विघ्न उत्पात छुं
ज्वीबले गुम्हेसिनं एकचित्तयाना प्रतिसरा महाविद्या लुमंकी थुम्ह
मनुष्य गुबलें हे दुर्गति वनीमखु ॥ हाकनं गुम्हेसिन न्हिथं२ प्रतिसरा
महाविद्यायात विधिपूर्वकनं भावभक्तियाना जुल धाःसा उम्ह मनुष्य
सुगति धालसा निर्वाण पद तथागत पद धालसा देवलोकस धालसा
जन्मकावनी ॥ हे यमदूत ! हे नरकपाल ! पुरुषपिं छिपिं पत्यार
ज्वीमखु अथ्येया कारणे प्रत्यक्ष स्वयंगुजूसा इच्छादुसा छिपिं सकलें
पुष्करावति धैगु नगरेसं वना स्वहुं ॥ अन पुष्करावतिधयागु नगरे
तःधंगुकूटे देवतापिसं चाहुयेका तयातःगु खनी ॥ हे नरकपाल
पुरुषपिं छिपिं सकसिनं उगु जन्त्र स्वया तःधंम्ह महाप्रतिसरादेवीयागु
जन्त्र घानातःम्ह मृत शरीरयात दर्शनयाना छिमिस्येंनं सकल
सत्त्वप्राणीपिन्त मैत्रीभावतया ज्वीमाल धका यमराजां आज्ञादयेका
बिज्यात ॥ थनंली अविंचि नरके च्वंपि यमदूत सकलेंमुना यमराजायागु
आज्ञान्यना उखुनुहे बहनी पुष्करावति धयागु नगरे थ्येंकवन ॥
उगुबखते यमदूत तस्यें उगु पुष्करावति शहरया राजधानी समिपस
छचाख्यरं माला अनं वहे कूटे स्वःबले छचाख्यरं मुनाच्चंगु छगू
जाज्वल्यमान जुयाच्चंगु ज्वाला खन ॥ हाकनं उगुहे थासे वहेकूटे
मृतकयागु शरीरे गलपते महाप्रतिसरायागु मन्त्र चिनातःगु खना

दर्शनयात ॥ हानं देवतागण गन्धर्व यक्ष राक्षस किन्नरगणपिं आदि
सकलैमुना व मृतक शरीरयात दथु सलाकाः छचाख्यरं चाहुला
तच्चतं भावभक्ति यानाच्चन, पुजायानाच्चन ॥ उखुनु निस्ये थौया
अद्यापि यक्ष नरकपाल यमदूतपिंसं थ्वकूटयात प्रतिसराकूट धका
नामतयातल थ्व यक्ष यमदूतपिंसं महाप्रतिसराविद्या धरेयाना तःगु
मृतक शरीरयात स्वया नमस्कारयाना उगु पुष्करावति नगर
ल्याहांवया यम धर्मराजायात नमस्कारयाना छलपोलयागु वचन
निश्चय नं खः धका विस्तारपूर्वकं बिन्तियात ॥

हे धर्मराजा ! छलपोलनं गथ्ये आज्ञादयेका बिज्यात अथेहे
धाथ्ये खः धकाः निश्चययाना वृतान्त खँ दक्कं बिन्तियाये धुंका
हाकनं छगू खँ विस्तारपूर्वक यमदूतपिंसं बिन्तियात ॥ थुलि बिन्तियाये
धुंस्येलि उगुबखते व महासत्त्वं थुगु नरकयागु देहतोता त्रायश्चिंश
धयागु देवल्लोके जन्मकाःवन धकाः श्रीभगवानं महाब्राम्हणयात
कनाबिज्यात ॥ हे महाब्राम्हण ! थुलिया कारणे थ्व महासत्त्वयात
पूर्विदेवपुत्रधैगुनामजुल ॥ थ्व प्रतिसरा पूर्वदेवपुत्रं धालसा प्रतिसरायागु
मन्त्र न्हापा धरेयाना च्वंम्ह प्रतिसरा देवपुत्रधका नाम तयातल ॥
उकीं हे ब्राम्हण ! थुलिखँ न्हापा जुयावंगु अथ्ये जूयानिती थ्व
महाप्रतिसराया मन्त्र धरेयाना तयमाल ॥ गुम्ह मनुष्यनं च्वयातइ
अथवा च्वकाकाइ थुलि तक तःधनाच्चंगु महाप्रतिसरा धारणी
गुम्हेसिनं एक चित्तयाना काय् वाक चित्त शुद्धयाना आदर श्रद्धाभावं
सुना थ्व सफूच्चका वा च्वया छुयेय्तया न्हिथं पाठयाइ अथवा

गुम्हेसिनं नित्यं पाठयानाजुइ वा ब्वना हे ज्वी ॥ थ्व पंचरक्षा सफुलि विधि विधान कनातथ्ये भावभक्तियाना न्हिथं हे शरीरे धारणायाणा तय्माः॥ थथेयातसा थ्व धरेयाणा च्वंम्ह मनुष्ययात अनेक प्रकारयागु विपत्तिज्वीबले अर्थात् दुःखज्वीबलेनं थुगु पुण्यया प्रभावं तरेज्वी ॥ हाकनं दुर्गति वनीबलेनंजुल च्यागू तःधंगु भय ज्वीबले, हाकनं च्यागू अलक्षण ज्वीबलेनं थ्वहे प्रभावं रक्षाजुइ ॥ लोकपिनि मती च्यागू तःधंगु भय जुइबलेनं थुके हें रक्षा ज्वीधका धयाबिज्यात ॥ च्यागू तःधंगु भय छुखें धका च्वनी छिमित मन बोधयायेत छक्कू कने ॥ गथ्येधालसा ॥

ललित विस्तरे च्वयातःगु दु ॥ पोतलक पर्वते बिज्याना देवलोकपिं सकल्येमुना च्वंगुसभास श्रीशाक्यमुनि भगवान बिज्याना धर्मकथा आज्ञादयेका बिज्यात ॥ थुगुबेलस अनच्च्वंम्ह अति बलवानम्ह वज्रपाणि दनावना श्रीशाक्यमुनि भगवान यागु ख्वालस्वया न्यनाबिज्यात ॥ गथे धालसा ॥

हे भगवान ! लोकपिन्त च्याता प्रकारया नाना किसिमगु भय दयाच्च्वंगु थ्व भय छुछु खः – खुंयागुभय, सिंहयागुभय, मियागुभय, किसियागुभय, धुंयागुभय, लंखयागुभय, राजायागुभय, कालयागुभय, थ्व च्यागू भयनं थ्व रक्षायागु प्रभावं रक्षाज्वीला धका थथ्ये न्यंगु बखते श्रीभगवानं कनाबिज्यात ॥

हाकनं थुलि जकमखु मेगु च्यागू अलक्षण धैगु छुछु धाःसा श्री शाक्यमुनि भगवानं वंदु धयागु सफूलीकना बिज्यागुदु नर्कगतिस

जन्मकालधालसा क्वागुखाउंगु आदि नर्कयागु वेदना सहयाये मफया
धर्मयाये मफुगु छगू अलक्षण थ्व ॥ हाकनं प्रेतगतिस जन्मकाल
धालसा पित्याक प्यासचागु दुःख सहयाये मफया धर्मयाये मफुगु
निगू ॥ हाकनं तिर्यक गतिस पशुजन्मकाल धालसा पशुपक्षिजुया
मनुष्यथ्ये न्वंवाय् मसःगु खँल्हाय्मसःगु थ्व दुःख धर्मयाये मसःगु
मफुगु स्वंगू ॥ हाकनं दैत्यया गतिस जन्मजुल धालसा न्हांपा जुतले
सुखयजक भूलेजुया च्वनी हाकनं तमं लं मखना ल्वाजक ल्वाना
लिपा आयु ताहाक जूगु खँ धर्मयाये मफु थ्व प्यंगू ॥ हाकनं वालु
धयापिं मनुष्यजक जुलसां धर्म यायेगु छू मस्यूपिं जंगलबासी थुमि
भुस्याः नपुलि न्हेपने घानातइपिं धनुकवानज्वना ज्वीपिं (जगु
ल्हाता चिन्ता ज्वना खगु ल्हातं पंत्वाज्वना) कीपटं वालाना पंत्वाले
दुने स्वथना मिंछुया नैपी बंमनू जुया धर्म धयागु छुंहे मसिया
धर्मयाय फैमखुगु थ्वन्यागू ॥ हाकनं नास्तीकजुया त्रिरत्नयात
धर्मशास्त्रयात निन्दा याइपिंजुया जन्मकाल धालसा परयात निन्दा
जकयाना जुयागु पापं दुःख जुया धर्म छुं यायेमफुगु खुगू थ्व ॥
हाकनं शून्यगु कल्पस जन्मकाल धालसां तथागत पिनिगु धर्म छुं
छगूहे न्यने मदुगु दुःखं धर्मयाये फैमखुगु थ्व न्हेगू ॥ हाकनं लाता
पाकः वांखु अंगहिन दरिद्रजुया जन्मजुल धालसां धाःगुखं कंगु
ज्ञानबुद्धि छुं छगूहे मसीका अथवा धाःगु कंगु स्यूसां धर्मयाये मसया
नं हानं दरिद्र दुःखी जुगुली धर्म छतियाये फैमखुगु च्यागू ॥ थुलिच्यागू
अलक्षण नासजुया थ्वहे रक्षाया प्रभावं रक्षा ज्वीः ॥ हाकनं

विद्युतधालसा विजुलिथ्ये च्याकमलः जूवल धालसां मलखं थीफैमखु
हे महाब्राम्हण । थुलि छुधाःसा मलखं यागु खँ न्हापा थथे जुयावंगु
दु धका सीकी ॥

थनली हाकनं हे महाब्राम्हण ! हिंगुमदणा धयागु अति
तःधंगु शहरे विमलशंख धयाम्ह महाजन छम्ह बासयाना च्वन ॥
थ्व महाजन गथीम्ह धालसा असंख्ये आपालं रत्न इत्यादि सुवर्ण
परिपूर्णजुया धनाद्यजुया च्वंम्ह, हाकनं धुकू जुल कोथा कोथा
पतिकं हे सकभनं नाना प्रकारयागु धनद्रव्ये सहितजुया अन्नवस्तुक
आदि चतुषष्टिवृही धनधान्य आदि परिपूर्ण जुया च्वंम्ह ॥ थ्व
विमलशंख नाम महाजनयात महासार्थवाहु धालसां तःधंम्ह साहु
महाजन धकाः लोकजनपिसं पत्यार यानातल ॥ थनली छन्हुया
दिने थ्व विमलशंख सार्थवाहु महाजनं थ्व वाणिजाल पासापिं
आपालं मुंका रत्नद्वीपे वनज व्यापार यावने धका हर्षमानयाना
थःगु देशं प्रस्थानयाना वन ॥ थथे ववं ववं समुद्रया तीरे थ्यस्येंली
उगु बखते महाजन सार्थवाहु प्रमुखं सकल वाणिजाल पासापिं
सकस्येंनं उगु महासमुद्रयात नमस्कारयाना समुद्रयागु लखं मिखापिया
यान पात्र धालसा द्वंगाय्च्वना माभिं द्वंगाचले याका बुलुं२ न्ह्याका
महासागर समुद्र वंगुजुया च्वन ॥ उगुबखते व सागर समुद्रे
वासयाना च्वंपिं महाभयंकरं ततःधिकपिं तिमिङ्गिल धयापिं समुद्रया
अजिंगर तेस्यें उगु न्ह्याना च्वंगु द्वंगायात हेकावल ॥ हाकनं थ्वहे
समुद्रे च्वंपिं नाग तेस्येंनं नय पिच्याना द्वंगायात स्यंक्ये धंका

मतितया वल ॥ थुगुप्रकारं हाकनं समुद्रे हे बासयाना च्वंपिं मेमेपिं
 जलजन्तु तेस्येनं ततःसकं हाला फुडँ २ शब्द वेकावल ॥ हाकनं
 मलयागु हावलस तोगुथ्ये विजुली चम्केजुगुथ्ये प्वाला प्वालां पिकया
 तचोतं जलवृष्टि जूगुथ्ये खिउँस्ये च्वंक सुपाचं तोपुया मभिंगु फय्
 वयेका उगु द्वंगायात पनाबिल ॥ अनंलि उगुबखते सकल वाणिजाल
 पासापिनि तच्चकं दुःखकष्ट पीडाज्वीका नागयागु अहंकार कोपं
 उलुक वगुथ्ये हावलातोगु थ्ये प्वाला प्वालां पिकया ग्यानपुस्ये
 च्वनाच्चंगु ज्वाला पिकया च्वंगु स्वयानं हाकनं व तिमिङ्गिला
 धयापिसं द्वंगायात संक्येहे मजिक पनाब्यूगु खना ॥ थ्व स्वया
 वणिजालगणपिं सकले ग्याना तच्चकं त्राश चाया हाला हा हा हे
 दैव धका कल्लोल शब्दायाना हाला थवगु कुलदेवतापिं लुमंका
 ग्वाहालि प्वनाच्चन ॥ उगुबखते व देवतापिं मध्येसं सुनानं हे
 इमित तरे याःगुमखु ॥ थनंलि थुगु कथं तच्चतं आतुर परेज्वीका
 सकल वाणिजाल तेस्ये विमलशंख महाजनपाखे स्वया मिखास
 ख्वबितया करुणा चायापुगु वचनयाना बिन्तियात ॥ हे महापुरुष
 सार्थवाहु थन भीत जा तच्चतं संकष्टजुल जिमित याकनं थुगु
 संकष्टं तरेयाना बिज्याहूं ॥ हे महासार्थवाहु महाजन ! जिमित थ्व
 मरणान्तक भय मदेका याकनं थुगु समुद्रपारयाना रक्षायाना बिज्याहूं
 धका सकल वाणियातेस्ये बिन्तियाना धागु खँ न्यना बुद्धिमान
 जुयाच्चंम्ह गम्भीर चित्तजुया च्वंम्ह विमलखंश धयाम्ह महाजनं व
 त्राशचाया ग्यानाच्चंपिं समुद्रयागु भयनं ग्याना धन्दाकया च्वंपिं
 वणिजालपिन्त मैत्री भावतया थुगुप्रकारं धयाबिज्यात ॥

हे सकल वाणिजाल पासापिं छिपिं ग्यायेमत्ये धैर्यचित्त
 यानाच्चं ॥ जिं छगू तःधंगु उयाययाना थ्व दुःखयागु महासागर
 समुद्रं छिमित जिं तरेयाना बियेगुजुल ॥ छिमिसं छुंहे धन्दा कायेमत्ये
 धका थुगुप्रकारं धाःगु वचं न्यना वाणिजाल सकसियां फक्व फक्व
 धैर्य चित्तयाना हाकनं विमलशंख महाजन याक्ये बिन्तियात ॥ हे
 महापुरुष सार्थवाहु थ्व छु धयागु खः छलपोलं थुगुबखते मेगु मति
 छुंहे मतस्यें याकनं जिमिगु उपरे दया कृपातया थुगुप्रकारं प्राणयात
 संकष्ट ज्वीक विघ्न उपद्रव जुयाच्चंगु तत्कारणं फुना वनिगु
 तःधंगु जत्न उपाय याकनं जिमित कना बिज्याहुं ॥ छुया निति
 धालसा हे अन्यन्त बुद्धिमान जुयाच्चंम्ह महापुरुष छलपोलयागु
 धर्मया प्रभावं जिपिं सकलें सजीवजुया म्वानाच्चवनागुदु ॥ थुलि
 म्वाना च्वंतले जा छपिनिगु ख्वालस्वया च्वनेदैका अथ्येया कारणे
 आम तःधंगु ज्ञानयागु खँ महिमा याकनं जिमित कनाबिज्याहुं ॥ हे
 महासार्थवाहु । विस्तारयाना बिज्याय मत्ये लिपा जिपिं सकलें मृत्यु
 ज्वी धुंका छपिसं कनाबिज्याना छपिसं छु यायेफै ॥ थुगु कथं बिन्ति
 यास्येलि विमलशंख महाजन धयाम्ह सार्थवाहुं वाणिजाल सकसित
 नं स्वया थुगु तःधंगु प्रतिसरा महाविद्यानामं प्रख्यातजुया च्वंगु
 महाविद्या जिके दु ॥ थुगु विद्या गथीगु धालसा सकल दुष्टजनपिन्त
 मर्थनयाना क्वत्यल्ये फैगु हाकनं थ्वहे विद्याया प्रभावं तःधंगु वीर्य
 पराक्रम नं दया वई हे वाणिजाल पासापिं जिक्ये थजाःगु तःधंगु
 विद्यादुगु जूयानिम्ति थ्व विद्याया प्रभावयाना जिनं छिमित थ्व

तःधंगु दुःखरूपी महाभव मदेका नाश यानाबिड धयागु खः धका
थुलि धाये धुस्येंलि ॥ थनंली विमलशंख धयाम्ह तःधंम्ह सार्थवाहुं
उगु बखते एक चित्तयाना थुगु प्रतिसरादेवीयात स्मरणयाना थ्वहे
तःधंगु महाप्रतिसरा महाविद्याराज्ञी मंत्र च्वया, ध्वजा दयेका उगु
द्वंगाया च्वकास तिया ध्वजा ब्वयेका थमंन भरेयाना ज्वना तल ॥
पुनर्वार हाकनं थुगु प्रकारं महाप्रतिसरा महाविद्याराज्ञी धयागु
मन्त्रच्वया द्वंगाया च्वकासं तिया छ्वाख्यरं ध्वजा ब्वयेका बिल ॥
थुगु बखते महाप्रतिसरा महाविद्याया प्रभावं उगु सागर समुद्रे
बासयाना च्वांपिं तिमिङ्गिल धयापिं समुद्रया अजिंगर तेस्यें नागतेस्यें
सकसिनं उगु द्वंगास स्वबले छ्गू जाज्वल्यमानगु वस्तु थ्यें खन ॥
थनंली समुद्रया नागतेस्यें उगु जाज्वल्यमानगु वस्तुथ्यें खन ॥

थनंलि समुद्रया नागतेस्यें उगु जाज्वल्यमानगु वस्तु यागु
ज्वाला वयाच्चंगु खना मैत्रीभाव तयाः व जन्तुपिं सतिक वया
वन्दनायाना पुजा याःवल ॥ हानं गुगु प्रतिसरा महाविद्याराज्ञी
प्रभावं व तिमिङ्गिला धयापिं जल जन्तुपिनि म्हतीर थवगु शरीरे
दाहज्वीका बिस्यूववं खने मदेकवन ॥ थनंलि हाकनं द्वंगा चलेयाना
थुगु प्रतिसरा महाविद्याया प्रभावं व महाजनपिनं, पुजा याःवपिं नं
महानाग सहित जुया उगु तःधंन च्वंगु महारत्नद्वीपे थ्येंकवन ॥ हे
महाब्राम्हण ! उक्थें थुगु महाप्रतिसरा महाविद्या सकल तथागतपिसं
अधिष्ठानयाना मानेयाना तयातःगु जुयानिंती सम्पूर्ण ज्ञानलक्षणं
परिपूर्णजुया च्वंगु धका श्री भगवानं महाब्राम्हणयात कनाबिज्यात ॥

हे महाब्राम्हण । थुलिया कारणे थुगु तःधंगु ज्ञानधालसां महाविद्या
 धका नामं प्रख्यातजुया चलेजुया च्वंगु दु ॥ उक्क्यें थ्व तःधना च्वंगु
 मंत्रयात अवस्यनं ध्यजायागु च्वकास च्वया प्रतिसरा देवीयागु मंत्र
 ध्वजाब्वयेका थमनं एकचित्तयाना धरेयाना च्वनेमा ॥ हाकनं निश्चय
 नं याना थ्वहे तःधंगु महाविद्या ब्वना पाठ यायेमा ॥ थुगु प्रकारं
 थथ्ये यातसा थ्व महाविद्याया प्रभावं सकल वातरोग सितांगरोग
 आदि अकालरूपी सुपाचथ्यें जाःगु मलयात नाशयानाबी ॥ हाकनं
 थुजोगु मलखयागु भयनं दैमखु ॥ हे महाब्राम्हण । थ्वहे तःधंगु
 विद्याया अनुभावं हे हाकनं सकल देवगण, मनुष्यगण, दैत्यगणया
 विग्रह विवादजुया भगडा तगदा जुइ बलेनं रक्षायाइ ॥ पुनर्वार
 हाकनं तच्चतं विषलगे ज्वीक न्याइपिं कोबुजीचा आदि कीटपटंग
 वा सर्पवृक्ष अनेनेगु रूपे च्वनाच्च्वंपी प्राणदुपिं थुमिसं उपद्रवयाना
 अन्न वस्तुकयात नाशयाना स्येंकिपिनं दैमखु ॥ थ्वहे तःधंगु
 महाविद्याया अनुभावं थ्व फुक्क हे शान्त जुयावनी हाकनं पशुपंछि
 चला हिंसक जन्तु तय्गु स्यायेगु मति दसानं इमिगु दुष्ट चित्त दक्कं
 नाशजुयावनी ॥ हानं पृथिवियाकें उत्पति जुयाच्च्वंगु स्वांमा सिमा
 इत्यादि आपानं उत्पतिजुया पत्र पुष्पं सहितजुया दक्क फलफुल
 वास इत्यादि वामा छ्वमा अन्नवस्तुक संकतां बढेजुया वइ ॥ हानं
 थुकी अमृत रूपी रसं परिपूर्णजुया हृष्टपुष्टजुया भिंगु किस्मं२ यागु
 सकतां तत्कारण हे पाकेजुयावनि ॥ थुगु प्रकारं अतिवृष्टि धयागु
 आपालं तच्चतं जलस्थल जुइक जलवृष्टिज्वीगु ॥ हाकनं अनावृष्टि

धयागु जलवृष्टि मजूस्यें दुर्भिक्षज्वीगु थजोगु मजुगु दोषदक्कं छु
 कथनं दइमखु ॥ बखत बखत आकाशमार्गनं जलवृष्टिजुया सुभिक्षजुया
 च्वनी ॥ अकालवृष्टि धयागु ज्वीमखु ॥ हाकनं उगुदेशे ततःधंपिं
 नागत समेत सकसिननं सम्यकदृष्टिक तया भिंगु मामाःगु बखत
 बखते आकाशमार्गनं जलवृष्टियांना हयाच्वनी ॥ गुगुदेशे थ्व तःधंगु
 महाप्रतिसरा महाविद्याराज्ञी धयागु थ्वहे तःधंगु विद्या गुगुबखते
 प्रचार जुइ उगुबखते उगुदेशे बासयाना च्वंपी लोकजनपिंसं सीका
 निश्चययाना आदर भावतया पूजायाइ ॥ हाकनं नानाप्रकारयागु
 जात जातयागु स्वांछाया, स्वांनमाला आदि चाहयका नाना प्रकारयागु
 पात पीताम्बर यागु अनेनेगु शुद्धगु वस्त्रनं चाउयका चैत्यया
 च्वकास प्रतिसरायागु ध्वजा खाना ध्वजाब्वयेका नाना प्रकारया
 वाद्यथाना शंखपुया, भेरीपुया, गीतयाना, स्तोत्रयाना थुगुप्रकारं हाकनं
 थवगु चित्तयात दृढयाना प्रदक्षिणायाना चाहुला जुइ ॥ थनंलि थुपिं
 महापुरुषपिनि मति लुइका तःगु आशानं शक्र ब्रम्ह इत्यादि देवतापिंसं
 पुरेयानाबी अर्थात गुगुकथं विधि विधान याना भावभक्तियाना
 मनसाययाना च्वन उगुर कथंहे मनसाय पुरेजुया पुण्यफल नं
 प्राप्तज्वी ॥ हाकनं काय्मचा दयेमा धका इच्छायाना च्वंम्हेसिया
 जुसा थव अनुसारं काय्मचाहे गर्भेदइ, गर्भवती जुलधाःसानं आनन्द
 सुखपूर्वकं हे गर्भ बढेजुयावनी ॥ जन्म जुलधाःसानं सुख आनन्द हे
 जन्मजुइ ॥ थुगु रक्षाया प्रभावं बखत बखते गर्भेबढे जुयावना
 दुःखकष्ट धयागु छुंहे मदयेक सुखपूर्वकं भिंगु बखते बेला लाक

गर्भद्वारं छुतेजुया जन्मज्वी ॥ थथ्ये धका श्रीभगवानं महाब्राम्हण्यात
आज्ञादयेका विज्यात ॥

थुगु खँ गथे धालसा हे महाब्राम्हण न्हापाथ्येनतुं
एकचित्तयाना न्यँ जिनं कनेत्यना ॥ थ्व खँ गथ्ये धालसा थ्वहे
मगधदेशे प्रशारित पाणी नां जुयाच्चंम्ह राजा छम्ह दयाच्चन ॥
हाकनं थ्व राजा गथीम्ह धालसा पुत्रः सन्तान धयागु छम्ह हे
मदयाच्चंम्ह थुम्ह राजायात छुया कारणे प्रशारित पाणि धका नां
छाय् तयातल धालसा हे महाब्राम्हण ! मगधदेशे व राजा जन्म
जुइ मात्रनं जःगु लहाहा चक्कंका मांयागु दुरूज्वना वक्व त्वन ॥
हाकनं व बालखं मांयागु दुरूपी निपिनं अथ्ये लहातंथिय मात्रनं
सुवर्णथ्ये म्हासुया वन ॥ हाकनं न्हिथं २ हे माम्हया दुरूनं बढेजुयावल
थ्वहे कारणयाना व राजायात प्रशारित पाणि धका नामं तयातःगु
जुयाच्चन, हाकनं मेमेपिं लोकजनपिं याचाक प्राणीपिं वया व प्रशारित
पाणि राजाया थासवया फ्वंवइगु बखते व प्रशारित पाणी राजां
जःगुलहा चक्कंका थछोया धाधाः म्हेसिता धाधाःगुहे पुरेयाना बिम्ह
उक्ये व राजा बोधिसत्त्व थ्ये जुयाच्चन ॥ थुलिया कारणे तथागतपिसं
देवतापिसनं व पाणि प्रशारित राजाखन्नाः प्रशन्नजुय्य दिव्यरत्न
विशेषनं व प्रशारित पाणि राजायात सुवर्णरत्न मोती आदि लहाहातिस
जायेक परिपूर्णयाना बिल (परिपूर्णयानातल) ॥ उगु बखते थ्व
प्रशारित पाणिराजां फ्वंवया च्वंपिन्त गुगु२ धाल ॥ उगु२ हे दान
बियाच्चन ॥ गथे सकल सुखं सम्पति याचाक फ्वंवपिसं गुगु२

मतीतल उगुउगु मति ल्वीक्ये मात्रनं व प्रशारित पाणिराजां दानबिल ॥
वथ्येनतुं देवतापिन्तनं तच्चतं आदरभाव तया मानेयाना पूजाभावयात ॥
पुत्र सन्तानयालागि थुगु प्रकारं आपालं दान धर्मयाना, थुगु किस्मं
देवदेवतापिंक्ये भावभक्तियाना पूजायाना सेवा यानाच्चन ॥
थथेयानाच्चननं अर्थात् थथेयानाच्चसांनं थ्वया पुत्र सन्तान मदु ॥
हाकनं पुत्रया लागि सन्तानया लागि व प्रशारित पाणिराजां आपालं
पुलां पुलांगु तथागतपिनिगु चैत्यया न्ह्योनेच्चना पूजायाना भाव
यानाजुल ॥ हाकनं थुगु प्रकारं ततःधंगु पूजायाना स्तोत्रयाना मान
सत्कारयाना धर्मकर्मनं यानाजुल ॥ हाकनं लोकजनपिन्त,
अर्थिजनपिन्त, याचकजनपिन्त उपासन च्वना ततःधंगु पुण्य कर्म
न यानाजुल ॥ मेमेगु दान दक्षिणा इत्यादि बियाजुल ॥ व छुयानितिं
धालसा हे महाब्राम्हण ! परापूर्वकाले न्हापायागु बखते थ्वहे
मगधदेशे मल्लपिनिगु देशेस कुशिनगर धयागु उत्तमजुया च्वंगु
तःधंगु शहरे प्रभुरत्न तथागत धर्मयागु पर्यायस छम्ह धर्मचित्त
दुम्ह महासत्त्व धर्ममति धका नाम प्रख्यात जुयाच्च्वंम्ह श्रेष्ठि धालसां
तःधंम्ह महाजन छम्ह बासयाना च्वन ॥ व महाजन सकल प्राणीपिन्त
अन्यन्त करुणा भावतया थ्वहे तःधंगु सकल लोकयात रक्षाज्वीगु
महाप्रतिसरा महाविद्या धयागु प्रथम न्हापां आरम्भयाना धर्मउपदेश
बियाच्च्वन थनंलि दरिद्रजुया च्वंम्ह पुरुष छम्हेसिनं नं वहे महाजनयागु
धर्मकथा न्यना खुसिजुया थुम्ह दरिद्र पुरुषनं धर्ममति धयाम्ह
महाजनयात थुगु प्रकारं बिन्तियात ॥ हे धर्ममति महाजन छलपोल

गथीम्ह धासा अन्यन्त बुद्धिमानी जुया च्वंम्ह छलपोलयागु गृहे
 मामा:गु ज्या यायेत जिछम्ह छलपोलया चाकरी सेवक जुया मामा:गु
 ज्यायाना छपिंगु धर्मकथा नं न्यनाच्चने ॥ हे महाजन ! गुगुबखते
 जिक्ये छपिंगु गुणदयावइ अथवा दयाच्चनी उगुबखते जिं त:धंगु
 धर्मयात पूजायाये धका थुगु प्रकारं बिन्तियाना थ्व दरिद्र पुरुषं
 धर्ममति श्रेष्ठमहाजनया सेवक जुयाच्चन ॥ थनंली लिपा छगू
 समये छन्हुया दिने व धर्ममति महाजनं दरिद्र पुरुषयात सुवर्ण
 दानबिल ॥ हाकनं व धर्ममति महाजनं सकलसत्त्व प्राणीपिं खना
 इमित तरेयायेत बोधिचित्त धयागु त:धं ज्ञान उत्पतियाना सकल
 सत्त्व प्राणीपिन्त बारम्बार मैत्रिभावयाना लुमंका थ:गु त:धंगु
 महाप्रतिसरा रत्नधका निर्यान्तन धका तिनाछोत ॥ हाकनं थुगु
 प्रकारं प्रणिधान यातकि गथ्ये धासा अनेक प्रकारं जिं दानयानागु
 धर्म महापुण्यया फलं जितनं सकलसत्त्व प्राणीपिन्तनं दरिद्र दु:ख
 दक्व नाशजुया फुनावनेमा: ॥ वहे कारणयाना व दानयानागु फल
 नाशमजू: ॥ हे ब्राम्हण ! हानं थुगु जन्मे थ्व प्रशारित पाणीराजां
 सन्तानया लागि धर्मकर्म यायां हाकनं थुगु कथं आपालं विधि
 विधानयाना नाना प्रकारं पुण्यकर्मयाना देवतापिन्तनं पूजायाना श्री
 बुद्ध भगवानयात पूजायात ॥ थुगु बखते शुद्धाबाशकायिका धैगु
 भुवनया देवपुत्रपिसं स्वप्नास थुजोगु देवदर्शन बिल ॥ हाकनं गुगु
 प्रकारं स्वप्नजुल धालसा हे प्रसारित पाणी सकल लोकयात उपरे
 करुणातया च्वंम्ह हे महाजन समेत ज्वालामाला धयागु शुद्धगु

चक्कंगु तःधंगु चितामणि धयागु तःधंगु मुद्रा व हृदय धालसां मूल
 मन्त्र दुगु थ्व अपराजिता धयागु महाधारिणी महाविद्याराज्ञी
 महाप्रतिसरा धैगु तःधंगु मंत्रायातःगुगु प्रकारं विधि विधान यायेमाल
 उगु प्रकारं विधि विधानयाना च्वया थ्वहे तःधंगु महाप्रतिसरा
 कल्पे कनातथ्ये उपासना ब्रत च्वना एकचित्तयाना सुचिनियमयाना
 उकि धयातथ्ये मूलम्हरानीया शरीरे चिना तयेमा व रक्षाया प्रभावं
 थ्वैत पुत्र सन्तान जन्मज्वी ॥ थथ्ये धका शुद्धाबाशकायिका देव
 भुवनेया देवपुत्रपिंसं स्वप्नस क्यन ॥ थनंलि व राजनं थुगु खं
 सिइका चित्तबुभेजुया उखुनुया रात्री बितेज्वी धुंका संख्या गणितयाना
 नक्षत्र ग्रह विचार याइपिं कुलपुत्रपिं ब्राम्हणपिं मुंका विधिपूर्वकं
 प्रतिसरा कल्पे कनातथ्ये भिंगु नक्षत्र धैगु पुष्प नक्षत्र लगे जुस्येलि
 म्हछ्म्हं मोल्हुया पवित्रयाना शुद्धगु वस्त्रं पुना सुचिनियमयाना
 उपासन च्वना मूलम्हरानीया शरीरे गलपते विधिपूर्वकनं च्वया
 तःगु थ्व तःधंगु महाविद्याराज्ञी धयागु महाप्रतिसरा धरेयाना
 चिनाबिल ॥ हाकनं एकचित्तयाना बुद्ध भगवानपिन्त चैत्ययात
 आदरतया बांलाक पूजायात ॥ हाकनं अनेक प्रकारयागु रत्न
 विशेषनं सकल लोकयात दानयाना बिया च्वनाच्वन ॥ थनंलि थुगु
 प्रकारं विधिपूर्वकनं भावभक्तियाना निश्चय यानाजुस्येलि थ्वहे
 पुण्यया प्रभावं कथंथ्ये गर्भ लक्षण सिइदया नवमास पुरेजुया वस्येली
 भिंगु दिने पुत्ररत्न जन्मजुल ॥ गथीम्ह पुत्ररत्न धालसा अन्यन्त
 बांलागु सुन्दर रूप तुयूगु वर्णजुया च्वंम्ह स्वयनापं यैपुस्येच्वंम्ह

थर्थीम्ह लक्षणं परिपूर्ण जुया च्वंम्ह पुत्र जन्म जुलधका श्री भगवान्
महाब्राम्हणयात आज्ञादयेका बिज्यात ॥ थनया खँ थुलि हे जुल ॥

हे महाब्राम्हण । छं थुगु खँ थथे धका सीका सम्पूर्ण ईच्छा
पुरेयानाबियाच्वंम्ह अपराजिता नाम जुयाच्वंम्ह महाप्रतिसरा
रत्नधका प्रख्यात जुयाच्वन धकासीकी थ्व तःधंगु महाविद्याराज्ञी
धयागु सकल तथागतपिसं नं मानेयाना पूजायाना तयातःगु खः ॥
पुनर्वार हाकनं थुगु प्रकारं शक्रनाम देवराज इन्द्र थ्व तःधंगु
महाप्रतिसरायात सकल चूडामणि जुयाच्वंगु शिरया रत्नधका
भावभक्ति यानातःगु दु ॥ हे महाब्राम्हण । छगू बखते छन्हुया दिने
देवतापिनि मालिकजुया च्वंम्ह देवराज इन्द्रं दैत्यगणनापं तच्चगु
घनघोर संग्राम युद्ध यायेधका मतीतल ॥ उगु बखते देवराज इन्द्रं
एकचित्तयाना श्री प्रतिसरादेवी लुमंका थ्वहे तःधंगु महाविद्याराज्ञीयात
कवचथ्यें याना घाना थःगु शरीरे धारणायाना थःगु देवपुरं
प्रस्थानयाना ववंर तत्कारणं अन थ्यंका दैत्यया फौजे द्वाहांवना
संग्रामया दथुस क्वहां वया हाकनं थःगु शरीरे शिरे प्रतिसरा
कवचतया निर्भययाना दैत्यनापं संग्राम यानाबिज्यात ॥ उगु
बखते थ्वहे तःधंगु रक्षाया प्रभावं सकल दैत्यगणयात संग्रामं
बुकाः थःहे जितेजुया प्रतिसरादेवीयात स्मरणयाना ल्याहाँवया
सुख आनन्दं हर्षमानयाना देवपुर धयागु अमरावती शहरे शुभ
मंगल कल्याणयाना द्वाहां विज्यात ॥ हे ब्राम्हण । देवराज इन्द्रयात
सकल दैत्यगणपिसं बुकेमफुम्ह जुल ॥ थुगु प्रकारं हे महाब्राम्हण ।

न्हापा बोधिचित्त उत्पत्तियाना नुगले ल्वीकाः थ्वहे तःधंगु
 महाप्रतिसरा महाविद्याराज्ञी थःगु शरीरे धारणायाणा विज्यात ॥
 उगुबखते थ्वहे तःधंगुविद्याया प्रभावं वसपोलयात सकल
 मारगणपिसं बुकेमफुम जुल ॥ हाकनं गुम्ह मनुष्यं थ्वहे तःधंगु
 महाविद्यायात एक चित्तयाणा थःगु शरीरे अथवा गलपतेजूसां
 धारणायाणा तयातइ ॥ उम्ह मनुष्ययात सकल तथागतपिसं
 अधिष्ठानयाणा तःम्ह मानेयाणा तःम्हध्वे ज्वी ॥ हाकनं वयात
 सकल बोधिसत्त्वपिसं नं रक्षायाणा तःम्हजुइ ॥ हाकनं राजा,
 मन्त्री, ब्राम्हण, महाजन आदि कुलपुत्रपिसं सदानं न्हिथं२
 वेन्दनायाका पूजायाकाच्वंपिं देवताथ्ये सम्मान याका च्वनेदइ ॥
 हाकनं थ्वहे तःधंगु रक्षाया प्रभावं थुगुकथं सकल देवगण, दैत्यगण,
 गरुडगण, किन्नरगण आदि महोरगगणपिसंनं मानेयाका पूजायाका
 च्वनेदइ ॥ वयात महासत्त्वधका धाई ॥

हाकनं भगवानपिस्ये मारबलयात ध्वंशयाणा फुकाबिल
 वथ्येतुं मारबलयातनं नाशयाणा फुकिम्हजुइ ॥ हाकनं थ्वहे प्रभावं
 राना सर्वव्याधि धयागु नाना प्रकारयागु रोगदक्वं फुना मदयावनी ॥
 हाकनं अनेक प्रकारं विघ्न उपद्रवजुया उत्पादजुया दुःखजुया संकष्ट
 परेजुया च्वंसानं थ्वहे तःधंगु विद्याया अनुभावयाणा थ्व विघ्न
 उपद्रव जुयाच्वंगु दुःखदक्वं शान्तजुया फुनावनी व महासत्त्वया
 सकल दुःख शोक धयागु मदयावनी ॥ हाकनं गुम्ह मनुस्यंनं मन
 वचन शरीर शुद्धयाणा एकचित्तयाणा थ्व तःधंगु महाविद्याराज्ञीयात

प्रशंसायाना शरीरे धारणायाणा तयातइ उम्ह मनुष्यात सकल
 देवतापिसंनं सदाकालं नाना प्रकारं रक्षायायेमाल थासय् रक्षायाणा,
 गुप्तयाये मालथासय् गुप्तयाणा बिई ॥ हे महाब्राम्हण ! हाकनं
 गुम्ह मनुष्यनं थ्व प्यंगू आर्य अपराजिता महाविद्या धयागु मंत्रया
 उपहृदय मन्त्रनं सदाकालं सदानं यात ॥ थ्व उपहृदय मन्त्रच्चका
 थवगु शरीरे अथवा गलपते घाना यंत्र दयेका क्वाखाया धरेयाणा
 तई हाकनं थुगुप्रकारं एक चित्तयाणा थ्व मंत्र लुमंका नुगले वेकातई ॥
 थ्वथेतुं हाकनं थ्व उपहृदय मंत्रकना भावभक्तियाणा पूजायाणा
 पाठयाणा वा पाठयाका थम्हंनं ब्वनाज्वी ॥ उजोम्ह मनुष्या थ्वहे
 पुण्यया प्रभावं सकल दुःख संकष्ट आदि मभिंगु स्वप्ना, मभिंगु
 अलक्षणा, मभिंगु दशा, अमंगल लक्षण, अमंगल भाव धयागु थ्व
 दक्वं नाशजुया फुनावनी थ्वहे तःधं मंत्रया अनुभावं आयु बढेजुया
 वइ धका महाब्राम्हणयात श्री भगवानं आज्ञादयेका बिज्यात ॥

हे महाब्राम्हण ! आः हाकनं थन दक्व कार्य सम्पूर्ण
 सिद्धज्वीगु भिंगु मन्त्र वचन कन्येत्यना थ्व मंत्र गथ्ये धालसा –

ॐ अमृतवरे वर वर प्रवर विशुद्ध हुं हुं फट् फट् स्वाहाः ॥

ॐ अमृत विलोकिनि गर्भ संरक्षणी आकर्षणी हुं हुं फट् फट् स्वाहाः ॥

थुलि अपराजिता हृदयमन्त्रजुल ॥

ॐ विमले विपुले जयवरे जय वाहिनी अमृत विरजे हुं हुं
 फट् फट् स्वाहाः ॥ ॐ भर भर संभर संभर इन्द्रियवल विशोधनि

रूरु चरे हुं हुं फट् फट् स्वाहाः ॥ ॐ मणिधरि वज्रिणी महाप्रतिसरे
हुं हुं फट् फट् स्वाहाः ॥

थुलि उपहृदय विद्याधैगुजुल ॥

थ्व विद्या असंख्य प्रमाणं सकल बुद्ध बोधिसत्त्वपिंसं छगू
थासय् मुना छगूहे कथं नँन्यागु थ्यें स्वरयाना ब्वना थ्व प्रतिसरा
धारणी मंत्रपद विद्याराज्ञी हृदय कवचया मन्त्र पद ब्याक्व पाठयात ॥
गुगु मंत्र सकल तथागतपिनिगु मुद्राबलं चिनातःगु मंत्र खः थुलि
तःधंगु मंत्र न्यनेगु नापं अति दुर्लभ जुयाच्चंगु पुनर्वार हाकनं छु
धालसां थुगु मंत्रच्चया ब्वना ब्वंका पाठयाका धारणयाना तय्गु
पाठयायेगु, भावभक्तियायेगु, धर्मउपदेश बिइगु, जा गन थ्व
तथागतपिंसं दयेका तःगु धकाः सीकेमा ॥ थ्व मंत्र गथीगु धालसा
सकल तथागत बुद्ध भगवानपिंसं प्रशंसा यानातयांगु अनुमोदना
धालसां ब्वनेमाःगु धकाः धयाबिज्यागु थ्व अपराजिता महाप्रतिसरा
महाधारणी अत्यन्त दुर्लभ जुयाच्चंगु थ्व मन्त्र धारणी नाम काय्गु
न्यन्येगु नापं अति थाकुगु ॥ हाकनं थ्वहे मंत्रया प्रभावं सकल पाप
नाशजुया दक्वं फुनावनी ॥ आपालं समर्थबानजुया बलपराक्रम
दुगु हाकनं आपालं तेजदया आपालं प्रभाव दयाच्चंगु थुकी आपालं
गुणदुगु खः धका भावनायायेमा ॥ हाकनं आपालं ऋद्धि पराक्रमदया
थ्व मंत्रया प्रभावं सकल मारकायिका भुवनया देवपुत्रपिं हतेयाना
ध्वंशयाना छोय्फैगु ॥ सकल कामादि बासना नं मदयेका छोय्फैगु ॥
हाकनं सकल मारगणयात पाशंचिना छेदनयाना फुकाछोय् फैगु ॥

थ्वथ्येंतुं परचक्रयागुमन्त्र शोधन मुद्रा विष कुविद्या याइपिनिगु धू
 तेज प्रयोगयाना स्यंका हपिनिगु, हाकनं मभिंगु मतितया ज्वीपिनिगु
 थ्व मन्त्रया प्रभावं थुजोगु ज्याः दक्वं ध्वंशयाना फुकाबीगु ॥
 हाकनं सकल बुद्ध, बोधिसत्त्व, अर्हत, स्थविर, भिक्षुपिन्त भावनायाना
 तःधंगु पूजायाना च्वनाच्चं पिं मनुष्यतयूत रक्षायाइगु ॥ बुद्ध
 बोधिसत्त्वया ज्ञान धालसा महायाने नियमय् च्वना थ्व तःधंगु
 महाप्रतिसरा मन्त्रच्चया ब्वना, पाठयाना, भावयाना अथवा पाठयाःगु
 न्यना, मन्त्रधरेयाना जुपिन्त थ्व महाधारणी रक्षायाइ ॥ हे महाब्राम्हण ।
 गुथाय् तक तथागतयागु ज्ञानं परिपूर्णजुया च्वनी उथायूतक थ्व
 महाप्रतिसरा महाविद्याराजीया अनुभावं गनं हे थिइफैमखु ॥ सकभनं
 तःधंगु पूजायाकाः च्वनेदइ ॥ थुगु खँ गथेधासा जि शास्ता जुया
 मारगणयात ध्वंशयाना बिज्याम्ह खः ॥ गथ्ये धासा थुगु खँ न्हापांहे
 जिनं स्यू ॥ हे महाब्राम्हण ! महाप्रतिसरा महाविद्याराजी धयागु
 सकल विघ्न उपद्रवयाना स्येंकेगुली नायकजुया च्वं पिन्त ध्वंशयाना
 फुकाबिम्ह खः ॥ हे महाब्राम्हण । पुनर्वार हाकनं गुगु बखते
 भगवान् (बिपुल प्रहसित बदन मणिकनकं रजत रत्नोज्ज्वल रस्मि
 प्रभासाभ्युद्गतराज धालसा श्री भगवानं निर्मल कथं प्रशन्न मुखजुया
 नवरत्न लुँ वह इत्यादि यागु रस्मिं जाज्वल्यमान जुया बिज्याना
 च्वंम्ह जुजु धयाम्ह बुद्ध तथागत अर्हत सम्यक्सम्बुद्ध प्रथम न्हापां
 तःधंगु बोधिज्ञान लाना बोधिमण्ड धयागु शुद्धगु आसने च्वनाबिज्यात ॥
 थनंलि थ्व बोधिमण्डप आसने बिज्याना सकल तथागतपिनिगु

उत्तम धर्म उपकार बिया धर्मचक्र प्रवर्तन यायेधका मतीतया
 बिज्यात ॥ तदा गुगु बखते तथागत वसपोल भगवानयात विघ्नयाना
 स्येकेधका मतीतया सकल मारगण मारगणया परिवारपिसं सहितजुया
 असंख्ये आपालं लखंलख कोटान कोटि मारगण तयस्ये घिरेयाना
 बल ॥ गुगु प्रकारं मारगणबल धालसा अनेक प्रकारयागु रूपकया
 आपालं चित्र विचित्रयागु रूप जुयाच्चंपिं थयोपी मारगणतेस्ये
 महाभयंकर शब्द पिकया हालाः हाहाकारं लायूबुया नाना प्रकारया
 मारयागुज्यां अन तोपुवल ॥ हाकनं अनेनेगु शस्त्रअस्त्र वर्षायाना
 अग्निवर्षा इत्यादि अनेक प्रकारयागु रचनायाना शस्त्र अस्त्र प्रहार
 यायेथ्येसना भेरिपुया थःगुदिशासं सकलभनं घिरेयाना छ्वाख्यलं
 चाहुला मारगणतेस्ये तथागत ज्वीम्हयात तत्कारणं ध्वशयाना
 स्येकेधका सनेत्यन ॥ थनंलि वसपोल भगवानं (विपुल प्रहसित
 वदन मणिकनकं रजत रत्नोज्ज्वल रस्मि प्रभासाभ्यूदूगत राजनाम
 तथागत बुद्धं क्षण मात्रं सुम्क च्वना थ्व महाप्रतिसरा महाविद्याराज्ञी
 धयागु तःधंगु मन्त्र लुमंका मनंमनं एकचित्तयाना न्हय्धा ब्वना
 लुमंका बिज्यात ॥ पुनर्वार हाकनं छ्वाख्येरं थ्व महाप्रतिसरा
 महाविद्याराज्ञी ब्वनेधुंस्येली महाविद्यायागु प्रभावं क्षणमात्रनं थ्व
 महाप्रतिसरा महाविद्याराज्ञीयात उग्रिमे छ्वाख्येलं घिरेयाना च्वंपि
 व सकल दुष्टमार पापी तस्ये स्वःगु बखते वसपोल भगवानयागु
 चिमिसं प्वालं असंख्ये लखंलख कोटांकाटि अत्यन्त भयंकर मूर्ति
 जुयाच्चंपिं मारगणयागु रूपपिकया चिनातःगु कवच अग्नि समानं

ज्वालाज्वाला थिनाच्चंगु परशुपास, मुग्दर, लुसि, खड्ग, त्रिशुल
थजो थजोगु शस्त्र अस्त्र हतियार लहातं ज्वना च्वंपि खन ॥ हाकनं
थुगु प्रकारं अनेक प्रकारयागु रूप पिकया मारगणपिन्त ख्याना
हतेयाना मदयेका छोय्गु शब्दनं थाहां वल ॥ गुगु प्रकारं शब्द
प्याहां वल धालसा काका सकल दुष्ट चित्तजुया च्वंपिं मार
पापीतयेत, सकल दुष्टमारगणतयेत शरीरचूर्णयाना ध्वंशयाना
फुकाब्यू ॥ धका थुगुप्रकारं मारगणतयेत हतेयाना छोय्गु शब्दवल ॥
अनंलि उलि जुइवं सकल दुष्ट चित्तजुया च्वंपिं मारगणत
त्राहीमानजुया, ग्याना मैत्रीरूपि खड्गंत्वपुस्येलि छुं यायेगु शक्ति
मदया (अर्थात्) छुं यायेगु समर्थवान मदया गुलिस्येनं वसपोल
तथागतयागु तःधंगु शिक्षा ग्रहणयात, गुलिस्येनं तःधंगु बुद्धपद लाय्दयेमा
धका आशिकायात ॥ अनं अजोगु पराक्रम खनेदत ॥ पुनर्वार हाकनं
मेमेपिं वसपोल तथागतया चिमिसं प्वालं प्याहांवपिं अत्यन्त भयंकर
ग्यानापुस्ये च्वनाच्च्वंपिं पुरुषत खना तच्च्वतं ग्याना छुंहे पुरुषार्थ मदया
अर्थात् छुंहे पुरुषार्थ मदयेका ऋद्धिबल पराक्रम शून्य जुइका जुयेमाल ॥
आपालं हे ध्वंशजुल ॥ आपालं ग्याना बिस्युंवन थुगु प्रकारं थनंली
मार पापीष्टयात हतेयाना छुंवे धुंस्येली वसपोल भगवान बिपुल
प्रहसित बदन कनक रजत रत्नोज्ज्वल रस्मि प्रभासाभ्यूद्गत नाम
तथागतं मेमेपिं बुद्ध भगवानपिसं गथ्ये धर्मदेशनायाना बिज्यात वथ्येंतुं
धर्मचक्र प्रवर्तनयाना बिज्यात ॥ सकल विघ्न हतेयाइपिं नायक
जुयाच्च्वंपिं पापीष्ट मारतनं, मारतयूतनं ध्वंशयाना त्याका दशपारमितां

पुरेजुया बिज्यात ॥ थुगु कथं हे महाब्राम्हण । निश्चयनं तःधंगु
बलवेग ऋद्धि पारमिता पुरेजुल ॥ थ्व महाप्रतिसरा महाविद्याराज्ञी
लुमंके मात्रनं सकल आपत् पुरेजुया च्वंगु तःधंगु भयनं तरेजुल ॥
हाकनं मेमेपी दुष्ट जुयाच्चपिं कामाशय नं मुक्तजुल ॥ उक्थें हे
महाब्राम्हण । गुलिया कारणे थ्व तःधंगु मन्त्र वाक्य न्हिथं लुमंके
मात्रं थुजोगु फल पावेज्वीगु जूया निंती थ्व तःधंगु मंत्र वाक्य
एकचित्तयाना मनंमनं भक्तिभाव यानातयेमा ॥ हाकनं सदाकालं थ्व
मंत्रच्चका थःगु शरीरे अथवा गलपते चिना निश्चययाना धरेयाना
तयेमाल ॥ थनंया खँ थुलि ॥

हाकनं मेगु छु धालसा न्हापाथ्येनतुं एक चित्तयाना न्यँ ॥
हे महाब्राम्हण । उज्जयनि धयागु तःधंगु शहरे ब्रम्हदत्त धयाम्ह
जुजुं राज्ये चलेयाना च्वन ॥ उगु बखते छन्हुया दिने छम्ह मनुष्यं
छगू अपराध कर्मयाःगु थःतः दोषलगेजुगु कुकर्मयाःगु जुयाच्चन ॥
उकी व ब्रम्हदत्त राजां बधक पुरुष धयापिं स्याइपिं मनूत सलता
आज्ञादयेकल हे बधकपुरुष ! छिमिस्यें थ्व अपराध कर्मयाःम्ह
मनूयात ब्वनायंका थ्वइगु प्राणलिकया जीवहरणयाना ब्यू धका
धास्येंली व ब्रम्हदत्त राजां प्राण दण्डब्यूम्ह पुरुषयात ज्वनायंका
खड्गयागु व्यौन खड्ग पिकया व मनुष्ययात प्राणहरणयाये त्यन ॥
अथ्ये जुस्येंली उगु बखते थ्वम्ह पुरुषं थःत रक्षाज्वीगु थ्व तःधंगु
महाप्रतिसरा महाविद्याराज्ञी एक चित्तयाना लुमंका मतीतल ॥
हाकनं च्वेयातःगु कवच जंत्रनं थःगु जःगु बाहालेतया चिना

धरेयानातल ॥ थ्व महासत्त्वया शरीरे च्वंगु तःधंगु महाप्रतिसरा
 महाविद्याराज्ञीया प्रभावं व स्यादपि मनूतेस्ये प्राणहरण यायेधका
 तयारयाना ज्वयाच्च्वंगु खड्ग उग्रिमे मियागु छगू ज्वालाथ्ये
 उज्वलजुयावन ॥ गथे धालसा पांशु धयागु धू होल्येबले चिच्या
 मचांदना वनी वथे नतुंहे उगु खड्गनं कुच्चार दलावन ॥ अनंलि
 थ्व खना व स्यादपि बधक पुरुषतेस्ये थ्व निश्चयनं जूगु खं
 तत्कारणं ल्याहांवया ब्रम्हदत्त राजायाके विस्तारपूर्वक बिन्तियात ॥
 थनंलि थुगुकथं बिन्तियागु थ्वखँ न्यना ब्रम्हदत्तराजां तच्चतं अहंकार
 पिकया तंचायका हाकनं थुगुप्रकारं आज्ञादयेकल ॥ हे वधकपुरुष ।
 आमथ्ये जुस्येली हाकनं मेगु देशेस यक्ष गणपिसं बासयाना च्वंगु
 यक्षतय्गु गुफा छगू दु ॥ अन गुफास मांस भक्षयाये धका च्वनाच्च्वपिं
 आपालं सलंस दोलंदो यक्षगणपिं बासयाना च्वनाच्च्वंगु दु हे वधक
 पुरुष । छिमिस्ये आम मनुष्ययात अन यक्ष गुफास ब्वनायंका वइत
 तोताब्यू धका थुगुप्रकारं आज्ञाजुस्येलि व स्यादपि बधक पुरुषतय्स्ये
 उम्ह मनुष्ययात ब्वनायंका यक्षगणपिसं बास यानाच्च्वंगु यक्षगुफायंका
 तोताबिल ॥ उगु बखते व मनूयात यक्षगुफासं तोताबी धुस्येली उगु
 यक्षगुफास बासयाना च्वनाच्च्वपिं यक्षगणपिसं खना इपिं सकले
 खुसिजुया व मनूयात मांस भक्षयाय् धका तत्कारणं दुष्टचित्त
 जुयाच्च्वपिं यक्षगणपिं सकले ब्वां ब्वां वल ॥ उगु बखते तःधंगु
 महाप्रतिसरा महाविद्याराज्ञीया अनुभावयाना थ्व मनुष्ययाके अत्यन्त
 जाज्वल्यमान जुयाच्च्वंगु छपुच्च अग्नि ज्वालाखन ॥ थुगु प्रकारं व

यक्षगणतेस्ये अथ्ये अग्निया ज्वाला खनेमात्र नं उगु यक्षगुफास
 बासयाना च्वंपिं यक्षगणपिं सकलें त्राहिमानजुया ग्यानाः हाकनं
 थवरगु शरीरेनं अग्नियागु ज्वाला पुगु थ्ये दाहजुया वगुखना
 अनंली व यक्षगणपिं सकलें हे अत्यन्त अद्भूत आश्चर्यचाया उम्ह
 पुरुषयात ज्वना थवरगु गुफानं पिने यंका व पुरुषयात दुष्टचित्तजुया
 च्वंपिं सकल यक्षगणतेस्ये नमस्कारयाना प्रदक्षिणायाना चाचाहुला
 जुल ॥ थ्व खना थुगु किस्मं निश्चयनं जूगु खँ विस्तारपूर्वक
 कनेमाल धका विचारयाना बधक पुरुषतेस्ये ब्रम्हदत्त राजाया
 थासय्वना जाहेरयाना बिन्तियात ॥ थुगु प्रकार बिन्तियाना धागु खँ
 न्यना पुनर्वार हाकनं ब्रम्हदत्तराजा तच्चतं तम्बःयेका आज्ञादयेकल ॥
 हे बधक पुरुषपिं । आमथ्ये जुस्येली छिमिस्ये थ्व मनूयात खिपतं चिना
 यंका खुसी क्वफाना छो खुसी क्वफाना वाः थथ्ये धका ब्रम्हदत्तराजां
 आज्ञाजुस्येली थुगु वचन न्यना व बधक पुरुषतेस्ये वना उम्ह मनूयात
 चिनायंका खुसीसं क्वफानाबिल ॥ उगु बखते अथ्ये खुसीस क्वफाना
 छोय्मात्र नं तःधंगु विद्याया प्रभावं हाकनं व महापुरुष खुसीस दना
 च्वंच्व लखं मदुगु भूमिस दनाच्चंगुथ्ये दनाच्चन ॥ हाकनं थ्व तःधंगु
 विद्याया प्रभावं व महापुरुषयात चिनाहःगु खिपः कुच्चार दला
 चूर्णजुया वन ॥ थुगु खँनं ब्रम्हदत्तराजां न्यन अथे जुस्येलि ब्रम्हदत्त
 राजाया अति विस्मयचाया प्रशन्न मुखयाना आज्ञादयेकल ॥ अहो
 आश्चर्य थ्व पुरुषयाके अति आश्चर्य खनेदु छु हेतु, छु कारणं, छुया
 नितिं, जुगु थ्व जित नं मती तर्क बितर्कजुया वल मेतां मखु छाय्

धालसा हे बधक पुरुषपिं ! छिमिस्यें वना जिं प्राण दण्ड याके छोयाम्ह
मनुष्यात थन सलता हयेमाल थथे सता व याके थुगु खँ न्यना
स्वयेमाल धका थथे आज्ञादयेकल ॥ थनंली ब्रम्हदत्त राजायागु आज्ञा
न्यना वधक पुरुषपिंस्यें उम्ह मनूयात सलता हया राजाया थासे
न्ह्योने तयाबिल, थ्वस्वया थुम्ह मनूयात ब्रम्हदत्तराजां थथ्ये आज्ञाजुल ॥
हे महापुरुष ! छंके छु दु छं छु छु स्यू धका थुगु प्रकारं राजां न्यस्येंली
पुरुषोवाच उम्ह पुरुषनं बिन्ति यात ॥

हे ब्रम्हदत्त राजन ! हे महाराज ! छलपोलं जिके न्यना
बिज्यात जिं छुंहे स्यूगु मखु तर जिके मेगु छुछु दु धालसा हे
महाराज जिके श्री महाप्रतिसरा महाविद्याराज्ञी धयागु तःधंगु यन्त्र
धरेयाना तयातइगु छगु दु ॥ थ्वहे विद्याया प्रभावं थुजोगु थुजोगु दु
धका व पुरुषं बिन्तियाना धाल ॥ थ्वखँ न्यना ब्रम्हदत्तराजां
आज्ञादयेकल ॥ श्लोक :-

आश्चर्य मिदंमहम महाविद्याः सुभाषिता ॥

मोहनी मृत्युदण्डस्य सर्वबुद्धैरधिष्ठिता ॥

तारणी सर्वसत्त्वानां सर्वदुख प्रमोचनी ॥

महाविद्या महान्येजा अकालमृत्यु प्रमोचनी

भाषिता कारुणिकैर्नाथै महारोग निवारणी ॥

अस्यार्थ ॥ गथे धालसा अहो आश्चर्य थ्व तःधंगु बांलाक प्रशस्तयाना
कनातःगु आश्चर्य पूर्णगु खः थ्व महाप्रतिसरा महाविद्याराज्ञी धयागु

तःधंगु मन्त्र सकल तथागतपिसं आदरभाव यानातःगु, यमराजया
दण्ड धालसा शासनयात मोहनी धयागु चियफैगु ॥ हाकनं सकलसत्त्व
प्राणीपिन्त तरेयाना नाना प्रकारयागु दुःख दक्वं मोचनयाना बिम्ह
खः थ्व तःधंगु महाविद्या धालसा गथिंगु तःधंगु तेजस्वरूपजुया
काल मत्येवं अकाल मृत्युं सीमासा थजोगु अकाल मृत्यु भयनं
तरेयाना बिज्याना च्वंम्ह ॥ हाकनं तथागत आर्यावलोकितेश्वर
इत्यादि करुणामयनाथपिसं ततःधंगु रोगयात नं नाशयाना फुका
बिज्याइम्ह धका कना बिज्यागु दु ॥ थुलि खँ न्यसेलि ब्रम्हदत्तराजा
अति प्रशन्नजुया महाप्रतिसरा महाविद्याराजीयात आदरभावतया
पूजायाना सन्मानयाना हर्षमानयाना वन्दनायात ॥ हाकनं थुगु
प्रकारं ब्रम्हदत्तराजां व महापुरुषयात पट्टवंध धयागु बेतालिं चिका
मान सत्कारयाना सिरपाउ बिया थवगु देशदेया स्थवीरयागु पदवि
नं बिल ॥ हाकनं उज्जयनि नगरया मुख्य नागरिक धालसा द्वाच्यायागु
अभिषेक पदबिल ॥ हे महाब्राम्हण ! निश्चयनं थथ्ये धका सीका
महाप्रतिसरा महाविद्याराजीयात थुगुकथं सकभनं तःधंगु आदरभाव
याना च्वंगु दु ॥ हाकनं मारगण आदि दुष्टचित्त जुयाच्चपिं सकसिनं
सुनां हेला यायेमज्यू पूजा भावयायमा ॥ थुगु प्रकारं हे महाब्राम्हण
जिं न्हापा थथ्ये जुगु धकास्यू ॥ छाया धालसा महाप्रतिसरा
महाविद्याराजीयात न्ह्याथाय् वंसा हे गनं हे अपमान यागुमदु ॥
हाकनं थुलि तःधंगु महाविद्या धरेयाना च्वंम्हेसित थ्वहे
प्रतिसरादेवीयागु प्रभावं मांसभक्षयाना च्वपिं यक्ष गणपिनिगु भयनं

निवारणजुया सकल यक्षगणपिसं उम्ह पुरुषयात नमस्कारयाना
मान सत्कारं हल ॥ उकी थुलिया कारणे थ्व तःधंगु महाप्रतिसरा
महाविद्याराजीयात सन्मानयाना लुमंका थवगु शरीरे गलपतेतया
चिना अवस्य नं धरेयाना तयमाल ॥ हे महाब्राम्हण ! हाकनं गथ्ये
धालसा थ्व विद्याराजी धयागु तःधंगु महाविद्या मन्त्रयात भिंगु
नक्षत्रे बांलाक लक्षणं पुरेयाना विधि विधानयाना च्वयातय्मा ॥
थथ्ये धका श्री भगवानं महाब्राम्हणयात आज्ञादयेका बिज्यात ॥

थनंली श्री भगवानं थुगु प्रकारं आज्ञादयेकूगु खँ न्यना
महाब्राम्हण अति प्रशन्नजुया हर्षमानयाना श्रीशाक्यमुनि बुद्ध
भगवानयात पंचप्रणामयाना नमस्कारयाना थुगु खँ न्यन ॥ हे
भगवन् थ्व तःधंगु महाविद्यायागु विधि विधान गथ्ये जित कनाबिज्याहुं
धका थुगु प्रकारं महाब्राम्हणं बिन्तियाना धाःगु खँ न्यनाली श्री
भगवानं महाब्राम्हणयात आज्ञादयेका बिज्यात ॥ हे महाब्राम्हण न्यँ
जिनं सकल सत्त्वप्राणीपिन्त करुणातया छन्त थुगु खँ कनेत्यना ॥
गथे धालसा हे महाब्राम्हण ! गुगुलीयाना थ्व संसारे बासयाना
च्वंपिं सकल सत्त्वप्राणीपिन्त भाग्यमानीजुया अष्ट महाभयं आदि
ततःधंगु भय संकष्टनं तरेज्वी हानं मिसायागु गर्भपाख्ये नं ज्वीगु
अनेनेगु रोगव्याधि दक्वंनं तरेज्वी हाकनं सत्त्वप्राणीपिनि दरिद्रजुया
च्वनेमाःगु घाः लायेका बिम्ह थ्वहेजुइ ॥ हे महाब्राम्हण ! अथ्येया
कारणे भिंगु पुष्प नक्षत्रे उपासनच्वना ब्रतदना एकचित्तयाना बुद्ध
भगवानयात पूजाभाव यायेगुली लगेजुया, हाकनं तःधंगु बोधिज्ञान

लायेगुली मतितया, करुणा मुदिता मैत्री उपेक्षा धयागु चर्तुब्रम्हा
 विहार भावनायाना, सकल लोकयात मित्र भावं संयुक्त जुइका
 हाकनं मेमेपिं सकलें सत्त्वप्राणिपिन्त न्हिथं२ पर उपकारयायेगु
 मतितया परया सुखजूगु खना थःगु चित्तयात हर्षयाना उपेक्षा
 धयागु दुःखसुखय् समताजुया थ्व प्यंगू विहारयात पालनयाना ॥
 हाकनं श्रीखण्ड, कर्पूर, कस्तुरी सहित जुयाच्चंगु सुगन्धबासना
 वयाच्चंगु सुगन्धजलं स्नानयाना हाकनं शुद्धजुयाच्चंगु यचुस्ये च्वंगु
 वस्त्रंपुना अत्यन्त बासना वयाच्चंगु सुगन्ध धूपयागु धूपथना तय्मा ॥
 अनंली गोमय सहित जुयाच्चंगु चाँ बँथिला, तुफी बँपुना, शुद्धयाना,
 मण्डल दयेका, मण्डलच्चया, न्याता रंगयागु चित्र, विचित्रयाना
 अत्यन्त बांलाका देवताया मूर्तिच्चया, थुगु प्रकारं मण्डल, दयेकेमा ॥
 हाकनं प्यंगू पूर्णकलश सुगन्धजलं पूर्णजुयाच्चंगु पूर्व, दक्षिण, पश्चिम,
 उत्तर थ्व प्यंगू दिशास कलश तयेमाल ॥ मण्डलया दथुस न्यागः
 पूर्णकलशतया स्थापनायाना तयेमाल, हाकनं स्वां सिंह धूपथना
 महावलि नं बियेमा ॥ हाकनं सुगन्ध बासवयाच्चंगु, जातं जातया
 स्वांछाया स्वानमाला आदितया, अष्ट सुगन्ध धूपथना, थुगु प्रकारं
 मण्डल दयेका तयागु थासय् श्रीखण्ड, नस्वा, अगुर, शील, पंचामृत
 इत्यादि बासना वयाच्चंगु अष्ट, सुगन्ध धूपदयेका धूपथना तयेमा ॥
 हाकनं थुगु प्रकार विधि, विधानयाना नं बखत बखते होइगु
 स्वांछाया, जातंजातयागु स्वांमा नं हना छाया गुगु बखते गुगुर
 विधियायेमाल उगुर प्रकारं विधि विधानयाना समस्त प्रकारया स्वां

फलफूल बीज इत्यादिस हितयाना मण्डले चाहयेका अत्यन्त शोभायमान ज्वीक छांपातयेमा ॥

पुनर्बार हाकनं घ्यो कस्ति दुरू पंचामृत सहित जुयाच्चंगु बलि पात्रेतया व बलि बिइ माल ॥ हाकनं थुगु लक्षणं पुरेजुयाच्चंगु मंगल लक्षण पुरे जुगू बलि कलशनं जायेका तयेमा ॥ हाकनं कुनेर प्यंगूकुने अष्ट सुगन्ध जलपुरेयाना स्थापना यायेमा ॥ हाकनं प्यंगू दिशासं प्यंगू कील क्वातुक ताना ताडनतया पण्डित धालसा सःस्यू पिस्ये न्याता रंगयागु पंचसूत्रकां चाहयेका तयेमा ॥ उलिनतुं भागथला मण्डलं पिने गाःम्हुया थथ्येयाना तयेमा ॥ हे महाब्राम्हण ! तःधंगु सिद्धिलायेगु मतिदुसा थुगु प्रकारं विधि विधानयाना दयेका च्वयेमा ॥ शुद्ध भोजनयाना शुद्ध नियमयाना च्वयेमा, हाकनं स्त्रीजनपिंके पुत्र सन्तान दयेकेगु इच्छा दुसा भिंगु गोरोचनं पातयागु वस्त्रे जूसां मेगु छुं हले भोजपत्रे जूसां अथवा मेगु छुं हले जूसां च्वयेमा ॥ हाकनं दथुस चन्द्राकारयाना मचायात तिसां तीकेथ्येयाना समस्त प्रकारया तिसांतीका शोभायमानयाना तयेमा ॥ हाकनं पात्रे रत्नं पुरेयाना जवगु ल्हाःती ज्वनेमा ॥ थुगु कथं प्रशन्न चित्तजुया तिसांतीका पद्माशनयाना ज्यायायेमाल ॥ हाकनं सुवर्णयागु मणिहार विषेशयाना नाना प्रकारयागु रत्नं तियेका तयेमा, हाकनं प्यंगू कुनेसं पर्वत च्वया बांलाका तय्मा ॥ हे महाब्राम्हण ! थथ्ये जत्न जुक्तियाना सुखआनन्दं जिविका जुयाच्च्वनेगु इच्छादुसा, थुगु प्रकारं विधि विधानयाना च्वयातयेमाल ॥ हाकनं मिजंतयूत विशेषयाना

कुम्कुम जूसां च्वयेमा ॥ थुलि यातसा थःम्हमती लुयेकागु कार्य
निर्विघ्न सिद्धज्वी, थुकी छुं सन्देह मदु ॥

पुनर्बार हाकनं अनेनेगु प्रतिमा रूपतया अनेनेगु मुद्रा
अष्टमंगल आदियागु चिन्हच्वया हाकनं पद्मिनिया रूप नं च्वयेमा ॥
पलेस्वां निफो जूसां स्वफो जूसां प्यफोजूसां अथवा न्याफो जूसां
थुगु प्रकारं पल्येस्वां च्वयेमा ॥ हाकनं गोफो पल्येस्वां च्वत वफोनतुं
हे केशरीस्वां छ्चाख्येरं च्वयेमा ॥ गथे धालसा पलेस्वां च्वयेगु
बखते बांलाक विचारयाना स्वांहोया च्वंगु दुंदुगु कापते चिना तःगु
थ्यें च्वंक च्वयेमा ॥ हाकनं पलेस्वांया द्योने त्रिशूल दुगु कापते
हिनातय्गु पूर्व, दक्षिण, पश्चिम, उत्तर, अग्ने, नैऋत्य, बायव्य,
इशान थ्व च्यागू कुनेसं च्वयेमा ॥ हाकनं परशुपास सहित जुयाच्वंगु
पलेस्वां च्याहः दुगु छ्चाख्येरं च्वयेमा, हाकनं उगु पलेस्वांने खड्ग
नं सहितयाना तुयूगु पल्येस्वां च्वयेमाल ॥ हाकनं थुगु प्रकारं
सकभनं विधिपूर्वक पल्येस्वांयात शंखसहितयाना च्वयेमा ॥ हाकनं
विद्वान्मह पुरुषं सकभनं विधिपूर्वकं तयातःगु थुजो थुजोगु चिन्ह
च्वयेमा ॥ थ्व चित्र दक्कं च्वयेबले मचातय्गु रूपथ्येंयाना च्वयेमा,
हेलायाना च्वयेमज्यू बांलाक च्वयेमा, बालरूपथ्येंयाना च्वत धालसा
दोष लगेज्वी ॥ हाकनं देवतायागु रूपच्वयेबले अनेनेगु प्रकारया
अलंकार तिसादुगुथ्यें यानाच्वयेमा ॥ भिक्षुयागु रूप च्वयेबले दुष्टजन
नमुचीमारयातं हतेयायेत्यंम्ह वज्रधरयागु रूपयाना च्वयेमा ॥ हाकनं
प्यंगू दिशासलिउने चर्तुमहाराज धयापिं धृतराष्ट्र, विरूढक, विरूपाक्ष,

वैश्रवर्ण च्वयेमा ॥ ब्राम्हण्यागु रूप च्वयेबले ब्रम्हाथ्ये च्वयेमा ॥
 क्षत्रीयागु रूप च्वयेबले महेश्वरथ्ये च्वंक च्वयेमा ॥ हाकनं शुद्रयागु
 रूप च्वयेबले सदां नं शान्तम्ह चक्रस्वामि धयाम्ह थ्ये च्वंक
 च्वयेमा ॥ थ्वथ्ये हे वैश्यया रूप च्वयेबले देवताया ईश्वरजुया
 च्वंम्ह वैश्रवर्ण इन्द्र थ्ये च्वंक च्वयेमा ॥ हाकनं बालख च्वयेबले
 अत्यन्त शान्त बुद्धिमानम्ह प्रजापतिथ्ये च्वंक च्वयेमा सदा नं
 थ्वथ्येनतुं हे वाउँगु वर्णयाना च्वयेमाल धालसा रूद्रयागु वर्णयाना
 च्वयेमा ॥ म्हासुगु रूप दुम्ह च्वयेमाल धालसा वहे बांलाम्ह
 गौरिथ्ये च्वंक च्वयेमा ॥ हाकनं चिधिकम्ह याना च्वयेमाल धालसा
 यत्नपूर्वकं माणिभ्द्रथ्ये च्वंक च्वयेमा ॥ हाकू वर्णयाना च्वयेमाल
 धालसा पूर्णभद्रयाना च्वयेमा धका जिं धयागु दु ॥ थ्वथ्येनतुं हे वचुगु
 रंगयाना च्वयेमाल धालसा महाकाल व ब्रम्ह देवताथ्ये च्वंक
 च्वयेमा ॥ हाकनं मेमेपिं देवतापिं च्वयेमाल धालसा न्हापा गथ्ये
 कना हयागु खः वहे विधिपूर्वकं च्वयेमा ॥ थुगु विधि विधान स्वया
 शास्त्रे कना वथ्ये थुगु तःधंगु महाप्रतिसरा मन्त्रच्वया निश्चययाना
 सदानं गलपते धारणायात धालसा वयात कल्याण मंगलज्वी ॥
 ध्वजाया च्वय् पल्येस्वाने रस्मियागु ज्वाला न्ह्योने वय्क चिन्तामणि
 रत्न च्वयेमा ॥ हाकनं पल्येस्वांया केशरपास सहितयाना चक्रे
 जुनाच्वंगु धालसा मेगुली जुनाच्वंगु याना च्वयेमा ॥ हाकनं पल्येस्वाने
 वज्रच्वया पल्येस्वांयानतुं मुङ्गर रूपयाना च्वयेमा ॥ हाकनं पल्येस्वाने
 शक्ति च्वयेमाल धालसा गथ्ये शास्त्रे विधि विधान खनेदु अथेहे

च्वंक खनेदयेक शक्तिस्वरूप च्वयेमा, दक्व ज्वालाग्रमणि गुलिखः
 हाकनं विस्फुलिंग धयागु गुलिदु अपिं दक्वं शास्त्रे कनातःथ्ये कापते
 चिनातःगुथ्ये च्वंक च्वयेमा ॥ हाकनं नाग व सर्प च्वयेबलेनं
 नागयागु मणिया ज्वाला न्हुन्हुगु च्वकायाना तया बांलाक च्वयेमा ॥
 थुगु प्रकारं अपिं दक्वं जत्नयाना थःगु नुगले वज्रसमानं क्वातुक
 तया विधिपूर्वकं च्वयेमा ॥ हाकनं जुजुपिनि बल च्वयेबले
 पंडितजनपिसं न्हिथंर सार्थवाह धयाम्ह साहुयागु रूपयाना च्वयेमा ॥
 दक्व विद्याधरपिनिगु रूप च्वयेबले विद्यादेवी धयाम्ह सरस्वतीदेवीयागु
 रूप च्वयेमा ॥ चन्द्र, सूर्य, नक्षत्र, राहू, केतु इत्यादि च्याम्ह ग्रह
 च्वयेबले खण्डर यानाच्वयेमा ॥ थथे च्वत धालसा पुत्रसन्तान
 प्राप्तज्वी ॥ विद्वान्ह पुरुषं निश्चययाना शास्त्रे कनावथ्ये बांलाक
 विधिपूर्वक पुरेयाना च्वयेमा ॥ अथ्थे च्वयेमाया निम्ति थ्व दक्वं खं
 धैर्ययाना नुगलेतया अन्यन्त बुद्धिमान पुरुषं धरेयाना तयेमा ॥

थ्व महाप्रतिसरा मन्त्रया प्रभावं थ्व दक्व कार्यसिद्धि बिया
 शुभ मंगलयाना पापफुका बिइम्ह खः ॥ गथ्ये स्वयम्भू भगवानयागु
 वचन खः अथ्येहे निर्वाण पद धयागु तःधंगु गति प्राप्तज्वी ॥
 थुकिंयाना थुगु लोके तःधंगु परम आनन्द सुख पावेज्वी ॥ हाकनं
 परलोक धैगु मेगु लोके जन्म कावने बलेनं स्वर्ग प्राप्ति धयागु
 निर्वाण प्राप्त सुख मिलेज्वीफै ॥ छाया धालसा वयात थ्व तःधंगु
 महाप्रतिसरायागु पुण्यफलं वयात त्रायश्चिंश धयागु भुवन इत्यादि
 देवलोके जन्मकाल धालसा आनन्द सुखभोग यायेदइ ॥ हाकनं

જમ્બૂદ્વિપે જન્મકાલ ધાલસાં ઉત્તમગુ બાંલાગુ સમ્પૂર્ણ લક્ષણં
 પુરેજુયાચ્વંગુ ભિંગુકૂલે જન્મ કાય્ફડ ॥ હાકનં ભિંગુ ક્ષત્રિય કૂલેજૂસાં,
 બ્રામ્હણ કૂલેજૂસાં વિશેષયાના જન્મકાવન ધાલસા વ મહાપુરુષયા
 ન્હિથંર વિદ્યા સુખ પ્રાપ્ત જ્વી ॥ થ્વ તઃધંગુ પ્રતિસરાયા મન્ત્ર
 ધરેયાના ચ્વોમ્હ મનુષ્યયાત ગુગુ પુણ્ય પ્રાપ્તજ્વી વહે પુણ્ય સ્કન્ધયાગુ
 ફલં સકલ તથાગતપિંસં અસંખ્ય કને થાકુગુ જુયાચ્વન
 પણ્ડિતજનપિંસં નરકયાગુ દ્વાર તિના સ્વર્ગયાગુ દ્વાર ચાયેકા અત્યન્ત
 બુદ્ધિમાન જુયા આયુ વૃદ્ધિ ઇત્યાદિ સપ્તવૃદ્ધિ પરિપૂર્ણજ્વી ॥ પુનર્વાર
 હાકનં બુદ્ધ ભગવાનપિંસં બોધિસત્ત્વપિંસં થ્વ મનુષ્યયાત ન્હિથંર
 ભરોસા બિયા તઙ્ગુજુલ ॥ થ્વયાગુ શરીરે સુખ પરિપૂર્ણ જુયા હાકનં
 તઃધંગુ સમર્થનં લાયેફૈગુ જુલ ॥ ગુમ્હસ્યેં નં થ્વ મહાપ્રતિસરા
 મહાવિદ્યારાજી બાંલાક કના જ્વી ઉમ્હ મનુષ્ય તથાગતપિંસં કના
 બિજ્યાથ્યેં ચક્રવર્તી જ્વીફડ ॥ હાકનં દેવગણ મનુષ્યગણપિન્ત ભરોસા
 બિયા, દુષ્ટમાર ઇત્યાદિ મભિંગુ મતિતયા ચ્વંપિન્ત અનેનેગુ ભય
 વ્યના ત્રાસબિયા હટેયાના છોય્ફડ ॥ થ્વ તઃધંગુ પ્રતિસરાયા પ્રભાવં
 થુમ્હ મનુષ્યયાત શસ્ત્ર અસ્ત્રં પ્રહારયાના સ્યંકે ધકા સ્યાય્ત્યસાં
 સ્યાય્ ફડમખુ, વિષ નં લગેજ્વીમખુ, અગ્નિનં થી ફડમખુ, થ્વહે
 તઃધંગુ વિદ્યાયા પ્રભાવંયાના પાપી યમદૂતપિં ગ્યાના દૂર ભુવને થ્યંક
 વનેમાલી ॥ હાકનં ગુમ્હેસિનં ગુગુ મહાવિદ્યા ધરેયાનાતઙ્ગુ ગુજોમ્હ
 મનુષ્યયાત અકાલ મૃત્યુ ધયાગુ ભય નં દઙ્મખુ ॥ થ્વથ્યેંનતું ગુમ્હેસિનં
 થ્વ તઃધંગુ મહાપ્રતિસરા મહાવિદ્યા એકચિત્તયાના બાંલાક બ્વના

दर्शनयाना धरेयानाज्वी हाकनं अनेक प्रकारं थ्व महाविद्या पाठयाना
ब्वना जूगु न्यनाज्वी वइत थ्व तःधंगु विद्याया प्रभावयाना भूतयागु
भय, ग्रहयागु दोष, हानं कलिकलह ल्वापु आदि, लंखयागु भय,
अग्नियागु भय, थुजोगु भय नं दइमखु ॥ थुगु प्रकारं हाकनं
पशुपंक्षी व्याधयागु भय, सल किसियागु भय नागया भय ग्यापुस्ये
च्वंगु रोगया भय आदि थुजो थुजोगु तःधंगु भय नं छुंहे दइमखु ॥

हे महाब्राम्हण ! न्यँ हाकनं थुगु तःधंगु महाप्रतिसरा
महाविद्या धरेयाना च्वंम्हयात सकल दुष्ट चित्तजुयाच्वंपिं मारतयस्ये
अनेक प्रकारं मानेयाना पूजा भावनायावइ ॥ हे महाब्राम्हण ।
हाकनं उम्ह पुरुषं सकल प्राणिपिन्त तःधंगु उपकार नं यायेफइ
धका श्री भगवानं महाब्राम्हणयात आज्ञादयेका बिज्यात ॥ थुलि
महाप्रतिसरा महाविद्याराज्ञीया प्रथमकल्प अध्याय समाप्त जुल ॥

थनंली हाकनं श्री भगवानं महाब्राम्हणयात आज्ञादयेका
बिज्यात ॥ थुगु खँ गथ्ये धालसा हे महाब्राम्हण । जिं विद्याधरया
रक्षाज्वीगु विधि विधान कल्प सकल सत्त्वप्राणीया उपरे करुणा
भावतया कनेत्यना ॥ थुगु तःधंगु पंचरक्षा धयागु पुस्तकय् रक्षाविधि
विधान कनावथ्ये बांलाक निश्चययाना ज्यायात धालसा तःधंगु
सिद्धिफल तत्कारणं लायेफइ ॥ हाकनं गनं गनं शान्ति स्वस्तियाना
रक्षायाये माल अनर निश्चयनं रक्षाज्वी ॥ थवगु शरीरे उत्पतिजुया
वइगु ज्वर इत्यादि नं छुंहे भय मदया निर्भय जुया दक्व मभिगु
ग्रहयागु दोष नं तत्कारणं निवारणयाना फुकाबी ॥ हाकनं भिंगु

नक्षत्रे लाक ज्यायायेगु बखते अनेनेगु संकष्टजुया वडगु नं छेदनयाना
 फुकाबी ॥ हाकनं थःम्हं दुःख सिया भोगयाना च्वनेमाःगु, हानं धर्म
 दुःख सिया लंघना याना च्वनेमाःगु हाकनं मेपिं सकल शत्रुगणपिसं
 अनेक प्रकारया मभिंगु कर्मयाना स्यंका तःगु, हान चण्डाल जुयाच्चंपिं
 मन्त्रीपिं मनूतयस्ये स्वयातःगु ॥ म्वासांर सास्तियाना बिनास कारणे
 दुःख बीतः च्वयातःगु ॥ हाकनं ग्यानाःपुस्ये च्वंपिं काखोर्द धयापिं
 किपालु इत्यादि, हाकनं दुष्टचित्त जुयाच्चंपिं मभिपिं शत्रुगणपिसं
 अन्नवस्तुक आदि चूर्णयाना, भष्म इत्यादि मंत्रयाना मेपिन्त स्यंके
 धका मतितया नकातःगु बिष, हाकनं उकिसनं स्यंका नकातःगु
 बिष थयो थयोगु मभिंगु कर्मयाना नका तयातःगु बिषं दक्वं हे
 नाशजुया फुका थ्व विद्याधर मन्त्र धारणयाना च्वंम्हयात थ्वहे
 तःधंगु विद्याया प्रभावं निश्चय नं रक्षायाइ ॥ हाकनं गुम्ह मनुष्यनं
 थ्व तःधंगु विद्याधर मन्त्रयात निश्चययाना बांलाक धरेयाना तइ
 उम्ह मनुष्ययात प्रत्यङ्गिरां प्रतिपाल याइ ॥ हानं भयंकरं ग्यानपुस्ये
 च्वंपिं बैरी परचक्र दयाच्च्वनी अपिं सकसितं श्री प्रतिसरा देवीयागु
 दृष्टि खनां ग्याना लोपजुया मदयावनी ॥ थ्व तःधंगु विद्याधर
 मन्त्रयात भावयाना न्हिथंर धरेयाना च्वंम्ह मनुष्ययात सर्वज्ञ
 तथागतपिसं हाकनं भिंगु बोधि चर्याव्रत चले यायेगुली उद्यमजुया
 च्वंपिं बोधिसत्त्वपिसं वयात रक्षायाइ ॥ हाकनं प्रत्येक बुद्ध अर्हतपिं
 महात्मापिसं थुजोपिं सकसिनं वयात रक्षायाइ ॥ हाकनं मेमेपिं
 आपालं असंख्य देवगण, नागगण, महार्द्धिकपिसंनं उम्ह मनुष्ययात

रक्षायाइ ॥ थुगु महाप्रतिसरा बिश्चाराजी मन्त्र गुम्ह भिम्ह मनुष्यं
निश्चय नं नियमयाना न्यनी ॥ थ्व तःधंगु मन्त्र न्यना मात्रनं
सकभनं निर्भयजुया अष्ट महाभय नं तरेज्वी थथ्ये धका श्रीभगवानं
महाब्राम्हणयात कनाबिज्यात ॥

हे महाब्राम्हण ! हाकनं मभिंगु स्वप्ना, मभिंगु कर्म, हाकनं
भयंकरं ग्यानपुगु उपद्रवजुया वइगु ततःधंगु रोग, बिसूचिका धयागु
क्षारहुति, महामारीभवल्वे इत्यादि थुजो थुजोगु ततःधंगु रोग हाकनं
मेमेगु गंरोग लूतविचर्चिका इत्यादि थुजोरगु मनुष्यजनपिन्त तच्चतं
आतुर परेजुया वइगु रोग, थ्वथेतुं हाकनं मनुष्यपिन्त नाशयायेत ततःधंगु
भयंकरं ग्यानपुस्ये च्वंगुरोग दयाच्चनी ॥ गनंर थ्व अति तःधंगु महाप्रतिसरा
विद्याधर मन्त्रदइ, थ्वहे तःधंगु रक्षामन्त्रयागु प्रभावयाना थयोगु रोगदक्वं
हे नाशजुया फुनावनी ॥ थ्व तःधंगु पंचरक्षाया रक्षा मन्त्रयाना स्याये
त्योम्ह मनुष्य नं उद्धार ज्वीफु ॥ यदि हाकनं थुम्ह मनुष्ययात यमदूतपिसं
कालपाशे चिना यमलोक यंकल धाःसां थ्व महाप्रतिसरा धयागु मन्त्रं
वयागु नाम च्वया बिलधाःसा वयात उग्रिमे तत्कारणं आयु बढेज्वी ॥
थुगु प्रकारं हाकनं सुं गुम्ह मनुष्यया आयु फुनावना न्हेन्हु तक सिनाच्चन
धालसातबि वइत वयागु नाम थ्व अतितःधना च्वंगु प्रतिसरामन्त्र
च्चयाबिल धालसा उम्ह मृतक शरीर जुयाच्चंम्ह मनुष्य हाकनं सजिवजुया
म्वानावइ ॥ अथ्येया निंती थनंलि हाकनं थ्व महाप्रतिसरा रक्षामन्त्र
विधिपूर्वक बांलाक एकचित्तयाना न्यन धालसा सकभनं शान्ति स्वस्तीजुया
मंगलज्वी हाकनं थवगु इच्छा जूथ्यें सुख भोगयाना म्वाना च्वनेदइ ॥

थुलिजक मखु पुनवार हाकनं छगू कोटि भिगूलाख
 खुइच्यादोल व सछि ११०६८१०० थुलि त्रायत्रिंश धयागु भुवने
 बासयाना च्वंपिं देवतापिं हाकनं, अमरावति धयागु देवराज इन्द्रयागु
 भुवने बासयाना च्वंपिं सकल देवतापिसं थुम्ह प्राणीया ल्यूल्चवना
 वयात रक्षा यायेत दनाच्चनी ॥ हाकनं प्यम्हलोकपाल धृतराष्ट्र,
 बिरूढक, विरूपाक्ष, वैश्रवर्ण धयापिं, थ्वथ्येंतुं हाकनं आपालं समर्थ
 दुम्ह बज्रपाणि हाकनं, विद्याधर कुलया सलंस परिवार गणपिं
 सहितयाना वइत न्हियान्हिथं रक्षायाइ ॥ हाकनं थुगुप्रकारं सोम,
 सूर्य, सुमना, ब्रम्हा विष्णु, महेश्वर धयाम्ह, हाकनं यमराजा माणिभद्र
 धयाम्ह, थ्वथ्येंतुं अतिबल पराक्रम समर्थन दुम्ह बलदेव धयाम्ह,
 हाकनं पूर्णभद्र महावीर हारितिस पुत्रिका, पांचाल पाचिकगणया
 ईश्वरजुया च्वंम्ह गणेश कुमार, हाकनं श्री महादेवी वैश्रवर्ण
 सरस्वती धयाम्ह, हाकनं शंखिनी पुष्पदंति धयाम्ह, थुगु प्रकारं
 हाकनं एकजटा धयाम्ह प्रमुखं थुजोरपिं महाभाग्यमानी पुरुषार्थीपिसं
 वयात न्हिथंर रक्षायाइ ॥ थ्व तःधंगु रक्षामन्त्रया प्रभावं सत् पुत्रनं
 जन्म जुइ गर्भस्थान नं बढेजुया वइ ॥ उम्ह मनुष्य सजीव जुया
 गनतक म्वानाच्चन अनतकयात तच्चतं रक्षा यानातइ ॥ हाकनं
 पुरुषजनपिं तःधंगु भयंकरं ग्यानपुगु संग्रामय् वना युद्धयावन धालसां
 थ्वहे रक्षायागु प्रभावं सदानं थःहे जितेजुया वयेफइ ॥ देवतापिनिगु
 धर्म निश्चयजूगुलिं थुकिंयाना अनेनेगु वरदान नं बी ॥ अनंलि
 हाकनं थम्हं यानातयागु अनेक प्रकारयागु पापकर्म नाशयाना

फुका छूवेमाल धालसा थ्व तःधंगु प्रतिसराया रक्षामन्त्र च्वय्मात्र
 नं थम्हं यानातयागु पाप दक्वं तत्कारणं मुक्तजुया फुनावनी ॥
 तथागतपिंसं, बोधिसत्त्वपिंसं, महात्मापिंसं थ्व तःधंगु यंत्र
 एकचित्तयाना धरेयाना च्वंम्ह पुरुषयात करुणा भावतया विचारयाना
 स्वइ ॥ हाकनं उम्ह मनुष्यया जशनं बढेजुया वइ ॥ हाकनं वइत
 धनसम्पति नं पुरेजुया निश्चयनं धान्यआदि, चतुषष्टि वृद्धिनं पुरेजुया
 वइ ॥ हाकनं वयात पुण्यनं बढेजुया, आयु नं बढेजुया वइ ॥ हाकनं
 थुम्ह मनुष्यया आनन्द नं न्ह्यो वयकीम्ह ज्वीफइ ॥ हाकनं स्मृति
 दुम्हजुया न्ह्योवया च्वंसा आनन्दनंहे दनावय्फइ ॥ हाकनं सकल
 शत्रुतेस्यें, सकल मनुष्यतेस्यें वयात बुके फैमखु ॥ हाकनं तःधंगु
 संग्रामे वन धासां व मनुष्यया न्हिथं न्हिथं जय जुयाच्चनी ॥ थ्व
 तःधंगु विद्या साधनायात धासा थुगु तःधंगु विद्या याकनं विघ्न
 मज्वीक आनन्दपूर्वकं साधना यायेफइ ॥ हानं सकल मण्डलेसं
 प्रवेशजुया थ्व दक्वं कल्प सिद्धि लायफइ ॥ हाकनं भूत, भविष्य,
 वर्तमाने जुयावइगु कालज्ञान स्यूम्हजुया समस्त जन्मयागु ज्ञान
 स्यूम्हजुइ ॥ सकल तथागतपिनिगु गुण लुमंकेगुलि श्रद्धाभाव दुम्हजुया
 सम्पूर्ण मंगल कार्य परेज्वीका सकल मनोरथ पुरेज्वी ॥ थ्व तःधंगु
 महाविद्या च्वया मात्रं सम्पूर्ण सुख बढेजुया आनन्दं काल क्रियापुरेयाना
 सुखावति भुवने बास लायेफइ ॥ हाकनं नाना प्रकारं यागु तच्चतं
 भयंकर ग्यानापुगु ल्वापु, कलह, विग्रह ज्वीगु बखते तथागतपिंसं
 गथ्ये आज्ञादयेका बिज्यात वथ्येंतुं हे निर्भययाना त्याके फइ ॥

सदाकाल जन्म जन्मान्तरयागु खँ लुमंका निश्चयनं च्वनेफइ ॥
जुजुपिनं वयागु वशेवनि, शहरया महाजनपिं व खना शान्त
स्वभावज्वी, हाकनं सकल साधु सज्जन लोकपिसं मित्र भावयाका
च्वनेदइ ॥ हाकनं देव, मनुष्य सकलया प्रेम जुयेका इमिसं चान्हं
न्हिनं थुम्ह मनुष्ययात रक्षायाइ ॥ थथ्ये धका श्री भगवानं
महाब्राम्हणयात कनाबिज्यात ॥

हे महाब्राम्हण । थनंली तथागत सम्यक्सम्बुद्ध भगवानं
कनाबिज्यागु तःधंगु सिद्धगु मन्त्र पद थ्वहे जुल ॥

बुद्धयात नमस्कार ॥ धर्मयात नमस्कार ॥ संघयात नमस्कार ॥
अतिकरुणामयजुया बिज्यानाच्चंम्ह श्री शाक्यसिंह भगवानयात
नमस्कार ॥ सकल तथागत सम्यक्सम्बुद्धयात नमस्कार ॥ श्री
बुद्धशासनया उन्नती बढे यायेमाया निती वसपोलपिं सकसित नं
मैत्री भावयाना नमस्कार ॥ सकल प्राणिपिन्त करुणातया जिनं
थौया दिने थ्व असंख्य तेजदुगु, असंख्य पराक्रम दुगु, समर्थ दुगु थुगु
महाप्रतिसरा महाविद्याधर कल्पया मन्त्र कने त्यना ॥

थ्व मन्त्र कनेमात्रं तथागतपिनिगु तःधंगु वज्रसमानगु
आसनया थासय् वयाच्चंपिं मार व मारकायिका भुवनया देवपुत्रपिं,
हाकनं नवग्रहया समस्त नायोपिं, हाकनं मेमेपिं विघ्नयाइपिं सुसु दु
अयोपिं दक्क फुकं हे क्षणमात्रया भित्रे लोपजुया नाशजुयावनी ॥
थुगु मन्त्र गथ्ये धासा ॥

ॐ गिरि गिरि गिरिणी गिरिणी गिरिवति गुणवति आकाशवति
 आकाश विशुद्धे सर्वपाप विगते आकाशे यगणतले आकाश
 वीचारिणीः ॥ ॐ मणिधरी बज्रिनि ज्वलित शिखरे
 मणिमौक्तिक खचिम धरे सुकेशे सबेशे सुवक्त्रे सुनेत्रे सुवर्णगौरे
 अतिते अनुत्पन्ने अनागते प्रत्यूत्पन्ने ॥ ॐ नम सर्वेषां
 बुद्धानां ज्वलित तेषां बुद्धे सुबुद्धे भगवति सुक्षणि सुक्षये
 सुक्षये सुक्षमे सुप्रमे सुदमे सुदान्ते सुब्रते बरे बरदे प्रवरे
 भगवति सुभद्रवति भद्रे सुभद्रे विमले जयभद्रे प्रचण्डे चण्डे
 चण्डी चण्डी बज्रचण्डे महाचण्डे घोरि गंधारी गौरी चण्डाली
 मातंगी बच्चसि सुमति पुक्कसी सुमुखि संवरि शावरि शंकरि
 द्रमिडि दामिडि रौद्रणी सर्वार्थ साधनि परमार्थ साधनि हन
 हन सर्व शत्रुन दह दह सर्वदुष्टान प्रेतपिशाच डाकिनीनां
 मनुष्या मनुष्यानाञ्च पच पच हृदयं विध्वंशयजीवितं सर्वदुष्ट
 ग्रहाणां नाशय नाशय सर्वपापानि मे भगवति रक्षंरक्षमम
 सपरिवाराणां सर्वसत्त्वांश्च सर्वत्र सर्वदा सर्वभयोपद्रवेभ्यः
 सर्वदुष्ट प्रदुष्टानांच वंधन कुरु कुरु सर्वकिल्बिष नाशानि
 मार्तण्डे मृत्युदण्डे मृत्युदण्ड निवारणी मानदण्डे मानधारणी
 महामानी मानधारणीचरे विचरे विमले चिटि चिटि डिटि
 डिटि मानि निति निति निटि निटि नि तुते घोरिणीघरिणी
 निमिणी बीरिणी बीर्यणी प्रवरे प्रवर समरे चण्डाली मातंगी
 रून्धसी करसी सरसी वच्चसी सुमति पुक्कसि शबरी शावरि

शंकरि समनि द्रमिडि दामिडि हननि दहनि पचनि मर्दनि
 सरले सरलम्भे हिनमध्योत्कृष्ट विदारिनी विधारिनि महिले
 महिले महामहिले निगडे निगद्रभञ्जे मत्ते मत्तिनि दान्ते
 चक्रे चक्रवाकिनि ज्वले ज्वले ज्वलिनि शंबरि शाबरि
 सर्वव्याधि हरणी मुनि मुनि चूडि चूडि चूडिनि चूडिनि
 निमि निमि निमि निमिन्धरी त्रिलोक वर्द्धनि त्रिलोकजननी
 त्रिलोका लोकनरि त्रैधातूक व्यवलोकिनि वज्रपरशु पाश
 मुद्गरं खड्ग शंख चक्र त्रिशूल चिन्तामणि महामकुट
 महाविद्या धारणी रक्ष रक्षमां सर्व सात्त्वानाञ्च सर्वत्र
 सर्वस्थानगतं सर्वदुष्टभयेभ्यः सर्वमनुष्या मनुष्य भयेभ्यः
 सर्वव्याधिभ्य वज्रे वज्रावति वज्रधरे वज्रपाणिधरे हिलि२
 किलि२ चिलि२ मिलि२ वर२ वरदे वरदांकूशे सर्वत्र जयलब्धे
 स्वाहाः ॥

सर्वपाप विदारिणी स्वाहाः ॥ सर्वव्याधिहरणी स्वाहाः ॥
 गर्भसंभरणी स्वाहाः ॥ सर्वत्रभयहरणी स्वाहाः ॥ स्वस्तिभवंतुमम
 सपरिवारस्य सर्वसत्त्वानाञ्च स्वाहाः ॥ ॐ भुवस्वाहाः । ॐ
 स्वस्ति स्वाहाः ॥ ॐ शान्ति स्वाहाः ॥ ॐ पुष्टिस्वाहाः ॐ
 सर्ववलवर्द्धनि स्वाहाः ॥ ॐ जय जय जय वति जय कमले
 विमले स्वाहाः ॥ ॐ विपुले स्वाहाः ॥ ॐ सर्वतथागतमूर्ते
 स्वाहाः । ॐ भूरमहाशान्ते स्वाहाः ॐ भूः ॐ भूरि२
 वज्रवति सर्वतथागत हृदयपुरणी आयु संधारणी बल बल

बलवति ॐ जयवति हुं हुं फट् फट् स्वाहाः । ॐ मणिधरि
बज्रिणी महाप्रतिसरे मम सर्व सत्त्वानांच रक्ष रक्ष हुं हुं फट्
फट् स्वाहाः ॥ ॐ मणि वज्रहृदय वज्रमारसैन्य विद्रापणी
हण हण सर्वशत्रुन् वज्र गर्भे त्राशय त्राशय सर्वमार भवनानि
हुं हुं फट् फट् स्वाहाः ॥

थुलि रक्षयन्त्र धारणी जुल ॥ हे महाब्राम्हण । गुम्ह
गुम्हस्यें थ्व तथागतयागु मूर्ति स्वरूप जुयाच्चंगु थ्व तःधंगु मन्त्र
धारणी सहितयाना गुप्तयाना मन्त्र दयेका धरेयाना तलधाःसा
थ्वइत विपरित ज्वीबले रक्षाज्वी ॥ गथ्ये धालसा पालनपोषण जुइ,
शान्ति नं ज्वी, स्वस्ति नं ज्वी, मंगल नं ज्वी ॥ हाकनं दण्ड इत्यादि
कथिं प्रहारयात धालसा, शस्त्र अस्त्रं प्रहारयात धालसा, शत्रुयापाखें
विष लगेयात धालसां, थ्व विषदक्कं नाशजुया वयात रक्षा जूवइ ॥
हाकनं थ्व विद्या धरेयाना च्वंम्हेसिया आयु क्षयजुया वन धाःसा
हाकनं आयुबढे जुयावइ ॥ ताकालं चिरञ्जीवीजुया सुख आनन्द नं
म्वाना च्वनेदइ ॥ हाकनं अनेनेगु खँ लुमंके फुम्हजुया च्वनी ॥ थुगु
मन्त्र उच्चारण याये मात्रं धालसा, वज्रे थियेका मन्त्र ब्वनेमात्रं
याकनं अकाल मृत्युं सीमागु अथवा ततःधंगु रोग आदि दया
च्वंसानं तत्कारणं रोगमुक्तजुया फुनावनी ॥ हाकनं मेमेगु दक्क
रोगदया च्वंसां शान्त जुयावनी ॥ हाकनं त्यानुया च्वंसानं
एकचित्तयाना थ्व मन्त्र ब्वना वज्र थियेमात्र नं शान्त जुयावनी
न्हिने न्हिने एकचित्तयाना थ्व मन्त्र ब्वना जुल धालसा थुम्ह मनुष्य

अत्यन्त बुद्धिमानजुया ओजस्वी समर्थवान पराक्रम ज्वीफइ ॥
अनेक प्रकारयागु पाप कर्मयागु दोषयाना न्हिथं न्हिथं जुयाच्चंगु
दुःख पीडा तत्कारणं थ्वहे विद्याया अनुभावं याना क्षयजुया
फुनावनी ॥

पुनर्वार हाकनं सकल बुद्धबोधिसत्त्वपिं देव, नाग, यक्ष,
गन्धर्व, दैत्य, गरुड, किन्नर, महोरग इत्यादि वया थ्व मनुष्यया
शरीरे ओजवल धयागु पराक्रम बढेयाना बिइ, हाकनं थुम्ह मनुष्यया
आपालं प्रिति हर्ष दुम्हज्वी ॥ हे महाब्राम्हण । लिपा थ्व महाविद्या
मन्त्र वचनं याना तिर्यक योनिलाना च्वंपिं पशुपंक्षि किटपतंगपिनि
न्हेपं प्वाले थ्व महाविद्या ध्यान धालसा अपिं सकलें थ्वहे विद्याया
प्रभावं रक्षाजुइ ॥ अवैवर्तिक धालसां पशुजन्मे तरेजुया मनुष्य
जन्मकया बोधिसत्त्वजुया अनुत्तर सम्यक्सम्बोधिज्ञानयागु पदलाना
वंपिं जुइ ॥

पुनर्वार हाकनं मेगु खँ छुकने हे महाब्राम्हण । थ्व
महाप्रतिसरा तःधंगु धारणीस्तुं गुम्हं श्रद्धालुपिसं कुलपुत्रपिं जुसां,
कुलपुत्रपिं जुसां अथवा भिक्षु जूसां, भिक्षुणीनं जूसां, उपासकपिसं
जूसां, उपासिकापिसं जूसां अथवा राजां जूसां, राजपुत्रं जूसां, राजाया
मन्त्रीपिसं जूसां अथवा ब्राम्हणं जूसां, क्षत्री जूसां अथवा संगुम्हमेपिसं
जूसां थ्व तःधंगु मन्त्र एकचित्तयाना छकजक न्यन धालसा हाकनं
थ्व मन्त्र न्यने धुनेवं अति श्रद्धाभावतया, गौरवयाना, आदरयाना,
धैर्ययाना थ्व मन्त्र पदधारणी पुस्तक थःम्ह हे च्वत धालसा अथवा

च्वकाकया धारण्यात धालसा अथवा पाठयाना ब्वनाजुल धालसा, हाकनं थःम्ह मती अत्यन्त श्रद्धातया भावभक्तियाना जुल धालसा, हाकनं मेमेपिन्त नं विस्तारपूर्वक थ्व तःधंगु प्रतिसरा धारणी प्रकाशयाना कना जुल धालसा हे महाब्राम्हण ! उम्ह मनुष्ययात च्याता प्रकारयागु महाभय नं, हाकनं याकनं सीःमालिगु भय आदि छु प्रकारनं अकालमृत्यु भय नं सीःमालिमखु ॥ थ्व विद्या धरेयाना च्वंम्हया शरीरे तःधंगु रोग व्याधिज्वीनं फैमखु ॥ थुम्ह मनुष्यया शरीरे अग्नियागु भय, विषयागु भय, शस्त्र अस्त्रयागु प्रहारयानाहैगु भय, थुजोरगु भय नं दइमखु ॥ थ्व गथे धालसा शत्रुगणपिसं लावेयाना हैगु विष, हाकनं काखोर्ड यागु किपालु, हाकनं बेताल यागु भय, कर्पिनिगु मन्त्रकर्मयाना चूर्ण प्रयोगयाना अनेकप्रकारं स्येंका हैगु थुजोरगु मभिंगु कर्मयाना हल धाःसां थ्व विद्याया प्रभावं लगे ज्वीमखु ॥

हाकनं थवगु शरीरे अनेक प्रकारयागु शूलवैगु जुल, ज्वरवैगु जुल, शिरोवर्ति धयागु तच्च्वकं हे कपास्याईगु जुल अथवा न्हिन्हिं वइगु मभिंगु ज्वर जुलसां अथवा हाकनं छकःजक वइगु ज्वर जूसां छन्हु अतःवइगु ज्वर जूसां स्वन्हु अतःवइगु ज्वर जूसां, प्यन्हु सछकः वइगु जूसां, न्हेन्हु सछकजक वइगु जूलसां, थुजोरगु मभिंगु ज्वरं थ्व मन्त्र ब्वना जूःम्हेसित थियेफैमखु अर्थात थयोगु ज्वर वैमखु ॥ हाकनं द्योसांनं आनन्दं द्यनाधका सुखपूर्वकं न्ह्योवयेका च्वनेदुपिं हाकनं स्मृति दुम्ह जुया लुमंका दने फै ॥ लिपा तःधंगु

निर्वाण पद नं लायेफै ॥ छकःजक थुगु धर्मयाना नं तःधंगु ऐश्वर्य
 फलप्राप्त ज्वी ॥ उम्ह मनुष्य गन गन जन्म काःवन अन अन हे
 जन्मर पतिकं थःम्हयाना वयागु लुमंके फुम्ह थयोम्ह जातिस्मरण
 जुयेफै ॥ हाकनं उम्ह मनुष्य सकसिनं प्रेमजुया वयात सकसिनं
 मानेयाना पूजा भावयाका वन्दनायाका च्वंवइ ॥ व सकल नरके
 तिर्यक योनी प्रेत इत्यादि षट्गतियागु दुःखं मुक्त जुयफै ॥ गथ्ये
 सूर्यमण्डलयात रस्मियागु तेजं जाज्वल्यमान यानातई अथ्येहे थ्व
 रक्षामन्त्र धारणयाना च्वंम्हेसित ज्ञानरूपी रस्मियागु तेजं उज्वलयाना
 तई गथे चन्द्रमण्डलयात अमृतं थाहांवया सकल सन्त प्राणीपिन्त
 शरीरे शीतल आनन्द याइ अथ्ये हे थ्व धर्मरूपी अमृतनं सकल
 सत्त्वप्राणीपिनिगु चित्तरूपी सन्तानतयूत आनन्द दई ॥ सकल दुष्ट,
 यक्ष, राक्षस, भूत, प्रेत, पिशाच, उन्माद धयापिं वेंचापिं, अपस्मार
 धयापिं डाकिनि, नवग्रह विघ्न यायेगुली नायक जुयाच्चंपिं थुजोरपिं
 सकसिनं थ्व महाप्रतिसरा महाविद्याराज्ञीया अनुभावयाना इमिस्यें
 ह्येंस्याना मिचेयाना स्येंक वइ फैमखु ॥ छं गुगुलिंजुया सकल दुष्ट
 अयोपिं यक्ष, राक्षस, भूत, प्रेत, पिशाच, उन्माद, अपस्मार आदि
 मभिंपिं ग्रह तेस्यें थुमिसें थीहेफइमखु अर्थात् थ्यूहे वल धालसां थ्वहे
 प्रतिसरा महाविद्याराज्ञी मन्त्र निश्चययाना लुमंके माः अथ्ये लुमंकेवं
 उपिं दुष्ट चित्तजुया च्वंपिं मभिंपिं ग्रहतयूसं दक्कसिनं थ्वहे
 विद्याधरयागु वचन न्यना थ्व मन्त्रन्यना ग्याना ज्वी थ्वहे महाप्रतिसरा
 महाविद्याराज्ञीया प्रभावयाना वयात शत्रुयागु भयनं दइमखु ॥ हाकनं

सकल शत्रुगण जुजु महाराज प्रधानमन्त्री ब्राम्हणकुल पुत्रपिसनं
क्वत्यल्ये फैमखु ॥

हे महाब्राम्हण । अन्त्यनं ध्व महाप्रतिसरा मन्त्र ब्वंम्ह
मनुष्ययात स्यायेगु ज्वग्यजुया स्याइपिं बधक पुरुषपिनिसं ब्वनायंका
शस्त्र अस्त्र प्रहारयाना स्यायेत्यनं धालसां इमिके च्वंगु शस्त्र अस्त्र
गथ्वे धू पुचले च्वंगु धू ब्वया वया सी मदया वनी अथ्यहे इमिगु
शस्त्र अस्त्रनं कुच्चार दला चूर्णजुया बनी ॥ हाकनं थुजोगु महाभय
मरणान्तक कष्टमय दक्वं धर्मनं ध्वया न्ह्योने खनेदया वइ ॥
हाकनं ध्वया तःधंगु धर्म लुमंकेगु समर्थ धालसां स्मृतिबल दयावइ ॥
ध्व महाप्रतिसरा तःधंगु रक्षा धयागु अति पवित्र जुयाच्च्वंगु दक्वं
पाप नाशजुया फुकाबीगु खः हाकनं लक्ष्मी बढे याइगु समस्त
प्रकारया गुण बढे यानाबीगु नं खः ॥ ध्व मन्त्र गथिंगु धालसा
सकसित नं महामंगलयाना सकसितनं अमंगल जुया च्वंगु नासयाना
फुकाबीगु खः हाकनं न्ह्योवया च्वनीगु बखते भिंगु स्वप्न क्यनिगु
मभिंगु स्वप्ना खनिगु नाशयानाबिगु खः ॥ स्त्री पुरुष धैगु मिजं मिसा
सकसितनं ध्व तःधंगु मन्त्र निश्चय नं अति बलसमर्थ दुगु जुगुयानिती
तःधंगु रक्षायाइगु खः ॥ महाबने जंगले ग्यानपुगुथासय् वनेगु
बखते क्षणमात्र नं न्हिथंर भय तरेयांना रक्षायाइ ॥ हाकनं तथागतयागु
वचन थ्येंतुं दक्वं थवगु मनोरथ पुरेयाना बिइ ॥ हाकनं गनं परदेश
गमन यायेगु बखते लें प्यकालें अथवा गल्ली वनाच्च्वने बले
थुजोरगु थासय् थ्यनिबले ध्वहे तःधंगु विद्या लुमंकेमाः ॥ ध्व

तःधंगु विद्या निश्चययाना लुमंकल धाःसा थ्वहे विद्याया अनुभावं
मखुगु लें वना च्वंसां याकनंहे उगुलें छुते जुया भिंगु खःगु लें लुयेके
फया उत्तमगु भोजन जलपान यायेगु नं प्राप्त ज्वी ॥ हाकनं मभिंगु
वृत्तियाना मखुगु२ खँल्हाना धर्मयात निन्दायाना मभिंगु मतितया
कल्पनायाना न्हापायागु जन्मे अनेक प्रकारयागु मभिंगु पापकर्म
गुलियाना वयागु खः उलि पापदक्वं नासजुया वनी ॥ थ्व मन्त्र
लुमंका धारणयाना निश्चययाना ब्वना च्वया थवगु गृहेतया पाठयाना
हाकनं स्तोत्र थ्यें ब्वना जपयाना कर्पिन्त नं धर्मदेशनायाना उपदेश
बियाजुल धाःसा थ्वया शरीर याकनं हे लोकोत्तर धर्मपद लायेफुम्ह
ज्वी ॥ थुगु प्रकारं निश्चयनं तःधंगु धर्मरूपी अमृतरस प्राप्त
जुस्येंली दक्वंपाप क्षयजुया फुनावनी थवगु मने गुगु२ मति ल्वीका
इच्छायानागु खः व दक्वं हे कर्म सिद्ध ज्वी ॥ दक्व मृत्युयागु भय
ज्वीबले थ्व मन्त्र हे वइत तरेज्वी ॥

पुनर्वार हाकनं राजायागु भय, अग्नियागु भय, लंख्यागु
भय, मलयागु भय, खुंयागु भय अथवा युद्ध संग्राम कलहजुया
च्वनिगु बखते हाकनं महाभयंकरं ग्यानपुस्ये२ च्वंपिं हिंसक जन्तुतय्
थासय् महाप्रतिसरा महाविद्या छगू लाख १०००००० जपयात धालसा
थ्वदक्व भय फुनावनी ॥ उक्यें थ्व अति तःधंगु सिद्ध मन्त्रजुयाच्वंगु
महाप्रतिसरा महाविद्या सकल तथागतपिंसं निश्चययाना
कनाबिज्याना वगु खः ॥ तःधंगु बोधिज्ञानयागु ज्या पुरेयायेत थ्व
मन्त्र न्ह्याक्व ब्वंसां निष्फल ज्वीमखु ॥ हाकनं सकभनं न्ह्यागु

थासय् नं थ्वहे महाविद्या प्रयोग यायमाल, हाकनं थःत उत्तमगु
मन्त्र सिद्धि लायेत मेपिन्त सिद्धिफल बियातःगु कार्य यायेगु इच्छायाई
थ्वहे विद्याया प्रभावं उगु२ कार्य विधिपूर्वकं बांलाक यात धाःसा
उगु कार्य निर्विघ्न साफल्यज्जी थुगुखें सन्देह मदु ॥

ॐ नमः सर्वबुद्ध बोधिसत्त्वेभ्यो येतिष्ठन्ति दशसुदिक्षुः ॥

भिग्गू दिशास बिज्यानाच्चंपि सकल तथागत बुद्ध
बोधिसत्त्वपिन्त नमस्कार ॥

ॐ मणिवज्रे हृदयवज्र मारसैन्य विदारिणि हन हन सर्वशत्रून्
रक्ष रक्ष ममशरिरे सर्वसत्त्वानाञ्च वज्र वज्र महावज्र त्राशय२
सर्वभार भवनानि हुं हुं फट् फट् संभर संभर स्वाहाः ॥ बुद्धमैत्री
सर्वतथागत वज्रकल्पाधिष्ठिते सर्वकर्मा वरणान्य पनयस्वाहाः ॥

थुलि मन्त्र जुल ॥ आः जिं रोगजुया तच्चतं संकष्ट परेजुया
च्चंपिन्त चिकित्सायाना रोग लायेकेगु विधि जिं कनेत्यना गथ्ये
धालसा चा व सौ मिलेयाना शुद्धगु थासय् लेपनयाना प्यंगू कोथा
दुगुमण्डल दयेकेमाल, थुगु उत्तमगु मण्डले न्याता रंगया चूं हया
चित्र विचित्रयाना बांलाक च्वयेमाल ॥ थुगु प्रकारं मण्डलच्चया
प्यंगः पूर्णकलश पण्डितपिसं थुगुमण्डले विधि विधानयाना स्थापना
यायेमाल ॥ हाकनं उगु मण्डले बासना वयाच्चंगु जात जातया
स्वांहया होलेमा, हाकनं अत्यन्त उत्तमगु सुगन्ध वासना वयाच्चंगु
धूपहया धूपथना तयेमाल ॥ अले हाकनं महासाहस्र प्रमर्दनीयात
बलिबिये थ्येंतुं बलिकर्म नं बियेमा ॥ न्हापा थ्येंनतुं थुगु मण्डले

विधिपूर्वक भावयाना मन्त्र ब्वना सुगन्ध पुष्प आदि होला छाया
 पूजायायेमा ॥ हाकनं प्यंगू दिगेसं खयोसिमायागु कचा हयाः प्यंगू
 किला स्वाना ताडनतया छचाख्यरं तुयूगु कापतं हिनातयेमा ॥
 थुलियाना लिपा व रोगजुम्हेसित सुगन्ध पवित्र जलं स्नानयाका
 शुद्धगु वस्त्रं पूंका हाकनं भिंगु अष्ट सुगन्ध वयागु शरीरे बुला उगु
 मण्डलदयेका तयागु थासय् दथ्वी वइत दुकया अनंलि वइत पूर्व
 दिशापाखे सन्मुखयाका फेतुका थ्व मन्त्र उच्चारणयाना ब्वनाबिइमा ॥
 थ्व मन्त्र विद्या न्हेक ब्वना, जपयाना पण्डितजनपिस्यें थ्वइत
 रक्षायाना तय्मा अनंलि व रोग जुयाच्च्वंम्हयात उगु आसनं थना
 हयाली हाकनं एकविंशति धयागु २१ नीछक्वः थ्व तःधंगु विद्या
 मन्त्र ब्वना बियेमा थुगु महाविद्या मन्त्र थुगु प्रकारं ब्वना रोगजुया
 च्वंम्हेसित न्येकाबिल धालसा वयागु रोगदक्वं शान्तजुया फुनावनी ॥
 हाकनं प्यंगः पूर्णकलशयात, हाकनं बलियात, न्हेकः न्हेकः थ्व
 मन्त्र ब्वना बलि बियेमा ॥ थुगु प्रकारं बलि बिइधुस्येंलि लिपा
 हाकनं विधिपूर्वकं पूजाभावयाना न्हेय्धाःनतुं मन्त्रे ब्वना पुष्पबली
 बियेमा ॥ थुगु कथं पुष्पबली बिइधुस्येंली अथ्यहेनतुं दक्षिणदिशा
 पाखे स्वया न्हेकः थ्व मन्त्र ब्वना ताडनतया बलिबिया पुष्प बलि
 होला छोय्मा ॥ हाकनं पश्चिम दिशा पाखेस्वया पूजायाना बलि
 बिया न्हेकः मन्त्र ब्वना ताडनतया पुष्पबलि होलाछोय्मा ॥ थ्व
 थ्येंतू हाकनं उत्तर दिशास पाखे स्वया न्हेकः मन्त्र ब्वना ताडनतया
 पूजायाना बलिबिया पुष्पबलि होलाछोय्मा ॥ हाकनं पूर्व दिशा

पाखे स्वया न्हेकः मन्त्र ब्वना पुष्पबलि बिया पूजायाना होलाछोय्मा ॥
 थुगु प्रकारं हाकनं अग्ने, नैऋत्ये, वायुव्ये, इशाने, थ्व प्यंगू कुनेनं
 ताडनतया पूजायाना न्हेकः मन्त्र ब्वना बलिबिया पुष्पबलि
 होलाछोय्मा ॥ हाकनं च्वेस्वया न्हेकः क्वेस्वया न्हेकः थुगु प्रकारं
 थ्व मन्त्र ब्वना पूजायाना ताडनतया बलिबिया पुष्पबलि होलाछोय्मा ॥
 थुलियात धालसा रोगं पीरेजुया च्वंम्हयात रक्षाज्वी ॥ हे द्विज
 ब्राम्हण मध्ये श्रेष्ठ जुयाच्वंम्ह हे महाब्राम्हण ! थुगु कथं भिगू
 दिशास ताडनतया पूजायाना मन्त्र ब्वना बलिबिया पुष्पबलि होला
 थय्ये निश्चययाना थुगु मण्डल साधनयात धालसा वयात रोगं
 पीरेजुया च्वंगु दुःख आदि क्षयजुया फुनावनी थय्ये धका श्रीशाक्यसिंह
 शाक्यपुत्रं गथ्ये कनाबिज्यात अथ्यहे थ्व तःधंगु पंचरक्षाया प्रतिसरा
 धारणी धयागु थ्वहे रक्षासूत्र जिनं कनागुजुल ॥ थ्व विद्या गथिंगु
 धालसा स्वर्गमर्त्य पाताले स्वंगु भुवने दुर्लभ जुया च्वंगु थ्व विद्यायाबेसिं
 तःधंगु मेमेगु रक्षाज्वीगु साधना छूहेमदु ॥ वयात मृत्यु जुइ माःगुनं
 मखुत, बुढा ज्वी माःगुनं मखुत, बुढिज्वीमाःगु नं मखुत, सदासर्वकालं
 युवावस्थाजुया च्वनेदइ ॥ रोगज्वीका च्वनेमाली मखुत ॥ हाकनं
 योम्हनापं छुव्ये२ बाया वियोग दुःख ज्वीका च्वनेमालीगुनं दइ
 मखुत ॥ हाकनं मयोम्ह नापं होना च्वनेमालिगु बखते चित्तयात
 ज्वीगु दुःख भावनं ज्वीमखुत, थ्व तःधंगु मन्त्र साधनयाम्हेसित
 धर्मया राजाजुया च्वंम्ह यमराजां आदर भावतया मानेयाना थुगु
 प्रकारं यमराजां व पुरुषयात धाइ हे महापुरुष क्षणमात्रया लागि

जिगु थ्व नरके वयां छुयां निश्चय नं छ स्वर्गभुवने हुं उलिधाय
मात्र नं थ्व महापुरुष अनेनेगु नाना प्रकारया विमानेच्चवना उत्तमगु
देव भुवने थांहावनी ॥ थुगु कथं थ्व महापुरुषयात यक्ष राक्षसपिसं
आः उगुथासय् सदानं मानेयाका पूजा भावयाका च्वनेदइ ॥ हाकनं
यक्षगणया मालिक जुयाच्च्वंम्ह बज्रपाणी, हानं शचिरानीया स्वामिजुया
च्च्वंम्ह देवराज इन्द्र, हाकनं हारती पाचिक धयापिं अत्यन्त समर्थवान
जुयाच्च्वंपिं लोकपाल, दशदिग धयापिं, हानं चन्द्र सूर्य आदि नक्षत्र,
अति भयंकर ग्यानापुपिं नक्षत्र नवग्रह, हाकनं थुपिं सकले ततःधंपि
नागदेवता ऋषिमुनिपिं सहितं, हाकनं दैत्य, गरुड, गन्धर्व, किन्नर,
महोरग इत्यादि थुपिं सकसिनं थ्व तःधंगु विद्या धरेयाना च्वंम्हेसित
न्हिथंर रक्षायायेत तत्पर जुयाच्च्वंगु दु ॥ अकिं अति बुद्धिमान जुया
च्च्वंम्ह मनूखं थुलि तक तःधंगु विद्या मन्त्र च्वकाकया अथवा
थःम्हंच्चवया बाहाले चिना धारणायाना तयेमाल ॥ थुलि यातसा
तःधंगु पूजा भावनां याकनंर लायेफै हाकनं न्हिथंर थवगु गृहे
श्रीलक्ष्मीनं बासयाना श्रीसम्पति नं बढेजुया वइ थथ्ये धका श्री
बुद्धशाक्यमुनि भगवानं अति प्रशन्नजुया आयुष्मान आनन्द भिक्षु
थ्वहे ब्राम्हण आदि थ्वहे पर्वत मण्डले बिज्यानाच्च्वंपिं असंख्य
आपालं भिक्षुगणपिं, बोधिसत्त्वगणपिं, अर्हतगणपिं, प्रमुखं अन दक्व
सकल सभालोकयात थुगु महाप्रतिसरा मन्त्रधारणी फलविशेष
पुण्य प्रशंसा महात्म्यया खँ आज्ञादयेका बिज्यात ॥ थुगु प्रकारं
श्रीशाक्यमुनि बुद्ध भगवानं आज्ञादयेका बिज्यागु थुगु महाप्रतिसरा

धारणीयागु पुण्यफल प्रशंसा गुण महात्म्य तःधंगु धर्म व्याख्यान्त्यना
देव, दैत्य, मनुष्य, गरुड, गन्धर्व, किन्नर आदि सकल सभालोकया
चित्त बोधजुया धन्य२ श्री महाप्रतिसरा विद्याराज्ञी धयागु धारणी
खः धका प्रशंसायाना थुगु पंचरक्षासूत्रया प्रतिसरा धारणीयात
सदासर्वकालं जिमिस्ये धारणयाये फय्माधका कल्पनायाना
महाब्राम्हण आदि थुगु सभा मण्डले च्वंपि सकसिनं श्री भगवानयात
पूजायाना स्तोत्रयाना अति प्रशन्न जुयाच्चन ॥ आर्य महाप्रतिसरा
महाविद्याराज्ञी धयागु रक्षाविधि कल्प ॥ विद्याधरयागु खँ सम्पूर्ण
जुल ॥ शुभम् भूयात ॥

येधर्मा हेतु प्रभावा हेतु स्तेषांतथागत


ह्यवदतेषां च यो निरोध एवं वादिमहाश्रमणः॥

थुगु पुण्यया प्रभावं श्री आर्य महाप्रतिसरादेवी नं रक्षायाना
स्वया विज्यायेमाल धर्मराजेण स्वहस्तेन लिखितम् ॥ क्षमस्वः ॥

लेखकया पिदने धुंकुगु सफूत



- १) अष्टवैतराग महात्म्य
- २) धारणी संग्रह स्तोत्र पुचः
- ३) सप्तबार ग्रहमातृका पाठ
- ४) आर्य्य प्रत्यङ्गिरा पाठ व हारती स्तोत्र सहित
- ५) द्वादश तीर्थ महात्म्य कथा
- ६) आर्य्य पञ्चरक्षा पाठ (अर्थ सहित) (छःपिनिगु लहाती)



सफू दइगु थाय्

शैलेन्द्र वज्राचार्य

प्यंगःथां, इबाहाःचोक, यल ।

मो. नं. ९८४९०२४३३९, ~~९८४९०२४३३९~~